





Забур



Библияны таржумасыны институту
Москва
2016



Забур

ISBN 978-5-93943-221-4

© Институт перевода Библии, 2016

Баш сёз

Аявлу охувчу!

Сен кьолунга тутгъан бу китап — кьумукъ тилге гёчюрюлген Забурну таржумасы. Шону Библияны таржумасыны институту этген. Забурдан кьайры, шо институт, кьумукъ тилге Сыйлы Язывлагъа гиреген бир нече китапны таржума этип, басмадан чыгъаргъан — Яратылывну, Айтывланы ва шолай да савлай Янгы Разилешивню.

Забур — 150 йырдан амалгъа гелген жыйым китап. Шо йырланы гьариси озьтерече хасиятлы. Забургъа дин ругьлу макътав йырлар, дуалар, Аллагъны гьакъындагъы лирикалы пикирлешивлер, гиччирек поэмалар гирген. Забур инг башлап ягъуди тилде яратылгъан. Бютюн китапдан таба Аллагъгъа алгъыш, макътав этив кызыл сызакъ болуп оьте. Гьатта юрек ачытып этилеген кант этивню неде ваягъ айтывну вакътисинде де дуа оьзю макътавлукъ болуп токътай: йырчы Аллагъны ахтара, Ону булан умутун байлай, Огъар ювукъ болма къасткъыла.

Забурдагъы йырлар ритмика ягъындан кьурумлу тизилип геле. Гьар сатыр эки неде экиден артыкъ ярым сатырлагъа бёлуне, шолар буса бир-бирине янаша салыныв, ошашлыкъ, кьаршы салыныв белгилери булан тагъылып геле: ярым сатырлар маънадаш сёзлени, бир-бирине маъна якъдан ошашлы сёз тагъымланы, жумлаланы кёмеклиги булан айтылып турагъан теманы такрарлай неде маъна якъдан бир-бирине кьаршы сала. Бырынгъы ягъуди шиъру тизимине аслу гьалда къапия хас тюгюл буса да, бир-бирде эки ярым сатырны арасында да къапия ёлугъа.

Забурдагъы йырланы шиъру тизим кьайдасы, тили оьзюню тамурлары булан Ювукъ Гюнтувушну бырынгъы девюрлерине чыгып гете. Шогъар йырларда кьаршылашагъан шумер, акъкъад, угъарит ва бырынгъы Гюнтувушдагъы оьзге тиллени белгилери, ва янаша геливлери шагъатлыкъ эте. Шо бир вакътини ичинде поэзияны шо бырынгъы мердешлери Забурну алдына салынгъан бюс-бютюнлей янгы муратлагъа:

бир Аллагъны макътап йырлавгъа, шексиз кюйде бютюнлей макътав ва алгъыш этивге – къуллукъ эте.

Ибадатхананы йырчылары согъув алатланы макъамына гёре йырланы дин адатланы ва байрамланы оьтгерегенде айтып гелгенлер. Амма биз шекленип къалсакъ тюгюл, шо согъув алатланы авазы нечик чалына болгъанын мекенли кюйде айтып болмайбыз; Аллагъгъа къуллукъ этилегенде къоллангъан макъамлар нечик болгъаны бизге ачыкъ тюгюл. Бугюнлер бизге белгили болуп токътайгъан биргине-бир зат бар: гъар йырны башында шо йыр белгили бир согъув алатны авазына гёре айтылма тарыкъ деген тунукъ эсгеривлер ёлугъа (масала, къыллы согъув алатланы; къара: 4, 6, 53, 54, 60, 66, 77-нчи йырлар) неде йыр нечик буса да белгили бир йырлав къайда булан байлавлу болма тюше (масала, «гиттит»; къара: 8, 80, 83-нчю йырлар). Кёбюсю йырланы ичинде села деген бир англав ёлугъа. Шону маънасы гъалиге ерли белгили тюгюл: балики, шо макъам согъулагъан вакътидеги бир токътавдур неде, терсине, согъувчулар макъамны сокъма башласын учун, шо ерде охуйгъанлар токътама тийишлидир. Таржумада биз села деген англавну гёрсетмейбиз.

Оьзлени ичделигине ва маънасына гёре Забурдагъы йырланы ёрукъ гъисапда шулай бёлюкlege айырма бола:

- Аллагъгъа макътав этив йырлар;
- халкъны яшавундагъы уллу къайгъылы агъвалатлар булан байлавлу ваягъ йырлар*;
- пачаны яшаву булан байлавлу бек агъамиятлы бир-бир агъвалатланы гъакъындагъы пача йырлары;
- айры бир инсанны дин ва ругъ сынаву булан байлавлу алгъыш этив ва товба этив йырлар.

Ичделик янындан белгили бир тематика бёлюкlege пайланагъаны йимик, къурулуш янындан алып къарагъанда да, бютюн Забур беш гесекге айрыла. Гъар шолай гесек айрыча бир макътав йыр булан тамамлана (40, 71, 88, 105-нчи йырлар ва бютюн жыйымны ахыры – 150-нчи йыр).

1) 1–40-нчы йырлар. Бу гесекдеги йырланы атларыны кёбюсюнде автор гъисапда Давут эсгериле.

* Кёбюсю йырларда ягъуди халкъны ва Давут пачаны яшавундан алынган тарихи агъвалатлар эсгериле.

- 2) 41–71-нчи йырлар. Йырланы атларында тюрлю-тюрлю авторлар эсгерилген: Корагъны уланлары, Асаф, Давут.
- 3) 72–88-нчи йырлар. Мунда «Асафны бир нече йырлары» (73–82), «Корагъны уланларыны йырлары» (83–84, 86–87), «Давутну дуасы» (85) ва «Етанны уйретивю» (88) гире.
- 4) 88–105-нчи йырлар ва 5) 106–150-нчи йырлар. Бу йырланы арасында айры бёлюклени айырма бола, масала, йырны аслу темасына къарап: «Гъакимлик этип турагъан Раббибиз» (92–99), неде йырланы атларына гёре: «Алгъамдуллилагъны йырлары» (145–150), «Оьрленивню йырлары» (119–133), «Давутну йырлары».

Йыр жыйым гысапда Забур эжелги девюрлерде, Давут пачаны вакътисинде амалгъа гелме башлагъан. Ону яратылыву сонггъу бир нече асуланы боюнда да узатылып тургъан. Йырланы кёбюсю эжелги девюрлерде (эсги девюрню VI-нчы арусуну башына ерли) яратылгъан деп белгилене. Амма кёп гечги девюрлерде яратылгъан йырлар да бар. Масала, 78-нчи йыр ва белгили 136-нчи йыр («Бабилни оьзенлерини ягъаларында»), шексиз кюйде, Бабилни есирлик девюрюнден алда яратылма кюй ёкъ.

Забурну кимни де гъайрангъа къалдырагъан чеберлик аламатлары да оьзлеге тергевюн тартмай болмай. Аламланы Пачасы болгъан, асгербаш гысапланагъан Аллагъны, Ону зор къудратыны, айры-айры йырланы «лирикалы игитлерини» – зулмугъа тарылып азап чегеген, шюкюрлюк этип турагъан уьстюн гелген адамны келпетлери оьтесиз таъсирли ва чебер кюйде яратылгъан. Китапны тилине бай аваз чалынывлар, терен маъналы яшыртгъын тенглешдиривлер ва оьзге чебер суратлав къайдалар хас.

Гертиден де, Забурдагъы йырларда инсанны гыслери, ойлари ва къайгъылары бары да янындан – шат къуванчлардан башлап ассиликни дертлерине етишгенче къуршалып алынып берилген. Забурну аслу мурады – гъар-бир инсанны ругъ, къылыкъ даражасына къарамайлы, Аллагъны барлыгъына тюшюндюрмек, Огъар амин болма уйретмек. Бу китапда яшавну терен айланмаларын, къайгъыларын суратлав Аллагъгъа бакъгъан якъдагъы дазусуз сюювге къатты кюйдеги инамлыкъ булан къатышып, ону оьзтеречелигин, маъналыгъын болдура.

Библияны таржумасыны институту бу китапны гъазирлевде ортакъчылыкъ этген бары да адамлагъа – таржумачыгъа, ре-

дакторлагъа, суратчыгъа – гъакъ юрекден разилигин билдире.
Буссагъатгъы вакътиде Библияны таржумасыны институту
Аюбну китабыны таржумасын басмадан чыгъарма гъазир-
леп тура.

Библияны таржумасыны институту



Забур

Биринчи Китап

(1-нчи – 40-нчы йырлар)

1 ¹Къылыкъсызланы сёзюне тынгламайгъан, гюнагълыланы ёлуна да тюшмеген, мысгъыллавчуланы жыйынларында да олтуруп турмайгъан гиши насиплидир.

²Амма ол Раббибизни Къанунундан къуванып турар, гече де, гюн де шо Къанунну гъайында болур!

³Шо адам сугъарылагъан ерде де орнатылып, оз заманында емиш береген, япыракълары да дёнмейген терекге ошар. Гъар къайсы ишни де ол ахырына чыгъар.

⁴Къылыкъсызлар буса шолай болмас; олар ел ёкъ этип къоягъан чангъа ошар.

⁵Шо саялы да къылыкъсызлар къыяматгюн Аллагъны дуванында, гюнагълылар да муъминлер булан бирче токътап туруп болмаслар.

⁶Неге тюгюл де, Раббибиз муъминлени ёлуну гъайын этер, къылыкъсызланы ёлу буса оълюмге багъып элтер.

2 ¹Халкълар неге гъалек болалар, олар неге бош хыяллагъа къуллукъ этелер?

²Дюнъяны пачалары баш гётерелер, бай-бийлер бирлешип, Раббибизге ва Ону Танглагъанына* къаршы чыгъып,

³булай деп айтар: «Оланы шынжырларын уъзюп ташлайкъ чы, бугъавларын да озъюбюзден алып атайыкъ чы».

* ^{2:2}Танглангъан – башына зайтун май сюртюлеген адатдан таба бир къуллукъгъа багъышланагъан инсан. Башына зайтун майны шолай сюртюлмеклигине пайхаммарлар, пачалар ва дин къуллукъчулар лайыкълы бола болгъанлар.

⁴ Кёклердеги тахта олтурган Аллагы кюлеп кюяр, кыйнашып да алар олагы.

⁵ Шо заман Ол олагы огтесиз ачувланып сёйлер, кызапланып йибериш, оланы булай айтып тамашагы кыалдырып кюяр:

⁶ «Обзюню сыйлы болган Сион тавумну устынде Мен Пачамны танглап алдым».

⁷ Пача булай дер: «Раббизни буйругун билдирип турарман мен! О Магы булай деп айтды: „Сен Мени Уланымсан. Мен де бугюн Сени Атанг болдум».

⁸ Менден тиле, Мен де Сагы варисликте халкъланы, гыкимлик этме бютюн дюньяны берермен;

⁹ Темир таягынг булан оланы токъатарсан, чыны сукарадай оланы хум-хуватын чыгырып кюярсан“».

¹⁰ Гей пачалар, гыкыллы болугуз чу; ер юзюню дуванчылары да, эс табыгыз чы!

¹¹ Раббизге кюркыа туруп кюллык этигиз, Ондан тирей туруп сюнюгюз.

¹² Обзю сизге кызапланмасын учун, сиз де тутган ёлугузда дагылып кыалмас учун, Огыр гюрмет этигиз! Неге тююл де, узак кыалмай Ону кызапланыву янып гетме де болур. Насиплидер Раббизде аркыатай табакъланы барысы да.

З ¹ *Обзюню уланы Абдусаламдан кычып барагында Давутну айтган йыры.*

² Раббим! Не артып гетди дагы мени душманларым! Кёплер магы кыаршы баш гётергенлер.

³ Кёплер мени гыкымда: «Алагы ону кыутгыармас», – деп сёйлейлер.

⁴ Амма Сен, Раббим, алдымдагы кыалкъланымсан, макътавлугымсан, башымны да Сен гётертип юютесен.

⁵ Раббиме кычырып чакырыв этермен, Ол да Обзюню сыйлы тавундан туруп мени эшитип турар.

⁶ Мен ятарман, юхларман, турарман, неге тююл де Раббим мени якылап турар.

⁷ Дёрт де якдан магы чапма белсенген санавсуз халкълардан да мен кюркымасман.

⁸ Кёмек эт, Раббим! Кыутгыар мени, Алагым! Неге тююл де, Сен мени душманларымны барын да якы сюеклерин увагып, кылыксызланы тишлерин тёгюп кюясан.

⁹Раббибиздир бизге уьстюнлюк береген. Оьз халкьынга да шабагыат эт дагы Сен.

4 ¹*Хорну ёлбашчысына. Къыллы согъув алатлар булан. Давутну йыры.*

²Мен чакъырыв этгенде, мени эшит дагы, адилли Аллагьым! Балагы кьопгьанда Сен магъа эркинлик бере эдинг. Магъа рагьму эт дагы, мени дуамны да эшит дагы.

³Инсанлар! Къачан болгъунча мени намусум хорланып турар экен? Къачан болгъунча сиз бош юрюшлени сююп, ялгъанны излеп айланып турар экенсиз?

⁴Оьзю учун Раббиз Аллагы иманлыланы айырып битгенни билип кьоюгъуз. Мен Оьзюне чакъырыв этегенде, Раббиз Аллагы эшитер.

⁵Шо саялы да кьоркъмакълыгыгъыздан кьартыллап туругъуз, гюнагы иш де этип кьоймагыз; ятгъан ятывларыгъызда юреклеригизден ойлашып кьарагыз, сиз де рагыатлыкь табарсыз.

⁶Герти кьурбанлыкьлар гелтиригиз, Раббиз Аллагыда да аркъатаягыз.

⁷Кёплер: «Бизге яхшылыкьны ким гёрсетер?» – деп айттып айланарлар. Бизге рагьмунг булан кьара дагы, Раббиз Аллагьым!

⁸Эркин кюйдеги экмекден, чагырдан эсе, Сенден гелеген шатлыкь артыкьдыр магъа.

⁹Мен паряхат ятып юхлайман, неге тьююл де мени аманлыкьда яшама янгыз Сенсен кьоягъан, Раббиз.

5 ¹*Хорну ёлбашчысына. Уьфюрюлюп согъулагъан алатлар булан. Давутну йыры.*

²Эшит дагы, Раббиз, мени сёзлеримни, мени ойларымны да англа дагы.

³Мени агьыма кьулакь ас дагы, мени Пачам, мени Аллагьым! Неге тьююл де, Сагъадыр мен два этегеним.

⁴Танг булан эшитесен, Раббиз, мени тавушумну. Мен де тангданокь алдында тилевлерим де булан кьаравуллап токьтап турарман.

⁵Неге тьююл де, Сен адилсизликни сюеген Аллагы тьююлсен; Сен бар ерде яманлыкь орунлашып болмас.

⁶ Макътанчыкълар Сени гёз алдында токътап туруп бол-маслар. Сен яманлыкъ этегенлени барысын да гёрюп яра-майсандыр.

⁷ Ялгъан айтагъанланы Сен дагъытарсан; къан тёмке гъасиретлилерден де, ялгъан булан турагъанлардан да Сен жиргенерсен.

⁸ Мен буса, рагъмулугъунгну кёплюгюнден, Сени уюнге гирермен; Сенден къоркъа да туруп, сыйлы ибадатхананга багъып сужда этермен.

⁹ Раббим! Душманларым гёрсюн учун, мени гъакъ герти ёлунг булан алып юрюп тур дагъы; алдымда Оьзюнгню ёлунгну тюз эт дагъы.

¹⁰ Неге тюгюл де, оланы авзуларындан гъакъ герти сёз чыкъмайдыр; оланы юреклери оьлюмдюр. Оланы хырданлары ачылгъан къабурдур; тиллери булан олар яревкелик этип юрюйдюр.

¹¹ Тюз дуванын эт дагъы олагъа, Аллагъым! Оьзлени хыялларына сюрюнюп къалсын дагъы олар. Оьзлени кёп гюнагълары саялы гери ур дагъы оланы, неге тюгюл де Сагъа къаршы баш гётерип токътагъандыр олар.

¹² Сююнюп къалсынлар Сагъа аркъатаяйгъанлар, шатланып турсунлар, Сен де оланы якълап туражакъсан; атынгны сюегенлер Сени булан къуванып юрюжеклер.

¹³ Неге тюгюл де, Сен муъминлеге рагъму этесендир, Раббим; яхшылыгъынг булан къалкъандай оланы къоруп сакълайсандыр.

6 ¹ *Хорну ёлбашчысына. Сегиз кылы согъув алат булан. Давутну йыры.*

² Раббим! Бек ачувланып жазалап къойма дагъы мени, къа-запланып такъсырлап да къойма мени.

³ Рагъму эт магъа, Раббим, неге тюгюл де мен гючсюзмен; дарман эт магъа, Раббим, неге тюгюл де сюеклерим чартлап тура мени.

⁴ Жаным азап чегип тура мени; къачан болгъунча кёмек къаравуллап турайым дагъы Сенден, Раббим?

⁵ Бакъ чы, Раббим, къутулт мени; Оьзюнгню рагъмунг учун мени къутгъар дагъы.

⁶ Неге тюгюл де, оьлгенлер Сени ахтарып айланмаслар; ахыратда Сагъа ким макътав этер дагъы?

⁷Агь ура туруп, гьалым битди мени. Гьар гече йылай туруп, ятивум бавукъ болду; тёшегим де гёзьяшлардан сыкъма-сув болуп битди.

⁸Къайгыларымны кёплюгюнден гёзлерим шишип гетди, душманларым саялы оланы гёрегени осаллашды.

⁹Бары да яманлыкъ этегенлер, мени янымдан тайып къалыгъыз; неге тюгюл де Раббибиз мени йылав тавушумну эшитди.

¹⁰Раббибиз мени ялбарывумну эшитди; Раббибиз мени дуамны да къабул этер.

¹¹Биябур болуп къалсын, къоркъмакълыгындан къартыллап турсун дагъы мени душманларым; ёлундан къайтып, уялып-илыгып къалсын дагъы олар.

7 ¹*Буньяминни къавумундан чыкъгъан Кушну иши булан байлавлу болуп Раббибизге Давут айтгъан ваягъ.*

²Раббим, Аллагъым мени! Сенсендир аркъатаявум мени. Мени гьызарлайгъанланы барысындан да мени къутгъар, къутулт дагъы.

³Ёгъесе, олар арсландай йыртып, паралап, гесек-гесегимни чыгъарып къоярлар, мени къутгъармакъ учун гьеч бирев де табулмай къалар.

⁴Раббим, Аллагъым мени! Эгер де мени гьеч этгеним бар буса, эгер де мени къолларымдан терс иш чыкъгъан буса,

⁵Эгер де мени булан къыйышып яшап турагъангъа яманлыкъ этген бусам яда бир себепсиз душманым болгъан адамны талагъан бусам,

⁶Душманым мени гьызарлай туруп, артымдан етип къалсын дагъы, жанымны янчып ер булан бир этип, яшавумну чангъа айландырып къойсун дагъы.

⁷Къазапланып йиберип, кёмек эт дагъы, Раббим! Душманларымны оьжетлигине багъып къаршы тур дагъы, мен саялы Озьюнг айтгъан дувангъа деп уян дагъы.

⁸Кёп тюрлю халкълар Сени айланангны къуршап алып къояжакълар; кёклерден таба олагъа гьакимлик эт дагъы!

⁹Раббибиз халкълагъа дуван этер. Магъа дуван эт дагъы, Раббим. Муъминмендир, таза да дюрмендир мен.

¹⁰Къылыкъсызланы яманлыгъы битип къалсын дагъы, муъминни буса беклешдирип къой дагъы, неге тюгюл де Сен юреклени де, гьакъылланы да сынап къарайсандыр, адилли Аллагъым.

¹¹Тюз юреги булангъыланы къутгъарагъан Аллагъым мени къалкъанымдыр.

¹²Аллагъ адилли дуванчыдыр, Аллагъ гъар гюн де яманлагъа Озьюню къазапланывун гёрсетер.

¹³Эгер де бирев товба этмей буса, Ол къылычын иттилешдирип турар, жаясын тартып, шону гёзлеп турар.

¹⁴Ону учун Ол оьлюмню савутларын гъазирлеп, янагъан оькъларын этип турар.

¹⁵Муна яман адам бир тюзсюз затны этме ой къуруп турар, яманлыгъыны кёплюгюнден ол бир ялгъан ойлашып токътар.

¹⁶Терен къую къазып тербер, битген сонг, оьзю бёттёбен тюшюп гетер.

¹⁷Ону яманлыгъы оьзюню башына гелип тиер, зулмусу да башыны тёбесине тюшюп токътар.

¹⁸Озьюндеги адилликге гёре Раббизге макътав этермен, Раббиз Аллагъу-Тааланы атын тутуп йыр да айтарман.

8 ¹*Хорну ёлбашчысына. «Гиттит» деген макъамгъа гёре. Давутну йыры.*

²Раббим, Аллагъыбыз! Нечик зор уллудур дагъы сав ер юзюнде Сени атынг! Сени макътавлугъунг кёклерден де оьрлеге чыгъып гетер!

³Сабийлер де, эмчек ичеген нарысталар да авзулары булан Сагъа алгъыш этедир; душманланы, оьч алывчуланы, чапгъынчуланы буса сессиз этип къойдунг Сен.

⁴Сени къолларынг булан этилген кёкlege, Сен салгъан айгъа, юлдузлагъа багъып къарайман.

⁵Ким болуп къалгъан инсан Сен оьзюню эсингде сакълап турар йимик? Ким болуп къалгъан шо инсан Сен даим оьзюню гъайын этип турар йимик?

⁶Малайиклер булан тенглеширгенде, Сен ону бираз тёбен салып къойдунг; макътав да, гъюрмет де булан ону савгъатладынг.

⁷⁻⁹Оьз къолларынг булан яратгъан затланы уьстюне ону башчы этип салдынг; бары затны ону аякъ тюбюне салып къойдунг: бары да къойланы да, оьгюзлени де, шолай да авлакъдагъы къыр жанланы да, кёкдеги къушланы да, денгизлердеги балыкъланы да, денгизлердеги бары да жанлы затланы да.

¹⁰Раббим, Аллагъыбыз! Нечик зор уллудур дагъы сав ер юзюнде Сени атынг!

9 ¹Хорну ёлбашчысына. «Алмут лаббен» деген макъамгъа гёре.
Давутну йыры.

²Гъакъ юрегим булан Сагъа макътав этип турарман, Раббим; Сени гъайран ишлерингни гъакъында да билдирип турарман.

³Сенден сююнюп, Сагъа алгъыш этип, Сени атынгны тутуп йыр да айтарман, гъей Аллагъу-Таала.

⁴Душманларым артгъа бурулуп къарагъанда, Сени юзюнгню алдында олар сююнюп, дагъылып къалар.

⁵Неге тюгюл де, мени тюзлюгюмню якълагъан Сенсендир. Тахгъа минип олтургъан Сенсендир, мени адилли Дуванчым.

⁶Сен имансызлагъа къазапланып алдынг, къылыкъсызны дагъытып къойдунг, оланы атларын гъар даимге де унутдуруп къойдунг.

⁷Душманны бир савуту сама да къалмады, шагъарланы да Сен бузуп къойдунг; шолар булан бирче озълер булан байлавлу эсделик де болмагъандай болуп къалды.

⁸Амма Раббиз гъар даим де пача болуп турар; дуван учун Ол Озъюню тахын онгарып турар.

⁹Бютюн дюньягъа да Ол адиллик булан дуван этер, халкълагъа да тюз кюйде дуван этер.

¹⁰Раббиз зулмулангъанланы яшынып токътайгъан ери, къайгъылы гюнлерде яшынып токътайгъан ери болур;

¹¹Атынгны билегенлер Сагъа аркъа таярлар, неге тюгюл де Сени излейгенлени кююп къоймайсандыр Сен, Раббим.

¹²Сионда гъакимлик этип турагъан Раббизни атын тутуп йыр да айтыгъыз чы, халкъланы арасында Ону ишлерин билдирип юрюгюз чю.

¹³Неге тюгюл де, тегюлген къан учун Ол сорав алар; оланы эде сакълап турар, зулмулангъанланы агъын унутмас.

¹⁴Рагъму эт дагъы магъа, Раббим! Мени гёрюп ярамайгъанлардан озъюм гёрюп турагъан азаплагъа къара чы. Олюмню къапуларындан къутгъар дагъы мени!

¹⁵Шо заман Сион къызыны* къапу алдында Сени гъакъындагъы бары да макътавланы билдирип, Сени къутгъарылывунгдан сююнюп боларман мен.

* 9:15 Сион къызыны — бу сёз тагъым «Ерусалим ва шонда яшайгъанлар» деген маънаны англата.

¹⁶ Имансызлар оьзлер къазгъан къуюгъа оьзлер тюшюп гетерлер бѣттѣбен; оьзлер салгъан тузакълагъа оьзлени аягъы тюшюп къалар.

¹⁷ Раббиз Оьзюню адиллигинден таба танылар; къылыкъсыз буса оьз къоллары булан этген ишлери булан тулуп къалар.

¹⁸ Ахыратгъа гирип гетсинлер дагъы къылыкъсызлар, Алагъны унутуп къоягъан бары да халкълар да.

¹⁹ Неге тюгюл де, даимге унутулуп къалмас пакъырлар, ярлыланы умуту да ахыргъа ерли дагъылып къалмас.

²⁰ Кѣмек эт дагъы, Раббим! Уьстюн чыкъмасын дагъы инсан, халкълагъа да Сени алдынгда дуван этилсин дагъы.

²¹ Къоркъув бер дагъы, Раббим, олагъа; халкълар оьзлер инсанлар экенин билсин чи.

²² Неге ареке токътап къалдынг, Раббим? Неге къайгъылы гюнлерде Оьзюнгню яшырып къойдунг?

²³ Оьзюню оьктемлигинден къылыкъсызлар ярлыны гызарлап айланар. Ойлашып айланагъан пышдырыкъларына олар оьзлер тутулуп къалсынлар дагъы.

²⁴ Неге тюгюл де, къылыкъсызлар юреклериндеги гъасиретликлер булан макътанып айланар; сутур адам Раббизни яманлап, гери уруп турар.

²⁵ «Сорав алмас», — деп де айтып, оьзюню хохабазлыгъындан къылыкъсыз Раббизни ахтармас; ону бары да оюнда да ёкъдур Алагъ.

²⁶ Уьстюн чыгъар гъар заманда да оьзюню ишлеринде ол; Сени къанунларынг огъар йыракъдадыр; душманларыны барысына да ол сансымай къарар.

²⁷ Оьз-оьзюне: «Бюдюремесмен, бир заманда да магъа гъеч бир балагъ да болмас», — деп айтып юрю.

²⁸ Ону авзу налатдан, намартлыкъдан, ялгъандан толгъандыр; тилини тюбюнде дагъытылып да, яманлыкъ да бардыр.

²⁹ Абзарны артында пусгъунда олтуруп болар; яшыртгъын ерлерде айыпсызны оьлтюрер; гѣзлери де амалсызгъа урлап-урлап къарай турар.

³⁰ Уясында токътагъан арсланкъапландай яшыртгъын къаравуллап токътап болар; ярлыны тутмакъ учун, пусгъунда токътап болар. Тузагъына багъып тарта туруп, ярлыны къагъып тутар.

³¹ Оьзюню тьобуне салып янча туруп, йыгып кьояр кылыксыз ону. Гючю булан да уруп салып кьояр кылыксыз ону.

³² Оьз-оьзюне: «Аллагь унутгъан, Ол бетин япгъан, бир заманда да гьрюп болмас», – деп айтар.

³³ Кёмек эт дагы, Раббим, Аллагьым мени! Оьрге гетер дагы кьолунгну, унутуп кьойма дагы зулмулангъанланы.

³⁴ Неге кылыксыз ичинден: «Сен сорав алмассан», – деп айтып тура? Неге Аллагьны гери ура экен дагы?

³⁵ Сен гьрюп турасан чы! Оьз кьолунг булан тийишлисин бермек учун, Сен хатирин кьалдырывлагъа, кыйыксытывлагъа тергев бакдырып турасан. Амалсыз оьзюн Сагъа аманат этер; етимге де Сен кёмекчи боларсан.

³⁶ Яманны да, кылыксызны да гючюн дагытып кьой чу; бир де болмагъандай ёкъ болуп кьалсын дагы олар!

³⁷ Раббиз гьар даимге де пачадыр; имансызлар Ону топурагъындан ёкъ болуп кьалар.

³⁸ Раббим! Ювашланы сюегенин эшитесен Сен; оланы юреклерин беклешдир дагы; олагъа кьулакъ ас дагы.

³⁹ Инсан ер юзюнде оьзгени дагы кьоркютмасын учун, Сен етимни де, зулмулангъанны да ягын тутуп турасан.

10 ¹ *Хорну ёлбашчысына. Давутну йыры.*

Аркъатаяв тапдым мен Раббизде. Магъа: «Оьзюню тавугъузгъа кьушдай уч», – деп нечик айтып боласыз дагы?

² Неге тьогюл де, кьарангылыкда тюз юреги булангъылагъа урмакъ учун, кылыксызлар муна, жаяларын да тартып, окъларын йипге салып турарлар.

³ Бары зат бузулуп турагъанда, муьмин не этип болсун дагы?

⁴ Раббиз Оьзюню сыйлы ибадатханасындадыр; Ону тахы кеклердедир. Ону гьзлери гьрюп турар; Ону гьз кьапгъачлары да инсанланы сынап турар.

⁵ Раббиз муьминни де, кылыксызны да сынап кьарар, зулмуну сюегени буса Ол гьрюп ярамас.

⁶ Яллап турагъан кесевлени де, янып турагъан кюкюртню де Ол кылыксызлагъа янгурдай тегюп кьояр; биширип кьоягъан ел де олагъа тийген пайдыр.

⁷ Неге тьогюл де, Раббиз адиллидир, адилликни де сюер; Ону бетин тюз юрекли адам гьрюп турар.

11 ¹ *Хорну ёлбашчысына. Сегиз кылылы согъув алат булан. Давутну йыры.*

² Къутгъар дагъы, Раббим; неге тюгюл де иманлылар да ёкъ болуп къалгъан, инсанланы арасында инамлылары да ёкъ болуп къалгъан.

³ Гъар ким ювугъуна ялгъанны сёйлей; авзулары яревке, ачыкъдан алдатып сёйлей.

⁴⁻⁵ Бары да яревке тиллени юлкъуп ташласын дагъы Раббиз. «Тилибиз булан къазанарбыз уъстюнлюкню биз. Авзуларыбыз оъзююз буландыр. Кимдир бизге башчы?» – деп айтып юрюйген гъар макътанчыкъ авузланы да япсын дагъы Ол.

⁶ «Пакъырлагъа этилеген зулму учун да, ярлыланы агъ уруву учун да гъали гелип йиберип, оъзлер гъасирет болгъан аманлыкъгъа чыгъарарман», – дер Раббиз.

⁷ Раббизни сёзлери таза сёзлердир, ялынны къап ортасында етти керен иритилип тазалангъан гюмюшдюр.

⁸⁻⁹ Инсанланы арасында намуссузлукъ оър чыгып йибергенде, бары ерде кылыкъсызлар айланып турар. Сенсендир, Раббим, бизин сакълап, гъар даим де олардан якълап туражакъ.

12 ¹ *Хорну ёлбашчысына. Давутну йыры.*

² Къачан болгъунча экен дагъы, Раббим? Даимге мени унутгъан кюйде туражакъмы экенсен дагъы Сен? Къачан болгъунча менден юзюнгню яшырып туражакъ экенсен дагъы?

³ Къачан болгъунча ичимдеги дертге чыдап турайым мен? Къачан болгъунча гече де, гюн де юрегимдеги къайгъыгъа чыдап турайым мен? Къачан болгъунча душманым менден оър чыгып турсун?

⁴ Магъа къара чы, мени эшит чи, Раббим, Аллагъым! Гёзлеримни ярыкъландырып кюй чу мени, мен де даимлик юхугъа батып къалмасман;

⁵ Душманым: «Мен ондан оър чыкъдым», – деп айтып кюймасын дагъы. Эгер де бюдюреп къалсам, мени гызарлап юрюйгенлер сююнуп къалмасын дагъы.

⁶ Мен бусам Сени рагъмунга инанаман; юрегим Сенден гелеген къутгъарылывдан къуванып тура; магъа яхшылыкъ этген Раббимни макътап йырларман мен.

13 ¹Хорну ёлбашчысына. Давутну йыры.

Бир гъайгев оьз-оьзюне: «Аллагъ ёкъдур», – деп айтар. Олар пасат ёлгъа тюшюп къалар, эсгик ишлер этер. Яхшылыкъ этеген бирев де ёкъдур.

²Оланы англайгъанлары, Аллагъны ахтарагъанлары бармы экен деп, Раббиз кекден таба къарап турар.

³Тайышдылар тюз ёлдан бары да, лап биябур болуп битдилер. Яхшылыкъ этеген бирев де ёкъдур, гъеч бирев ёкъдур.

⁴Эс тапмасмы экенлер дагъы яманлыкъ этегенлени, халкъымны экмекдей ашап турагъанланы, Раббизни атын тутмайгъанланы барысы да?

⁵Шо ерде олар оьтесиз бек къоркъуп къаларлар, неге тюгюл де Аллагъ муьминлени яныдыр.

⁶Сизсиздир, яманлар, ярлыланы хыялларын бузуп турогъан, амма Раббиздир оланы аркъатаяву.

⁷Гелгей эди Сиондан таба Исрайылгъа къутгъарылыв! Раббиз Оьз халкъын есирликден къайтарагъанда, сююнуп къалар Якъубну наслулары, шатланып къалар Исрайыл шо заман.

14 ¹Давутну йыры.

Раббим! Сени сыйлы чатырында ким туруп болар? Сени сыйлы тавунда ким болар яшап?

²Гъалал юрьюген, тюз затны этеген, юрегинден гъакъ гертини сёйлейген,

³Тили булан бугътан сёйлемейген, хоншусуна яманлыкъ этмейген, ювугъу булан сёгюшмейген,

⁴Аллагъ гери ургъанланы эсгик гёрген, амма Раббизден къоркъагъанлагъа абур этеген. Гъеч бузмас дагъы антын ол, гъатта оьзюне къаршы чыгъып къалса да шо.

⁵Асламчылыкъгъа оьзгелеге акъчасын бермейген, айыпсызгъа къаршы урушбат алмайгъан. Шолай иш гёрген гъеч бир де бюдюремес.

15 ¹Давутну ялбарыву.

Сакълап тур дагъы мени, Аллагъым, неге тюгюл де Сенсендир мени аркъатаявум.

²Раббиме мен булай деп айтарман: «Сен мени Раббимсен; янгыз Сендедир бары насибим мени».

³Алагъны ер юзюндеги халкъы гъакъында сёйлесек, гьюр-метге лайкълыдыр олар, мен де артыкъ къуванып тураман олардан.

⁴Ят аллагъга багъып юрюйгенлени къайгъылары артып турар. Мен оланы къурбанлыкъларыны къан тёгювлерине ортакъчы болмасман, авзума оланы атларын да алмасман.

⁵Раббим варислигимни бир пайыдыр. Къысматым Сени къолунгдадыр.

⁶Дазуларым бек арив ерлерден таба оьтер, варислигим де оьзюм учун аривдюр.

⁷Магъа насигъат берип турагъан Раббиме макътав этермен мен; гъатта гечелер де юрегим уйретип турар мени.

⁸Раббибизни гъар заман гёз алдымда гёрюп турарман мен. Ол мени онг ягъымда, шо саялы гъеч бюдюремесмен мен.

⁹Шогъар гёре юрегим де къуванып, тилим де сююнюп турар; гъатта къаркъарам да умут булан яшар.

¹⁰Неге тюгюл де, жанымны ахыратда къоймассан Сен ва Сени иманлынгны къабурда чиримега къоймассан.

¹¹Яшавну ёлларын гёрсетерсен Сен магъа. Бары сююнчлер Сени алдындадыр, насип де гъар даим де Сени онг къолунгдадыр.

16 ¹*Давутну дуасы.*

Эшит, Раббим, адиллик гъакъдагъы мени ялбарывумну; агъ урувума да къулакъ ас; ялгъан айтмайгъан авзумдан чыгъагъан дуамны да къабул эт дагъы.

²Мени айыпсызлыгъымны токъташдыр Сен; тюз затгъа да гёз бакъдыр дагъы.

³Сен юрегимни тергеп чыкъдынг, гече гелип къарадынг, бир зат да чы тапмадынг. Тилим булан гюнагъ этмежекге токъташдым мен.

⁴Инсанланы ишлерин айтсакъ, Сени буюрувларынга гёре, зулму этивню ёлларындан сакълап турдум мен оьзюмню.

⁵Оьзюнгню ёлларында инамлы алагъан этдинг абатларымны, гъеч бюдюреп къалмадым мен шо ёлларында да.

⁶Сагъа чакъырыв этемен, неге тюгюл де магъа жавапланагъан Сенсендир, Аллагъым; къулакъ ас магъа, эшит дагъы мени сёзлеримни.

⁷Гёрсет дагъы Оьзюнгню гъайран сюювюнгню; къудратлы къолунг булан къутгъарагъан Сенсендир; душманларындан ашынагъан ерни де Сенде табадыр.

⁸⁻⁹ Гёзюмню бебейи йимик сакъла дагъы мени. Магъа чапгъын этип турагъан кылыкъсызланы бетлеринден де, мени аралап токътагъан душманларымдан да къанат тюбюндеги салкъынлыкъда яшырып сакъла дагъы мени.

¹⁰ Гъеч языкъсынын ёкъ оланы юреклеринде; авзуларын да оьктем-оьктем сёйлетип айланалар.

¹¹ Гъар алагъан абатыбызда олар бизин аралап алалар; мени ерге йыкъмакъ учун, олар гёзлерин тигип токътагъанлар.

¹² Олар гъавдан тюшеген затына гъасирет къалгъан арслангъа ошап къалгъанлар, чет ерлерде яшынып токътагъан жагъил арслангъа ошап къалгъанлар.

¹³ Кёмек эт, Раббим, олагъа къаршы чыгъып йиберип, ер этип къой оланы. Кылычынг булан кылыкъсыздан мени къутгъар дагъы.

¹⁴ Къолунг булан, Раббим, янгыз бу дюнья булан яшайгъан, оьзлени къурсакъларын Сени хазналарынгдан толтуруп турагъан инсанлардан да къутгъар дагъы. Оланы уланлары токъ яшайдыр, олар да къалгъанын оьзлени авлетлерине къоярлар.

¹⁵ Мен буса таза юрегим булан Сени юзюнге къарап боларман; уянып йиберип, Сени келпетингден къанып къаларман.

17 ¹ *Хорну ёлбашчысына. Бу йырны сёзлерин Раббибиз оьзюм бары да душманларыны къолундан ва Савулну къолундан къутгъарагъанда, Раббибизге багъышлап Раббибизни къулу Давут айтгъан. Ол булай деп айтгъан:*

² Мен Сени сюемен, Раббим. Къудратымсандыр Сен мени.

³ Раббим мени ярымдыр, беклигимдир, мени азат этивчюмдюр. Аллагъым мени якълаумдур: Олдур мени аркъатаявум, Олдур мени къалкъаным, къутгъарылывумну къудратыдыр, къамалып токътайгъан еримдир.

⁴ Чакъырыв этермен мен алгъышлагъа лайыкълы болгъан Раббиме, душманларымдан къутгъарылып къаларман мен.

⁵ Оьлю бугъавлар къуршап алып тура мени, ажжалны къатты агъымы да къоркъутуп тура мени.

⁶ Ахыратны шынжырларына чырмалып тураман мен, оьлюмню торуна да тюшюп тураман мен.

⁷ Къыйын болгъанда Раббиме чакъырыв этдим мен, Аллагъыны да атын тутуп сёйледим. Ол да кёклерден туруп мени тавушумну ешитди, мени агъ урувум да Огъар етишти.

⁸ Тербенип, чайкъалып йиберди ер, тавланы кюрчюлери де къартыллап, йылышып гетди; неге тюгюл де къзапланды Аллагъ.

⁹ Ону къзапланывундан тютюн гётерилип гетди, авзундан да бек гючлю ялын да, къызгъан жыжымлар да чыгъып гетди.

¹⁰ Авункъу да этип кёклени, тюшюп гелди Ол; Ону аякъ тюбюнде къап-къарангы болуп къалды.

¹¹ Гьерубимге* де минип йиберип, учуп гетди; елни къанатларыны уьстюндеги кюйде гетип къалды.

¹² Къарангылыкъны Оьзюню пердею этди, айланасында кёп суву булангъы булутланы жыйып къойду.

¹³ Лансылламакълыкъдан Ону алды булан булутлары тербенишип гетди, буз, ялынлы жыжымлар явуп йиберди.

¹⁴ Кёклерде Раббиз кёк кёкюрегендей сёйледи, Аллагъ-Тааланы тавушу да чыкъды.

¹⁵ Окъларын бакъдырып йиберип, душманларын чачып къойду, кёп яшмынларын да йиберип, оланы яйып къойду.

¹⁶ Денгизлени тюплери гёрюнеген болуп къалды, дюньяны кюрчюлери де ачылып къалды Сени зор гючлю тавушунгдан, Раббим, Сени къзапланывунгду ругъуну уьфюрювюнден.

¹⁷ Бийикликден узатып йиберип Ол къолун, кёп сувланы ичинден чыгъарып алып къойду мени.

¹⁸ Гючлю душманымдан, озлер менден гючлю, мени гёрюп ярамайгъанлардан азат этип къойду.

¹⁹ Къыйынлы гюнлеримде магъа къаршы баш гётердилер олар; амма Раббим магъа якълавчу болуп турду.

²⁰ Эркин ерге де чыгъарып, азат этип къойду Ол мени; неге тюгюл де яхшы гёзден къарайдыр Ол магъа.

²¹ Муьминлигиме гёре берип къойду Раббим магъа; къолларымны тазалыгъына гёре де савгъатлап къойду мени.

²² Неге тюгюл де, таймай турдум мен Раббимни ёлундан, къылыкъсыз да болуп чыкъмадым мен Аллагъымны алдында.

²³ Неге тюгюл де, Ону бары да къанунлары алдымдадыр, Ону буйрукъларындан да гъеч тайышмадым мен.

²⁴ Ону алдында мен таза эдим, гюнагъ иш этип къоймайым деп де, сакъ бола эдим.

* 17:11 *Гьерубим* – малайиклени къанатлы гъайванланы келпетиндеги тайпасы.

25 Муъминлигиме гёре, Озьюню гёз алдындагы кьолларымны тазалыгына гёре берип кьойду Раббим магъа.

26 Инамлыгъа гёре инамлы боласан Сен, гъакъ юрекли инсан булан да — гъакъ юрекли,

27 Таза булан — таза, макюрчю булан буса — озьюню макюрчюлюгюне гёре,

28 Неге тюгюл де, янчылгъан инсанланы кьутгъарасан, октем-октем къарайгъанланы буса эсгик этесен.

29 Чырагъымны ягъагъан Сенсендир, Раббим; къарангылыгъымны ярыкъландыргъан да Аллагъымдыр*.

30 Сени буландыр мен асгерлени янчагъан, барулагъа да Аллагъым булан оьрленип гетемен мен.

31 Аллагъ! Гъеч бир тетиксиздир Ону ёлу, тазадыр Раббизни сёзю де. Озьюне аркъатаяйгъанлар учун барысына да кьалкъандыр Ол.

32 Неге тюгюл де, Раббизден къайры Аллагъ бармы дагъы? Ярыбыздан къайры Аллагъ бармы дагъы?

33 Къудраты булан белимни байлар Аллагъ, мени ёлумну да тюзлер Ол.

34 Аякъларымны къубагийикникидей этип, бийикликлеге минип токътама имканлыкъ берер Ол магъа.

35 Къолларымны дав этме уйретеер, сом этлерим де гюч берип, багъыр жаяны тартдырар.

36 Къутгъарылыв кьалкъанынгны берип кьойдунг Сен магъа, онг къолунг тутуп сакълап тура мени, рагъмунг да оьр этип кьоя мени.

37 Абат алмакъ учун эркин ёл бердинг Сен, аякъларым да гъеч къартылламайдыр мени.

38 Гъызарлап юрюймен мен душманларымны, артындан етишемен оланы, кырып битмей туруп оланы, гери къайтмайман.

39 Уруп саламан оланы, олар да дагъы туруп болмайлар; аякъ тюбюме багъып йыгъылалар олар.

40 Неге тюгюл де, давгъа деп къудратынг булан белимни байладынг Сен мени, магъа къаршы баш гётергенлени де магъа таби этип кьойдунг Сен.

41 Душманларымны магъа арт берип къачдырдынг Сен; мени гёрюп ярамайгъанланы дагъытып кьойдум мен.

* 17:29 Мунда чыракъ Давутну яшавун белгилей.

⁴² Олар агь уралар, амма гьеч кьутгъарагъан чы ёкъ оланы; Раббизге чакъырыв этелер, амма Ол да чы къулакъасмай олагъа.

⁴³ Елни алдындагъы чангдай чачып къояман оланы, орамдагъы нас йимик де таптап къояман оланы.

⁴⁴ Оьз халкъымны башгётеривюнден азат этдинг Сен мени, ят халкъланы башы этип де салдынг мени; мен танымайгъан халкълар да магъа къуллукъ этип тура.

⁴⁵ Янгыз мени эшитип, магъа таби болуп къалалар; ят халкълар да алдымда ялынчлыкъ этип туралар магъа.

⁴⁶ Олар агъарып къалалар, оьзлени бекликлеринде титиреп туралар.

⁴⁷ Гъар даим де бардыр Раббим, Якълавчума макътавлар болсун! Оьр болуп къалсын дагъы мени кьутгъарылывумну Аллагъы,

⁴⁸ Мени учун оьч алагъан, халкъланы магъа таби этеген Аллагъ,

⁴⁹ Душманларымдан азат этеген Аллагъ! Магъа къаршы баш гётерегенлерден оьр салдынг мени, вагъши инсандан да азат этдинг мени.

⁵⁰ Шо саялы да макътав этермен ят халкъланы арасында Сагъа, Раббим; атынгны тутуп йыр да айтарман.

⁵¹ Зор уллу уьстюнлюклер алдырып турасан Сен пачагъа, танглагъанынг Давутгъа да, ону наслусуна да гъар даим де зор сюювюнгню гёрсетип турасан Сен.

18 ¹ *Хорну ёлбашчысына. Давутну йыры.*

² Кёклер Аллагъны макътавлугъун билдирип тура, кёкню гюмези де Ону къолларындан чыкыгъан ишни гъакъында хабар берип тура.

³ Гюндюз булан сёйлеп тура, гече де гечеге билимлени ачгъычын берип тура.

⁴ Олар сёзлер булан сёйлемейлер, амма оланы англамайгъанлар ёкъдур.

⁵ Шогъар да къарамайлы, оланы хабары бютюн ер юзюне ва дюньяны бир къырыйына етише. Кёклерде Ол гюнешге турмагъа ер этип чыкъды.

⁶ Гюнеш де гелинни янындан янгы чыгып гелеген гиевдей чыгып геле, ёлун оьгмек учун кочапдай сююнуп айлана:

⁷ Ону чыгып гелеген ери кёклени бир кырыйдыр, юрюшю де кёклени бир кырыйна багыпдыр; бир зат да ону исивюнден гьеч яшынмагъандыр.

⁸ Раббизни Къануну камилешген, юрекни беклешдирип къоя; Раббизни насигъатлары герти, англавузланы гъакъыллы этип къоя.

⁹ Раббизни уйретивю герти, юрекни шат этип къоя; Раббизни буйрукълары ярыкъ, гёзлени нюрлендирип къоя.

¹⁰ Раббизден гелеген къоркъув таза, гъар даим де болуп тура. Раббизни дуванлары гъакъ герти, бары да тюппе-тюз.

¹¹ Шолар алтындан, гъатта кёп-кёп таза алтындан да артыкъдыр; балдан, бал хырцланы тамчыларындан да татлидир.

¹² Сени къулунгну шолар уйретип тура; шолагъа гёре юрюмек бир уллу савгъатдыр.

¹³ Ким эслеп болар дагъы объюню янгылышларын? Билмей этип къойгъан гюнагъларымдан тазала дагъы мени.

¹⁴ Мени энгип къоймасын учун, билип этеген гюнагъларымдан да сакъла дагъы мени. Шо заман мен гьеч бир тетиксиз, уллу пасатлыкълардан да таза болуп токътарман.

¹⁵ Авзумдан чыгъагъан сёзлер де, юрегимни къастлары да Сени рази къалдырардай болуп къалсын дагъы, Раббим, мени ярым, мени азат этивчюм!

19 ¹ *Хорну ёлбашчысына. Давутну йыры.*

² Къайгылы гюнлерингде эшитип турсун дагъы сени Раббиз; Якъубну Аллагыны аты да сакълап турсун дагъы сени.

³ Сыйлы еринден таба сагъа кёмек йиберсин дагъы, Сиондан таба да сени беклешдирип къойсун дагъы.

⁴ Бары да къурбанлыкъларынгни эгерсин дагъы сени, яллалып этилеген къурбанлыкъларынгни да къабул этсин дагъы сени.

⁵ Юрегинг сюегенине гёре берсин дагъы сагъа, бары хыялларынгни да яшавгъа чыгъарсын дагъы.

⁶ Сени устюнлюгюнгден сююнюп турарбыз биз, Аллагыбызны атын тутуп байракъ гётерербиз. Бары да тилевлерингни яшавгъа чыгъарсын дагъы Раббиз.

⁷ Раббиз Объюню танлагъан пачасына устюнлюк бергенин англадым мен гъали; сыйлы кёклеринден таба жавап берер Раббиз огъар, къудратлы къолу булан да къутгъарар ону.

⁸ Биревлер атарбалары булан, биревлер атлары булан, биз буса Раббибиз Аллагыбызны атын тутуп макътанабыз:

⁹ Олар бюдуредилер, йыгъылдылар, биз буса тюппе-тюз токътап турабыз.

¹⁰ Раббим! Уъстюнлюк бер дагъы пачагъа; атынгны тутуп чакъырыв этегенде, бизин де эшит дагъы.

20 ¹ *Хорну ёлбашчысына. Давутну йыры.*

² Раббим! Сени къудратынг булан сююнюп тура пача, Сенден таба гелеген уъстюнлюкден де бек къуванып тура ол.

³ Юреги не зат сюе буса, шону берип турдунг Сен огъар, ону тилевлерин де гъеч гери урмадынг Сен.

⁴ Неге тюгюл де, лезетли шабагъатларынг булан къаршыладаынг Сен ону, башына да таза алтындан таж салдынг ону.

⁵ Ол Сенден яшав тиледи. Сен де огъар гъар даимге узакъ оьмюр берип къойдунг.

⁶ Къутгъарып, гъар даимге де макътавлу этип къойдунг Сен ону, зорлукъ булан жавгъарлыкъ берип къойдунг Сен огъар.

⁷ Гъар даимге де шабагъатларынгны берип къойдунг Сен огъар, Оьзюнгню барлыгъынг булан уллу сююнч берип къойдунг огъар.

⁸ Неге тюгюл де, пача Раббибизге инана. Аллагъу-Тааланы яхшылыгъы себепли болуп гъеч йыгъылмас дагъы ол.

⁹ Сени къолунг душманларынгны барысын да къагъып тутар, онг къолунг да Сени гёрюп ярамайгъанланы барысын да къагъып тутар.

¹⁰ Яллайгъан очакъдай этип къоярсан къзаплангъан заманында Сен оланы; къзапланып йиберип, Раббибиз дагъытып къояр оланы, ялын да ютуп къояр оланы.

¹¹ Тююрюн де къоймай, ер юзюнден къырып битдирерсен Сен оланы, наслуларын да болмагъандай этип къоярсан инсанланы арасындан Сен оланы.

¹² Сагъа къаршы яманлыкъ этме къарадылар олар, хыяллар этип айландылар, амма яшавгъа чыгъарма чы болмадылар шоланы.

¹³ Неге тюгюл де, окъларынгны тувра сыпатларына да бакъдырып, къачагъан гъалгъа салып къояжакъсан оланы.

¹⁴ Оьр болуп къал дагъы, Раббим, Оьзюнгню къудратынг булан. Йырлап да, макътап да туражакъбыз биз Сени зорлугъунгню.

21 ¹Хорну ёлбашчысына. «Тангны кзубагийиги» деген макъамгъа гёре. Давутну йыры.

²Аллагъым, Аллагъым! Не саялы ташлап кзойдунг мени? Кёп арекдесен Сен, агъ уруп сёйлейген сёзлерим де кзутгъарылып гелтирмей магъа.

³Аллагъым! Гюндюзлер чакъырыв этемен — гъеч кзулакъасмайсан Сен магъа, гечелер де чакъырыв этемен — гъеч рагъатлыкъ ёкъ магъа.

⁴Амма Сен сыйлысан чы, Сенсен чи тахда олтургъан. Сагъадыр Исрайыл макътав этеген.

⁵Сагъадыр умут этип тургъан аталарыбыз; умут этип тургъанлар, Сен де оланы азат этип турдунг.

⁶Чакъырыв эте эдилер олар Сагъа, кзутгъарылып къала эдилер олар да; Сагъа эдилер умут этеген олар, гъеч илыкъма да тюшмей эди олагъа.

⁷Мен бусам инсан тюгюл, хуртмандыр; адамланы хорлаву, халкъ да жиргенч гёреген затмандыр.

⁸Мени гёрюп турагъанланы барысы да мени мысгъыллап туралар; башларын силлей туруп, авзулары булан булай сёйлеп туралар:

⁹«Раббиге эди ол аркъатаягъан; азат этсин дагъы ону. Рабби рази къала болгъан сонг, Рабби Озью кзутгъарма да кзутгъарсын дагъы ону».

¹⁰Амма анамны къарнындан мени чыгъаргъан, ону кёкюрегинде мени якълагъан Сен эдинг.

¹¹Анамны кзурсагъындан берли де Сагъа депдир мен къалгъаным; тувмадан берли де Сенсендир мени Аллагъым.

¹²Арекеге тайып къалма дагъы менден; неге тюгюл де къайгъы ювукъададыр, кёмекчим буса ёкъдыр.

¹³Душманларым бугъалар йимик кзуршап алып туралар мени; Башан деген топуракъдагъы гючлю бугъалар да аралап туралар мени*.

¹⁴Гъавгъа деп гъазирленген, кычырагъан арсландай авзуларын да ачып токътагъанлар олар магъа.

¹⁵Сувдай агъылып гетди яшавум мени; бары сюеклерим де тёгюлюп гетди мени; юрегим де балавуздай ирип гетди ичимде.

* 21:13 Башан бугъалар овзлени уллу къаркъарасы ва гючю булан макъталгъан болгъан.

¹⁶Чыны савутну гесегидей кзуруп квалды мени гючюм-кзуватым, хырданыма ябушуп квалды тилим мени. Сен де кябурдагъы чанггъа айландырып кюйдунг мени.

¹⁷Неге тюгюл де, итлер аралап кюйдулар мени; кеп санавда яманлар да кзуршап алдылар мени; кюлларыма, бутларыма чанчдылар мени.

¹⁸Бары сюеклеримни санап болур эдим мен. Мени герюп, тамашагъа йимик кзарап токътагъанлар олар.

¹⁹Опуракъларымны озь арасында пайладылар, абамны буса чеп салып алдылар олар.

²⁰Амма Сен, Раббим, менден ареклеге чыгып квалма дагъы. Кзудратым мени! Магъа кемекге алгъаса дагъы Сен.

²¹Кылыгдан кзутгъар дагъы мени, итлерден де азат эт дагъы биргине-бир жанымны.

²²Арсланны авзундан азат эт дагъы мени; кзыр бугъаланы мююзлеринден де сакъла дагъы мени.

²³Мен кярдашларыма Сени атынгны айтажакъман ва Сени халкъынг жыйылгъанда, Сагъа макътав этежекмен.

²⁴Раббибизден кюркягъанлар алгъыш этсин дагъы Огъар! Якзубну бары да наслулары макътав этсин дагъы Огъар! Исрайылны бары да наслулары гюрмет этсин дагъы Огъар!

²⁵Неге тюгюл де, эсик гермеди, гери урмады Раббибиз азап чегегенни ярлысын. Юзюн яшырып турмады ондан, Озьюню атын тутуп чакъырыв этгенде, Раббибиз эшитди ону.

²⁶Раббибизни гякындадыр уллу жыйындардагъы мени макътаварым; вадаларымны да етишдирермен Ондан кюркягъанланы алдында.

²⁷Ашап-тоюп кзалажакълар пакъырлар; Раббибизни ахтарагъанлар макътав этип туражакълар Огъар. Юреклеригизде гъар даим де яшап квалсынлар дагъы.

²⁸Бютюн ер юзюнде Раббибизни эсге алмагъан, Огъар бакъмагъан геч ер квалмас. Бары халкълар да Ону алдында сужда кылып турарлар.

²⁹Неге тюгюл де, Раббибизникидир гякимлик; Олду халкъланы устюнде гякимлик этип турагъан.

³⁰Дюньяны бары да байлары ашап, сужда кылып турарлар; къара кябургъа гирегенлени де, оззлени жанларын сав сакълап болмайгъанланы да барысы да Ону алдында тобукъдан турарлар.

³¹ Наслулар күүлукъ этип турар Раббизге, гележек нас-
лулагъа хабарлар Ону гъакъында.

³² Энниден сонг туважакълагъа: «Яшавгъа чыгъарды Ол бу
затны», – деп де айта туруп, Раббизни муъминлиги гъакъда
билдирерлер олар.

22 ¹ *Давутну йыры.*

Раббим мени Къойчумдур; гъеч затгъа харлы болмас-
ман мен.

² Тизив отлавлукъларда рагъатлыкъ берип тура Ол магъа;
сабур агъагъан сувлагъа да элтип тура мени,

³ Жанымны беклешдирип къоя. Атыны гъурметинден гер-
тиликни ёлларына салып къоя мени.

⁴ Къарангы къабурдай къол булан юрюме тюшсе де магъа,
яманлыкъдан гъеч къоркъмасман мен, неге тюгюл де Сен
мени булансандыр. Сени иргъагъынг да мени рагъатланды-
рып къояр.

⁵ Душманларымны гёре туруп алдымда аш онгарып салдынг,
зайтун май сюртдюнг башыма; ички аягъым да шып-шып
толгъан мени.

⁶ Гертiley де, оьмюрюмню гъар гюнюнде зор сююв де, рагъму
да мени булан бирче болуп туражакъ; кёп гюнлер Раббимни
уьюне юрюп туражакъман мен.

23 ¹ *Давутну йыры.*

Ер юзю де, шондагъы бары зат да, дюнья да, шонда
яшап турагъан бары зат да Раббизникидир;

² Неге тюгюл де, шогъар денгизлерде кюрчю салгъан,
агъымларда шону беклешдирген Олдур.

³ Раббизни тавуна минип болагъан ким экен? Ону сыйлы
еринде токътап болажакъ ким экен?

⁴ Оьзюню къоллары похланмагъан, юреги таза, ялгъан ал-
лагълагъа күүлукъ этмеген, ялгъан ант этмеген адам.

⁵ Раббизни шабагъатын да, оьзюню Къутгъарывчусу Ал-
лагъ савгъат этген муъминликни де алажакъ адамдыр шо.

⁶ Сени ахтарып айланагъанланы, Якъубну Аллагъы, Сени
барлыгъынгны излеп айланагъанланы тайпасы тап шодайдыр!

⁷ Герилип ачылыгъыз чы, къапулар; ачылыгъыз чы, даимги
эшиклер, шо заман макътавлу Пача гирип гелер!

⁸ Ким экен дагъы макътавлу шо Пача? Къатты, къуватлы Раббиздир, дав майданда къуватлы болгъан Раббиздир.

⁹ Герилип ачылыгъыз чы, къапулар; ачылыгъыз чы, даимги эшиклер, шо заман макътавлу Пача гирип гелер!

¹⁰ Ким экен дагъы макътавлу шо Пача? Къудратланы Раббиздир, макътавлу Пача Олтур.

24 ¹ *Давутну йыры.*

Сагъадыр, Раббим, жаным булан талпынагъаным мен.

² Аллагъым! Сагъадыр мен умут этеген. Гъеч илыкъмасман мен, душманларым да мени къайгъымны уьстюнден сююнюп къалмасын дагъы.

³ Илыгъып къалмасын дагъы Сагъа умут этегенлени барысы да; илыгъып къалсын дагъы негъакъ яманлыкъ этегенлер.

⁴ Ёлларынгни гёрсет дагъы, Раббим, магъа, сокъмакъларынгдан юрюме де уйрет дагъы мени.

⁵ Гъакъ гертилигингни сокъмагъы булан алып юрю мени, уйретип тур мени; неге тююл де къутгъарылывумну Аллагъы Сенсендир; гъар гюн де Сагъадыр мен умут этеген.

⁶ Рагъмулукъларынгни да, зор сюювюнгни де эсге ал, Раббим, неге тююл де гъар даим де бар затлардыр шолар.

⁷ Жагиллигимдеги гюнагъларымны да, айыпларымны да эсге алып къойма дагъы; зор сюювюнгни булан эсге ал дагъы мени Сен, Сендеги яхшылыкъны хатиринден, Раббим!

⁸ Рагъмулудур, адиллидир Раббиз; шо саялыдыр Ол гюнагълылагъа тюз ёл гёрсетегени.

⁹ Ол юваш хасиятлыланы гертиликте бакъдырагъаны, юваш хасиятлыланы Оьзюню ёлларына салагъаны да.

¹⁰ Оьзю булангъы разилешивню, Оьзюню буйрукъларын кютегенлеге Раббиздир бары да ёллары зор сюювдю, аминликдир.

¹¹ Атынгны гьюрметинден, Раббим, гечип къой дагъы гюнагъларымдан, неге тююл де эпсиз кепдю шолар.

¹² Раббизден къоркъагъан адам ким экен дагъы? Шо адамгъа Ол тийишли ёлну гёрсетип берер.

¹³ Ол эсенликде-аманлыкъда къалар, наслулары да топуракъгъа варис болуп токътар.

¹⁴ Раббизни сырлары янгыз Оьзюнден къоркъагъанлар учундур, Оьзю булангъы разилешивюн де Раббиз олар учун ачыкъ этип къояр.

¹⁵ Гёзлерим гьаман да Раббизге багып турар; неге тююл де аякларымны тордан кьутгъарагъан Олдур.

¹⁶ Гёз кьарат чы магъа, рагъмулу бол чу, неге тююл де янгызман, зулмуну тюбюнде де кьалып тураман мен.

¹⁷ Юрегимни дертлери артып гетди; балагъларымдан азат эт дагъы мени.

¹⁸ Къайгъыма, мени къыйыналарыма гёз кьарат чы, бары гюнагъларымдан да гечип кьой дагъы мени.

¹⁹ Къара чы мени душманларыма, нечик кёпдюр олар, нечик оьжетли кюйде гёрюп ярамайлар олар мени.

²⁰ Сакъла дагъы жанымны, азат да этип кьой мени. Гьеч илыкъмасман мен, неге тююл Сагъадыр аркъатаяйгъаным.

²¹ Тазалыкъ да, тюзлюк де сакълап турсун дагъы мени, неге тююл де Сагъадыр мен умут этегеним.

²² Азат эт дагъы, Аллагъым, Исрайылны бары къайгъыларындан.

25 ¹ *Давутну йыры.*

Айыпсызлыгъымны токъташдыр мени, Раббим, неге тююл де таза юрюп турдум мен; Раббиме умут эте туруп да гьеч бюджоремесмен мен.

² Сынап къара мени, Раббим, тергеп де къара мени; тергеп къара гъакъылымны да, юрегимни де мени.

³ Неге тююл де, Сени зор сюювюнг гёз алдымда тура мени, Сени гъакъ гертилинг булан юрюп турдум мен де.

⁴ Ялгъанчы адамлар булан олтуруп турмадым мен, экиюзлюлер булан да юрюп турмадым мен.

⁵ Яманланы жыйыналарын гёрюп ярамайгъан болдум мен, къылыкъсызлар булан да олтуруп турмадым мен.

⁶⁻⁷ Айыпсыз гъалымда къолларымны жуварман мен. Сагъа макътав этмек учун, Сени бары да гъайранлыкъларынгны гъакъында да айтып юрюмек учун, кърбанлыкъларынгны ерингни айланасындан юрюрмен мен, Раббим.

⁸ Раббим! Сен турагъан ерни де, Сени макътавлугъунг бар ерни де сююп къалдым мен.

⁹ Гюнагълылар булан бирче жанымны, вагъшилер булан бирче яшавумну да къыйып кьойма дагъы.

¹⁰ Оланы къолларындан яманлыкъ чыгъар, оланы онг къолу урушбатдан толгъандыр.

¹¹ Мен буса таза юрюп тураман; азат эт дагъы мени, рагъму да эт магъа.

¹² Тюз ерде токътап тура аякъларым мени; Раббибизни халкъы жыйылгъанда, Огъар макътав этермен мен.

26 ¹ *Давутну йыры.*

Раббим ярыгъымдыр мени, къутгъарылывумдур. Кимден къоркъайым дагъы мен? Раббим яшавумну беклигидир. Кимден тартынайым дагъы мен?

² Эгер де мени параламакъ учун, яманлар, магъа къаршы чыкъгъанлар, душманларым чапгын этип йиберсе магъа, озълер сюрюнюп, йыгъылып къалар олар.

³ Эгер де уллу асгер бёлук къаршы чыкъса да магъа, гъеч тартынмас юрегим мени. Эгер де магъа яв чыгъып гелсе де, шо заманда да къатты токъташгъан кюйде турарман мен.

⁴ Янгыз бир затны тиледим мен Раббимден, яшавумну бары гюнлерин Раббимни уьюнде оьтгермек учун, Раббимни гёзеллигине къарап турмакъ учун, Ону ибадатханасында ойгъа батмакъ учун – янгыз шо затланы излеп айланаман мен.

⁵ Неге тюгюл де, балагъ гелген гюн чатырында яшырып сакълар Ол мени, Озью турагъан ерни инг де сырлы еринде яшырып къояр мени, яргъа гётерип къояр мени.

⁶ Шо заман мени аралап токътагъан душманларымны арасында уьстюн чыгъып токътарман; Раббимни сыйлы чатырында гъатдан озуп макътавлар этип юрюрмен, Ону алдында йырлап, макътап йырлап юрюрмен.

⁷ Эшит дагъы, Раббим, мен чакъырыв этеген тавушумну; рагъму эт магъа, къулакъ да ас магъа.

⁸ Сени гъакъынгда юрегим: «Излегиз Мени», – деп айтып тура; мен де излеп туражакъман Сени, Раббим.

⁹ Яшырып къойма дагъы менден юзюнгню Сен; къазаплагъа, къулунгну гери уруп къойма дагъы Сен. Кёмекчим болуп турдунг Сен мени; гери урма дагъы мени, къоюп да къойма, Аллагъым, Къутгъарывчум мени!

¹⁰ Эгер де атам да, анам да къоюп къойса да мени, Раббим гъайымны этер мени.

¹¹ Уьйрет дагъы, Раббим, Озьюнгню ёлунга, душманларымны хатири учун тюз сокъмакъгъа да сал мени.

¹² Душманларымны ихтиярына берип кьойма дагъы мени, неге тюгюл де ялгъан шагъатлар магъа кьаршы башгётергенлер, ачувлу тыныш да алалар.

¹³ Амма мен бу гъалиги дюньяда Раббибизни яхшылыгъын гёерермен деп инанаман.

¹⁴ Умут эт Раббибизге, кьатып тур, юрегинг де беклешсин дагъы сени. Умут эт чи Раббибизге!

27 ¹ *Давутну йыры.*

Сагъа чакъырыв этемен, Раббим, беклигим мени! Жавап бер. Жавап бермей турсанг, кьабургъа салынып барагъанлагъа ошап кьаларман мен.

² Сагъа чакъырыв этегенде, Инг Сыйлы Еринге* багъып кьолларымны гётергенде, ялбарыв тавушларымны эшит дагъы мени.

³ Къылыкъсызлар булан, ювукълары булан парахатлыкъны гъакъында да сёйлеп, юрегинде буса яманлыгъы барлар булан бирче гери уруп кьойма дагъы мени.

⁴ Этген ишлерине гёре, яман амалларына гёре берип кьой дагъы олагъа; кьолларындан чыкыгъан ишлеге гёре берип кьой дагъы олагъа; тийишлисин берип кьой дагъы олагъа.

⁵ Раббибизни ишлерине, Ону кьоллары булан этилген затлагъа тергевлю болмагъаны саялы, Ол дагъытып, дагъы тиргизмей кьояжакъ оланы.

⁶ Раббибизге макътавлар болсун, неге тюгюл де тилев тавушларымны эшитди Ол мени.

⁷ Раббим кьудратымдыр, къалкъанымдыр мени; Огъардыр бютюн юрегим булан мен инанагъаным. Ол да кёмек этди магъа, юрегим де кьуванып гетди мени. Мен де макътап йырларман Ону.

⁸ Раббибиз Оъз халкъыны кьудратыдыр, Оъзюню танглагъан пачасыны кьутгъарывчусудур, якълавчусудур.

⁹ Оъз халкъынгны кьутгъар дагъы, Оъз варислигинге йимик шабагъат эт дагъы олагъа. Кьойланы йимик сакълап тур оланы, гъар даим де гъайын эт оланы!

* 27:2 *Инг Сыйлы Ер* – ибадатханадагъы инг сыйлы ер. Мунда разилешивню сандыгъы салына болгъан.

28 ¹ Давутну йыры.

Алгъыш этигиз Раббизге, малайиклер! Ону макътавлугъу учун да, къудраты учун да алгъыш этигиз Раббизге.

²Алгъыш этигиз Раббизни атына; гёзел ибадатханасында Огъар сужда къылыгъыз.

³Раббизни тавушу сувланы уъстюндедир; макътавлу Аллагъ кёк кёкюрегендей тавуш чыгъарып къойду, кёп сувланы уъстюндедир Ону тавушу да.

⁴Раббизни тавушу къудратлыдыр, Раббизни тавушу зордур.

⁵Раббизни тавушу къарагъайланы сындырып къояр; ливан къарагъайланы сындырып къояр Раббиз.

⁶Ливанны бузавдай, Сиригъонну* да жагъил гамишдей чапырып турар Ол.

⁷Раббизни тавушу яшмын яшнатып къояр.

⁸Раббизни тавушу дангылны тербетип йиберер, Кадеш дангылны тербетип йиберер Раббиз.

⁹Раббизни тавушундан эменлер чөгюп къалар, агъачлыкълар да ялангъач болуп гетер; Ону ибадатханасындагъыланы барысы да: «Макътав болсун, макътав болсун Огъар!» — деп къычырып турар.

¹⁰Сувланы уъстюнде тахында олтургъан эди Раббиз, гъар даим де пача болуп тахында олтуруп турар Раббиз.

¹¹Оъз халкъына гюч берер Раббиз; паракатлыкъ булан шабагъат этип къояр Раббиз Оъз халкъын.

29 ¹ Давутну йыры; ибадатхананы янгыртагъанда айтылагъан йыр.

²Мени гётергенинг саялы, душманларымны мени къайгъымны уъстюнден сююмме къоймагъанынг саялы, макътавлар этемен Сагъа, Раббим.

³Раббим, Аллагъым! Чакъырыв этдим мен Сагъа, Сен де сав этип къойдунг мени.

⁴Раббим! Жанымны ахыратдан чыгъарып бердинг, къабургъа гирмесин учун, жанландырып къойдунг мени Сен.

⁵Оъзюню сыйлы атын тутуп йыр айтыгъыз Раббизге, Ону халкълары; Ону сыйлы атына макътав да этигиз.

* 28:6 Сиригъон — Гьермон тавну башгъача аты. 132:3 баянлыкъгъа къара.

⁶ Неге тюгюл де, бир аз мюгьлетгедир Ону кьзапланыву, сав объмюрге де дюрдюр Ону яхшылыгы. Ахшам йылав-яс гирип гелер, эртенге буса – сююнч.

⁷ Мен де леззет ала туруп: «Гьеч бюдюремесмен бир заманда да», – деп айтдым.

⁸ Оьзюнгню яхшылыгынгдан, Раббим, тавну йимик бек-лешдирип кьойдунг Сен мени; амма юзюнгню яшырдынг Сен, мен де тартынып йибердим.

⁹ Сагьа, Раббим, чакьырыв этеген мен, Раббиме булай деп ялбарагьан:

¹⁰ «Кьабургьа гиргенде, оьлюмюден не пайда болсун? Сюегим макьтав этерми дагьы Сагьа? Аминлигингни билдирерми дагьы Сени?

¹¹ Эшит, Раббим, рагьмулу да бол магьа. Раббим, кёмекчи бол дагьы магьа».

¹² Дертимни кьуванчгьа айландырып кьойдунг Сен, уьстюмден кьайгьымны чечип, шатлыкьгьа чомуп кьой-дунг мени.

¹³ Шо саялы атынгны тутуп йыр айтып турар Сагьа жаным, бирдокьда токьтама да токьтамас. Раббим, Аллагьым! Даим макьтавлар этип турарман Сагьа.

30 ¹ *Хорну ёлбашчысына. Давутну йыры.*

² Сагьадыр мен аркьатаяйгьан, Раббим, илыкьма да илыкьмасман мен бир де. Сендеги тюзлюк булан азат эт да-гьы мени.

³ Кьулакь ас магьа, азат этме алгьаса мени. Мени якьла-макь учун – яр, кьутгьармакь учун беклик болуп кьал магьа.

⁴ Неге тюгюл де, мени ярымсандыр, беклигимсендир Сен. Атынгны гьюрметинден алып юрю дагьы мени, ёлбашчылыкь эт дагьы магьа.

⁵ Магьа деп яшыртгьын салынгьан тордан чыгьар дагьы мени, неге тюгюл де беклигимсендир Сен мени.

⁶ Ругьумну кьолунга беремен Сени. Азат этип турдунг мени, Раббим, гьакь гертиликни Аллагьы.

⁷ Гёрюп ярамайман маьнасыз ялгьан аллагьлагьа кьуллукь этип айланагьанланы, Раббибизге буса аркьатаяп тураман.

⁸ Сени зор сюовюнгден сююнуп, кьуванып турарман, неге тюгюл де мени янгыз кьыйынлыкьларымны гёрюп кьойма-дын, юрекдеги кьайгьымны да билип кьойдунг Сен.

⁹ Душманны кьолуна да берип кьоймадынг мени; аякларымы эркин ерге салдынг Сен.

¹⁰ Рагьму эт магъа, Раббим, неге тьогюл де тыгъысдыр магъа. Къайгъылардан гёзлерим, жаным, къаркъарам кьуруп къалып тура мени.

¹¹ Яшавум пашманлыкъ булан, йылларым да агъ урувлар булан гьалсыз болуп тура. Гюнагъ ишлерим саялы кьуватым да гючсюз болуп, сюеклерим де кьуруп тура.

¹² Бары душманларым саялы гьатта хоншуларыма да эсгик болуп, танышларыма да оьзюнден уьркютердей болуп битдим. Орамда гёргенлер менден къачып гетип къалалар.

¹³ Оьлю йимик юреклерде унутулуп къалгъанман мен, сынгъан савутдай болуп къалгъанман мен.

¹⁴ Неге тьогюл де, кёплени яман сёйлейгенин, бары да яндан къоркъув гелип турагъанын эшитип тураман мен. Олар магъа къаршы тилбир этип, жанымны кьыйма ойлашып туралар.

¹⁵ Мен буса Сагъадыр умут этегеним, Раббим. «Сен мени Аллагъымсан», – деймен мен.

¹⁶ Сени кьолунгдадыр мени кьысматым. Душманларымын, мени кьувалап турагъанланы кьолундан азат эт дагъы мени.

¹⁷ Нюрлю юзюнг булан ярыкъландырып кьой дагъы Оьзюнгню кьулунгну, зор сюювюнг булан кьутгъарып кьой дагъы мени.

¹⁸ Раббим! Сагъа чакъырыв этемен деп гьеч илыкъмасман дагъы мен. Къылыкъсызлар буса биябур болуп къалсын дагъы, ахыратда пысып къалсынлар дагъы олар.

¹⁹ Муъминлеге оьктем, сансымай къарай туруп, яман сёйлейген тиллер тутулуп къалсынлар дагъы.

²⁰ Оьзюнгден къоркъагъанлагъа деп сакълагъан, адамланы алдында Сагъа умут этегенлеге деп онгаргъан яхшылыкъларынг не кёпдюр дагъы Сени.

²¹ Адамланы башгётеривлеринден барлыгъынг булан сакълап турасан шоланы Сен, эришивлерден де яшырып турасан шоланы Сен.

²² Раббибизге макътав болсун! Неге тьогюл де, асгерлер кьуршап алгъан шагъарда магъа Оьзюню зор сюювюн гъайран кюйде гёрсетди Ол.

²³ Абдырап къалмакълыгъымдан: «Сени гёз алдынгдан тайдырылгъан эдим мен», – деп ойлашгъан эдим, амма Сагъа чакъырыв этгенде, дуамны тавушун эшитдинг Сен.

²⁴ Сююгюз Раббизни, Ону бары да халкы. Амин болган- ланы кьоруп сакълар Раббиз, озлени хохабаз тутагъанлагъа буса тийишлисин берер Ол.

²⁵ Къатып туругъуз, юреклери гиз де беклешип къалсын да- гъы сизин, Раббизге умут этегенлени барысы да!

31 ¹ *Давутну йыры. Уйретив.*
Насиплилердир айыплары тазаланган ва гюнагълары гечилген адамлар!

² Насиплидир этген гюнагълары саялы Аллагъ озюн такъ- сырламайган адам, озюню ругунда макюрчюлюк ёкъ адам.

³ Мен иннемей тураганда, гъар гюнлюк агъ урувумдан къавжап къалды сюеклерим мени.

⁴ Неге туюл де, гече де, гюн де такъсырлап тура эди Сени къолунг мени; яйдагъы яллаван ёкъ болаганда ймик би- тип къалды мендеги гюч.

⁵ Амма гюнагъымны ачыкъ этдим мен Сагъа, яманлыгъымны да яшырмадым мен. «Жинаятчылыкъларыма мюкюр боламан Раббиме», – деп айтдым мен. Сен де айыбымдан тазалап, гюнагъымдан гечип къойдунг.

⁶ Сени излеп табып болаган чакъы дуа этип турсун дагъы Сагъа гъар-бир иманлы да. Шо заман уллу ташгъынланы сувлары да кьоркъунчу болмас огъар.

⁷ Ябывумсандыр Сен мени. Къайгълардан сакълайсандыр Сен мени, бары да ерде къутулувну сююнчлерин эшитип де тураман мен.

⁸ «Уйретермен, ююме герек ёлунга саларман сени; наси- гъат берермен, гъайынгны да этермен сени.

⁹ Сизге таби болсун деп, авзуларын югенлер, авузлукъ бу- лан енгеген атгъа, англавсуз къачыргъа ошап къалмагъыз».

¹⁰ Къылыкъсызгъа кёп къайгъы бардыр, Раббизге аркъатаяйганны буса зор сююв къуршап алар.

¹¹ Раббизден шатланып, сююнюп къалыгъыз, гъей муъ- минлер; байрам этигиз, гъей тюз юреклилер.

32 ¹ Раббизден сююнюп къалыгъыз, муъминлер. Адиллиге макъав этме ярашывлудур.

² Къомуз согъа туруп алгъыш этигиз чи Раббизге, он къыллы алатны согъа туруп да йырагъыз чы Огъар.

³ Йырлагъыз чы Огъар янгы йырны. Усталыкъ булан согъугъуз, сююнч булан кычырыгъыз чы Огъар.

⁴ Неге тююл де, Раббизни сёзю адиллидир, гъар иши де Ону тюздюр.

⁵ Муъминликни, адилликни сюедир Ол. Раббизни зор сюювюнден толгъандыр ер юзю.

⁶ Раббизни сёзю буландыр кёклер яралгъаны, Ол айтып яратгъандыр шондагъы бары да юлдузланы да.

⁷ Тёбелердей жыйып кьойду Ол денгизлени, сакълайгъан ерлеге салып кьойду терен сувланы да.

⁸ Къоркъуп къалсын дагъы бютюн ер юзю Раббизден, къартыллап турсун дагъы Ону алдында дюньяда яшайгъанланы барысы да.

⁹ Неге тююл де, Ол айтгъаны да бир болду, этилгени де; Ол бююргъаны да бир болду, яшавгъа чыкыгъаны да.

¹⁰ Ят халкъланы муратларын бузуп кьояр, халкъланы хыялларын да дагъытып кьояр Раббиз.

¹¹ Раббизни суйгени буса гъар даим де болуп турар, юрегини хыяллары буса бары да наслулагъадыр.

¹² Насиплидир Раббиз оъзюне Аллагъ болгъан халкъ. Насиплидир Оъзюне варислик гысапда Ол сайлагъан адамлар.

¹³ Кёклерден таба къарап турар Раббиз, гёрюп турар бары да инсанланы.

¹⁴ Олтургъан тахындан таба къарап турар ер юзюнде яшайгъанланы барысына да.

¹⁵ Барысыны да юреклерин яратгъан Олдур, оланы бары да ишлерине тюшюнюп турар Ол.

¹⁶ Асгерлерини кёплюгю булан къутулмас дагъы пача. Уллу къудрат да къутгъарып болмас дагъы бир асгерни.

¹⁷ Къутулмакъ учун инамсыздыр дагъы егилген ат, зор гючю булан азат этип болмас дагъы ол.

¹⁸ Оъзюнден къоркъагъанланы, Оъзюню зор сюювюне умут этегенлени гъайын этип турар Раббиз.

¹⁹ Оланы жанларын оълумден къутгъарар Ол, ачлыкъдан къутулма да кёмек этер олагъа.

²⁰ Раббизгедир жаныбызны умут этегени: кёмекчибиздир, къалкъаныбыздыр Ол бизин.

²¹ Ону булан байлавлудур юреклерибизни шатлыгъы, неге тююл де Ону сыйлы атынадыр биз инангъаныбыз.

²²Сагъа умут этген чакъы зор сюювюнг болуп турсун дагъы уьстюбюзде, Раббим.

33 ¹Абимелегъни алдында гъакъылсыз болуп гёрюнме де гёрюнюп, ону янындан къуваланып, ари тайгъанда Давут айтгъан йыр.

²Алгъыш этермен Раббибизге гъар заманда да, токътавсуз макътав этип турар Огъар мени авзум.

³Раббибизге макътав этип турар жаным мени; юваш хасиятлылар эшитип, сююнюп йиберерлер.

⁴Билдиригиз чи Раббибизни зорлугъун мени булан бирче, Ону атына да бирче макътав этип юрююк чю.

⁵Тилеп дуа этдим мен Раббиме, Ол да эшитип, бары да къоркъунчлардан азат этип къойду мени.

⁶Огъар багъып къарагъанлар нюрленип гетдилер, оланы юзлери де гъеч илыкъмас.

⁷Бир пакъыр чакъырыв этди, Раббибиз де ону эшитип, ону бары балагъларындан къутултуп къойду.

⁸Раббибизден къоркъагъанланы айланасында Ону малайиги ерлешип де токътар, азат да этер оланы.

⁹Раббибиз нечик рагъмулу экенин англагъыз чы, гёрюгюз чю! Насиплидир Раббибизде аркъатаяв табагъан адам.

¹⁰Къоркъугъуз чу Раббибизден, Ону халкъы, неге тюгюл де тарчыкълыгъы болмас Ондан къоркъагъанланы.

¹¹Байлар да тарчыкъ, ач болуп къалагъан кюй бола, амма Раббибизни излейгенлер бир ниъматдан да магърюм къалмас.

¹²Гелигиз, балаларым, тынглагъыз чы магъа, Раббибизден къоркъмагъа уйретеим чи сизин.

¹³Ниъматланы гёрмек учун, инсан яшама сюеми экен, узакъ оьмюр сюеми экен?

¹⁴Шолай болгъан сонг, тилингни яманлыкъдан, авзунгну да макюрчю сёзлерден сакъла чы.

¹⁵Яманлыкъдан бир янгъа тай чы, рагъму да эт чи; паракхатлыкъны ахтарып, шону артындан да юрюп тур чю.

¹⁶Раббибиз муъминлеге багъып къарап турар, оланы агъ урувуна да тынглап турар.

¹⁷Амма ер юзюнден яманлыкъ этегенлени гъакъындагъы эсделикни ёкъ этмек учун, олагъа къаршы турар Раббибиз.

¹⁸ Чакырыв этер муъминлер; Раббиз де эшитип йиберип, бары балагъларындан азат этип къояр оланы.

¹⁹ Юреги сынганлагъа ювукъдур Раббиз, гѣнгюлсюзлени де къутгъарып къояр Ол.

²⁰ Муъминни къайгъысы кѣпдюр, шоланы барындан да азат этип къояр Раббиз.

²¹ Ону бары суюклерин сакълап турар Ол, шоланы бири де гъеч сынмас.

²² Оьлтюрюп къояр яманлыкъ къылыкъсызны, муъминни гѣрюп ярамайганлар да айыпгъа тартылып къалар.

²³ Азат этип къояр къулларыны жанларын Раббиз, айыпгъа тартылмас дагъы Огъар аркъатайганланы бириси де.

34 ¹ *Давутну йыры.*

Мени булан давлашаганлар булан давлаш, Раббим, энгип къой мени булан ябушаганланы.

² Къалкъанынгны да, губелерингни де алып, кѣмекге чыкъ магъа.

³ Мени гъызарлайганлагъа къаршы сюнгюнгю де, дав балтангны да гъазирлеп тур; жаныма да: «Сени къутгъарылывунгман!» – деп айт.

⁴ Мени оьлтюрме деп айланаганлар илыгъып, биябур болуп къалсын дагъы, артгъа багъып къачсын дагъы, хорлукъгъа тюшюп къалсын дагъы магъа яманлыкъ этме хыял этегенлер.

⁵ Елни алдындагъы чанггъа ошап къалсын дагъы олар, къувалап къойсун дагъы оланы Раббизни Малайиги.

⁶ Къарангы, тайгъакъ болуп къалсын дагъы оланы ёлу, гъызарлап юрюсюн дагъы оланы Раббизни Малайиги.

⁷ Неге тюгюл де, гъеч бир себепсиз тор салып, гъеч бир себепсиз къую да къазып токътадылар магъа олар.

⁸ Хапарсыз дагъылыв гелип къалсын дагъы олагъа, магъа деп яшырып токътаган торуна да, оьзю тутулуп къалсын дагъы; оьзю тюшюп къалсын дагъы шондагъы дагъылывгъа.

⁹ Жаным буса сююнюп турар Раббизден, шат болуп турар Ондан гелеген къутгъарылывдан.

¹⁰ Гъар саным булай деп айтар: «Раббим! Сендей ким болур? Гючсюню гючлюден, пакъырны да, ярлыны да талавурчудан азат этеген Сенсендир».

¹¹ Ялган шагъатлар къаршы чыкъдылар магъа, билмейген затымдан сорав алып туралар олар.

¹² Яхшылыгыма яманлыкъ булан къайтарыш этип туралар, умутсуз болуп тураман мен.

¹³ Олар авруйгъанда, йырыкъ опуракълар гийип турдум мен, ораза тутуп, жанымны гьалсыз этип турдум мен. Дуам да жавапсыз къалып къалгъанда,

¹⁴ Къурдашыма йимик, агъама-иниме йимик иш гёрюп турдум мен, пашманлыкъда, яс этеген анадай башымны салландырып юрюп турдум мен.

¹⁵ Мен сююнгенде буса, сююнуп, жыйылып къалдылар олар. Магъа къаршы жыйылып къалдылар душманларым. Билмеймен негердир, сёгюп юрюй эдилер, токътама да токътамадылар.

¹⁶ Инг де кылыкъсыз мысгыллавчулар йимик тишлерин кыжыратдылар магъа.

¹⁷ Раббим! Узакъ заман къарап турармысан дагъы шо затлагъа! Жанымны оланы яман ишлеринден азат эт дагъы, яп-янгыз жанымны шо арсланлардан.

¹⁸ Шо заман уллу жыйында шюкюрлюк этермен мен Сагъа, кёп халкъны арасында макътав да этермен Сагъа.

¹⁹ Магъа ялгъан кюйде душманлыкъ этегенлер мени къайгъымны устюнден сююнуп къалмасын дагъы, себепсиз мени гёрюп ярамайгъанлар бир-бирине гёзлерин кысып айланмасын дагъы.

²⁰ Неге тюгюл де, ярашывлукъгъа тюгюл гелтирегени оланы сёзлери, ер юзюнде ярашывлу яшап турагъанлагъадыр олар макюрчю хыялларын къуруп айланагъаны.

²¹ Герип ачалар авзуларын магъа. «Яхшы! Яхшы! Гёрдю гёзюбюз», – деп айыплайлар.

²² Гёрдюнг Сен, Раббим. Пысып турма дагъы. Раббим! Менден ари тайып къалма дагъы.

²³ Кёмек эт, якълама чыкъ мени дуванымда, мени эришивлюгюмде, Аллагъым, Раббим!

²⁴ Сендеги адилликге гёре токъташдыр дагъы айыпсызлыгъымны мени, Раббим, Аллагъым. Мени къайгъымны устюнден сююнуп къалмасын дагъы душманларым.

²⁵ Ичинден: «Не яхшыдыр! Биз сюеген кюйде болду чу! Не буса да къутулдукъ ондан», – деп айтмасынлар.

²⁶ Уялып, биябур болуп къалсынлар дагъы мени насипсизлигимден сююнегенлер. Илыгъып къалсынлар дагъы менден оър чыгъып токътагъанлар.

²⁷ Мен тюз болуп чыкыгъанны да сююп, токътавсуз: «Обзюню кзулуна паракатлыкъ ёрайгъан Раббибиз оър болуп квалсын дагъы», — деп айтагъанлар сююнюп-кзуванып квалсынлар дагъы.

²⁸ Сени муъминлигингни, Сени макътавлугъунгнуну билдирип турар тилим де гъар гюн.

35 ¹ *Хорну ёлбашчысына. Раббибизни кзулу Давутну йыры.*
² Ону юрегиндеги яман адам булан гюнагъ сёйлей. Шо адамны гёз алдында Аллагъны къркзуву ёкдур.

³ Неге туююл де, шо адамны гёрюп ярамас учун, обзюндеги яманлыкъны излеп айланагъандай, обзюню гёз алдында обз-обзюне яревкелик этип юрюй.

⁴ Ялгъандыр, макюрчюлюкдюр ону авзундан чыгъагъан сёзлер; гъакъыллы кюйде иш гёрмекни, рагъму этмекни гери уруп токътады ол.

⁵ Тёшегинде де ятып, яманлыкъ ойлашып айлана ол, яман ёлгъа тюше, яманлыкъдан да жиргенмей.

⁶ Раббим! Кёкlege чыгып гетедир Сендеги зор сююв, булутлагъа чыгып гетедир Сендеги аминлик!

⁷ Уллу тавлар йимикдир Сени муъминлигинг, терен сувлардыр Сени адиллигинг де! Инсанланы да, гъайванланы да сакълап турагъан Сенсендир, Раббим!

⁸ Не кыйматлыдыр дагъы Сени зор сюювюнг, Аллагъым! Къанат тубюнгню салкъынлыгъында кърккунчсуз турадыр инсанлар.

⁹ Къанып квалып турадыр уёвюнгню ниъматларындан олар, агъылып турагъан татлиликлерингден де ичирип турасандыр Сен оланы.

¹⁰ Неге туююл де, Сенсендир яшав береген булакъ. Сендеги ярыкъда гёребиз ярыкъны да биз.

¹¹ Давам этип тур дагъы зор сюювюнгню Сени таныйгъанлагъа, муъминлигингни де — тюз юреклилеге.

¹² Оъктемликни аягъы басылмасын дагъы магъа, кылыкъсызны кёлу да кзуваламасын дагъы мени.

¹³ Яманлар туюп болгъан ерге багып къара чы: йыгъылгъан, туруп да болмай туралар олар.

36 ¹ *Давутну йыры.*
Гюнчюлюк этме яманлагъа, жинаятчылыкъ этегенлени де гюллеп айланма.

² Неге тюгюл де, отдай орулуп кьалажакъ, яшыллыкьдай сёнюп де кьалажакъ олар.

³ Умут эт Раббизге, яхшылыкь да эт; яшап тур топуракь-да, гьакъ гертиликни де сакълап тур.

⁴ Раббиз сююнчюнг болуп кьалсын дагъы сени, Ол да юрегинг сюеген затны яшавгъа чыгъарып кьояр.

⁵ Аманат этип кьой ёлунгну Раббизге, умут эт Огъар, Ол да Озь ишин гёреп.

⁶ Сени муъминлигинни ярыкьдай, сени адиллигинни де гюнортадай чыгъарып кьояр.

⁷ Чыдамлы кюйде токътап, Раббизге умут этип тур. Ишинде устьюн чыкьганлагъа да, яман хыяллы адамлагъа да гюнчюлюк этме.

⁸ Таман ачувлангъанынг, кьзапланывунгну да кьой. Ачувланып турма, янгыз яманлыкьгъа гелтирип кьояр шо.

⁹ Неге тюгюл де, кьуваланып кьалар яманлыкь этегенлер, Раббизге умут этегенлер буса топуракьгъа варис болуп токътар.

¹⁰ Бираз токътап турсанг, ёкъ болуп кьалар кьылыкьсыз. Кьылыкьсыз бар ерге багъып кьарасанг, болмагъандай болуп да кьалар ол.

¹¹ Юваш хасиятлылар буса топуракьгъа варис болуп кьалар, дюньяны ниъматларындан да кьанып кьалар.

¹² Яман хыял этип айланар кьылыкьсыз муъминге кьаршы, тишлерин кьыжыратар огъар.

¹³ Раббиз буса кюлеп кьояр кьылыкьсызны устьюнден, неге тюгюл де болжалы етише турагъанын биле.

¹⁴ Ярлыны, пакъырны йыкьмакъ учун, тюз ёл булан юрюйгенлени оьлтюрмек учун, кьылычларын сувуруп, окъларын да тартып токътагъанлар кьылыкьсызлар.

¹⁵ Озьлени юрегине гирип кьалар оланы кьылычы, окълары да дагъылып кьалар оланы.

¹⁶ Кёп кьылыкьсызланы байлыгъындан да яхшыдыр муъминни аз заты да.

¹⁷ Неге тюгюл де, дагъылып кьалар кьылыкьсызланы гючю-кьуваты, муъминлени буса Раббизгё беклешдирип турар.

¹⁸ Гъар гюн де айыпсызланы гъайындадыр Раббизгё, варислиги де болуп турар гъар даим де оланы.

¹⁹ Илыгъагъан гьалгъа тюшмес кьагърулу заманларда олар, ач гюнлерде де токъ турар олар.

²⁰ Къылыкъсызлар буса къырылып къалар. Раббизни душманлары да отлаврукъдагъы язбашгъы отдай ёкъ болуп къалар, тютюнню ичинде ёкъ болуп къалар.

²¹ Къылыкъсыз борчгъа да алып, къайтармай къояр; муъмин буса чомарт кюйде берип турар.

²² Неге тюзюл де, Аллагъ шабагъатлагъанлардыр топуракъгъа варис болуп токътайгъанлар, Ол налатлагъанлар буса къуваланып къалар.

²³ Инсанны ёлундан сююнуп турар Раббиз, абатларын да беклешдирип турар ону. Раббиздир адамны аягъын басдырагъан, ону ёлуна да яхшы гёзден къарар Ол.

²⁴ Сююнгенде де йыгъылмай къалар ол, неге тюзюл де Раббиздир ону къолундан тутуп турагъан.

²⁵ Жагъил эдим мен, къарт болуп битдим, амма ташланып къалгъан муъминни чи, ону аш тилейген наслуларын чы гёрмегенмен мен.

²⁶ Гъар гюн рагъму этип, борчгъа берип турар ол, наслусу да шабагъатлы болуп къалар ону.

²⁷ Баш къачыр яманлыкъдан, яхшылыкъ да этип тур; гъаман да яшап къаларсан топуракъда.

²⁸ Неге тюзюл де, адилликни сюер Раббиз, Озьюню халкъын да къоюп къоймас Ол. Гъаман да сакъланып къалар олар, къылыкъсызланы наслулары да къуваланып къалар.

²⁹ Топуракъгъа варис болуп къалар муъминлер, гъаман да яшап турар шонда олар.

³⁰ Терен гъакъыл чыгъар муъминни авзундан, гертини сёйлер тили де ону.

³¹ Аллагъыны Къануну юрегиндедир ону, гъеч къартылламас дагъы аякълары да ону.

³² Муъминни яшыртгъын къаравуллап токътап, ону ольтюрмек учун излеп айланар къылыкъсыз.

³³ Амма ону къолуна бермес дагъы Раббиз муъминни; дувангъа тюзгенде де, айыплама къоймас дагъы ону.

³⁴ Умут эт Раббизге, Ону ёлун да тутгъан кюнгенде тур. Топуракъгъа варис болсун деп, гётерип къояр Ол сени; къылыкъсызлар къуваланагъанын да гёрюп турарсан сен.

³⁵ Къоркъунчулу, тамур да ташлап, базыкъ болуп барагъан кёп бутаклы терекге ошап къалгъан къылыкъсызны гёрген эдим мен.

³⁶Амма оьгюп гетди ол, мунагъана, ёкъ ол. Излеймен ону, тек табып болмайман.

³⁷Айыпсызгъа тергев эт, тюз юреклиге де къара, неге тюгюл де гелегеги болар ярашывлукъну сюеген адамны.

³⁸Жинаятчылар буса дагъылып къалар бары да, къылыкъсызланы гелегеги де къырылып къалар.

³⁹Раббибиздендир муьминлеге къутгъарылыв гелегени, къайгъылы гюнюнде якълавдур Ол олагъа.

⁴⁰Кёмек этер Раббибиз олагъа, азат да этер оланы. Къылыкъсызлардан азат этер оланы, къутгъарма да къутгъарар оланы, неге тюгюл де Огъардыр аркъатаяйгъан олар.

37 ¹*Давутну йыры. Эсине салмакъ учун.*

²Раббим! Бек ачувлангъан заманынгда ачыкъгъа чыгъарып къойма мени, къазаплангъан заманынгда да такъсырлап къойма мени.

³Неге тюгюл де, окъларынг чанчылып тура магъа, къолунг да къоркъунч берип тура магъа.

⁴Сени къазапланывунгдан сав ерим ёкъдур къаркъарамда мени, этген гюнагъларымдан авруп тура сюеклерим де мени.

⁵Неге тюгюл де, этген жинаятчы ишлериме батып токътагъанман мен, авур юкдей басып тура магъа.

⁶Гъакъылсызлыгъымдан чирип, иринленип тура яраларым мени.

⁷Тонкъайып, лап чёгюп къалгъанман мен, сав гюн кант эте юроймен мен.

⁸Неге тюгюл де, аякъларым ирин тутгъан яралардай авруп тура, сав ерим де ёкъ къаркъарамда мени.

⁹Гъалсыз болуп битдим мен, уллу къайгъы басып тура мени; агъ уруп айланаман юрегимни азапланывундан мен.

¹⁰Раббим! Алдынгда тура мен сюеген затлар барысы да, кантларым да гъеч яшырылмагъан Сенден.

¹¹Титиреп гете юрегим мени, гючюм де тайып битди менден; гёзлеримни нюрю де — шо да къалмады менде.

¹²Аврувларым саялы къурдашларым да, ёлдашларым да ари тайгъанлар менден, ювукъларым да ариге чыгъып токътагъанлар.

¹³Мени оьлтюрме сюегенлер буса тор ташлап туралар, магъа яманлыкъ ёрайгъанлар да оьлюмюмню гъакъында сёйлеп айланалар, пышдырыкълар ойлашып туралар гъар гюн.

¹⁴ Мен буса сангыравдай гъеч зат эшитмеймен, авзун ачмайгъан тилсиз йимикмен.

¹⁵ Эшитмейген, авзунда жавабы ёкъ гиши болуп токътандым мен.

¹⁶ Амма Сагъадыр, Раббим, умут этегеним; Сен жавап бережексен, Раббим, Аллагъым.

¹⁷ Мен де: «Аягъым къартыллап йибергенде, олар менден оър токътанганда, уьст болуп къалмасын дагъы менден душманларым», — деп два этдим.

¹⁸ Йыгълма аз къалып тураман мен, токътавсуз азап да чегип тураман мен.

¹⁹ Жинаятчы ишлериме мюкюр боламан мен, теренден къайгъыраман гюнагъларыма да.

²⁰ Душманларым буса яшап, гюч алып туралар, айыпсыз мени гёрюп ярамайгъанлар да артып тербейлер.

²¹ Душманларым яхшылыгъыма яманлыкъ булан къайтарыш этип юрюйлер; яхшылыкъгъа багъып юрюймен мен, олар буса душман тутуп юрюйлер мени.

²² Мени къоюп къойма, Раббим, Аллагъым! Менден ариге чыгъып къалма дагъы.

²³ Кёмекеге алгъаса дагъы магъа, Раббим, къутгъарывчум мени!

38 ¹ *Хорну ёлбашчысына. Едунунну макъамына гёре. Давунну йыры.*

² Мен булай деп айтдым: «Тилим булан гюнагъ этип къоймас учун, ёлларымны тергеп турарман мен; алдымда къылыкъсыз токътап тургъан чакъы авзумну енгип сакълап турарман мен».

³ Тилсиз, тавушсуз эдим мен, гъатта яхшы затны гъакъында да сёйлемей турдум; къайгъым буса оьсюп турду.

⁴ Къабунуп гетди ичимде юрегим, от янып гетди ойларымда. Тилим булан булай сёйлеп йибердим мен:

⁵ «Айт чы магъа, Раббим, ахырымны гъакъында; нечакъы оьмюр берилгенни билмек учун, гюнлеримни де санап бер мени.

⁶ Муна, къарышны оьлчевюдей гюнлер бердинг Сен магъа, оьмюрюм де бир зат да тюгюл йимик Сени алдынга. Гертилей де, янгыз бир тынышдыр инсанны яшаву.

⁷ Гертилей де, бир гёрюнюшдей юрюп тура инсан; ёкъ ерден къавгъа гётерип турар; кимге экенин билмесе де, байлыкъ жыйып турар.

⁸Гъали энни не къаравуллайым, Раббим, мен? Умутум Сени булан байлавлудур мени.

⁹Бары жинаятчылыкларымдан азат эт мени, гъакъылсызгъа хорлукъгъа берип къойма мени.

¹⁰Тилсиз болуп къалдым мен, авзумну да ачмайман, неге тюгюл де Сенсендир шону этген.

¹¹Магъа урагъанынгны къой дагъы Сен, къолунг булан урагъанынгдан олюп къала тураман чы мен.

¹²Гюнагълары саялы юзюн ачып такъсырлайгъанда Сен инсанны, гюе ашагъандай болуп къалар ону бары да къыйматлы заты. Гертилей де, янгыз бир тынышдыр инсанны яшаву.

¹³Эшит дагъы, Раббим, дуамны, къулакъ ас дагъы агъ урувума да, сесленмей къалма дагъы гёзьяшларыма да. Неге тюгюл де, яяваякъ ёлавчунгмандыр мен Сени, бары да ата-бабаларым йимик гелгинчи де дюрмендир мен.

¹⁴Мен тайып къалгъынча, ёкъ болуп къалгъынча, мен къуванып болсун деп, бираз парахат къоюп тур дагъы мени».

39 ¹*Хорну ёлбашчысына. Давутну йыры.*

²Чыдамлы кюйде къаравуллай эдим Раббимни мен, Ол да магъа багъып энкейди, мени агъ урувумну эшитди.

³Къоркъунчлу ордан, бакъа йибекли батмакълыкъдан чыгъарып алып къойду мени. Ташны устьюнде эретургъузуп, аякъларымны беклешдирип къойду мени.

⁴Авзумдан янгы йыр – Аллагъыбызгъа макътав – чыгъагъан этип къойду. Кёплер гёрюп йиберип, къоркъуп къаларлар, Раббизге умут этип турарлар.

⁵Насиплидир Раббиз булан умутун байлайгъанлар да, оъктемлени, ялгъан айтма муштарлыланы ахтармайгъанлар да.

⁶Не кёп гъайран ишлер этип къойдунг дагъы Сен, Раббим, Аллагъым мени. Нечакъы ойлашгъанынг бар дагъы бизин гъакъыбызда Сени. Гъеч бирев тенг гелип болмас дагъы Сагъа! Шоланы гъакъында билдирип, хабарлап юрюген бусам да, санап битдирип болмас эдим шоланы барысын да.

⁷Къурбанлыкъланы, савгъатланы сюймединг Сен. Яллатып этилеген къурбанлыкъланы, гюнагъ учун этилеген къурбанлыкъланы да талап этип турмадынг Сен. Сагъа тынгламакъ учун, къулакълар бердинг магъа.

⁸Шо заман булай деп айтдым мен: «Муна, гелдим мен. Къольязыв китапда булай деп язылгъан мени гъакъымда:

⁹ Сююнч булан буйругъунгну кютермен мен, къанунунг да юрегимдедир мени».

¹⁰ Уллу жыйында муъминликни гъакъында билдирип турдум мен; авзумну токътатып турмадым мен, Оъзюнг билесен, Раббим.

¹¹ Сендеги муъминликни яшырып турмадым юрегимде мен; Сендеги аминликни, Сендеги къутгъарылывну билдирип турдум мен. Уллу жыйынны алдында Сендеги зор сюювню, Сендеги гъакъ гертиликни гъакъында ачыкъдан айтып турдум мен.

¹² Гёрсетип къой дагъы, Раббим, рагъмулукъларынгны магъа. Сендеги зор сююв де, Сендеги гъакъ гертилик де бир токътавсуз къоруп сакълап турсун дагъы мени.

¹³ Неге тюююл де, санавсуз балагълар къуршап алгъан айланамны мени. Жинаятчы ишлерим басып токътатгъан чы мени, гъатта гёрмейген болуп къалгъанман мен. Шоланы санаву башымдагъы тюклерден де кёпдю; юрегим чыгъып гетди мени.

¹⁴ Рагъму эт дагъы, Раббим, азат болмагъа магъа. Раббим! Алгъаса дагъы кёмекге магъа.

¹⁵ Илыгъып, биябур болуп къалсынлар дагъы жаныма оълюмню излеп айланагъанланы барысы да! Артгъа бурулуп къачсынлар дагъы, мысгъылгъа тутулуп къалсынлар дагъы магъа яманлыкъ ёрайгъанлар!

¹⁶ Оъзлени биябурлугъундан абдырап къалсынлар дагъы магъа: «Еридир сагъа! Еридир сагъа!» – дейгенлер.

¹⁷ Сенден сююнюп, шат болуп къалсынлар дагъы Сени излейгенлени барысы да. Бир токътавсуз: «Зор уллудур Раббибиз!» – деп айтып турсунлар дагъы къутгъарылывунгну сюегенлер де.

¹⁸ Мен буса ярлыман, пакъырман, амма гъайымны этип турадыр Раббибиз мени. Кёмегимсендир, азат этивчюмсендир Сен мени! Аллагъым, асталатып къойма дагъы.

40 ¹ Хорну ёлбашчысына. Давутну йыры.

² Насиплидир ярлыны гъайын этип айланагъан адам! Балагъ гелген гюн азат этер Раббибиз ону.

³ Раббибиз сакълар ону, оълюмден де сакълар ону; насипли болуп къалар бу дюньяда ол. Душманланы ихтиярына берип къоймажакъсан Сен де ону.

⁴ Авруп ятгъанда, гюч берер Раббибиз огъар. Бары да азап-ларындан сав этерсен ону Сен.

⁵ «Раббим! Рагъму эт магъа, сав этип къой мени, неге тюгюл де гюнагъ этип къойдум Сени алдынга», — деп айтдым мен.

⁶ «Къачан облер экен ол, къачан унутулар ону аты?» — деп яман сёйлеп юрюйлер душманларым мени гъакъымда.

⁷ Бирев геле буса да мени гёрме, ялганны тюгюл сёйлемей. Юреги ялган ойлашып тура ону. Чыгып йиберип, сёз юрютюп айлана ол.

⁸ Оьз арасында магъа къаршы шыбышлап, магъа къаплап сёйлейлер инг де яман затланы олар.

⁹ «Яман авруп тийип токътады огъар, ятивгъа тюшдю ол, дагъы аякъгъа турмас ол», — деп сёйлей олар.

¹⁰ Гъатта мен озьуне аркъатаягъан, мени булан аш ашагъан ювукъ къурдашым да къаршы къол гётерип токътады магъа.

¹¹ Сен буса, Раббим, рагъму эт магъа, савлукъ бер, мен де тийишлисин этермен олагъа.

¹² Душманым менден оьр чыкъмас, неге тюгюл де Сен магъа яхшы гёзден къарайгъанынгны билемен мен.

¹³ Тазалыгъым саялы сакълап туражакъсан мени, Оьзюнгню алдынга салып къояжакъсан гъар даимге мени.

¹⁴ Гъар даим де макътавлар болуп турсун дагъы Раббибизге, Исрайылны Аллагъына! Амин, амин!



Экинчи Китап

(41-нчи – 71-нчи йырлар)

41 ¹Хорну ёлбашчысына. Корагыны уланларыны уйретивю.
²Агъылып турагъан сувлагъа бозаргъан марал йимик, мени жаным да Сагъа бозарып тура, Аллагъым!

³Къатты Аллагъгъа гъасиретдир жаным мени. Къачан гелип, Аллагъымны алдында токътар экенмен мен!

⁴Гъар гюн магъа: «Къайда сени Аллагъынг?» – деп айтып турагъанда, ашны орнун тутду гече де, гюн де гёзьяшларым магъа.

⁵Шону эсге ала туруп, юрегимни ачып сёйлеймен мен. Неге тюгюл де, кёп адамны арасында юрюп турдум мен; олагъа да къошулуп, сююнч тавуш булан, байрамгъа чыкыгъан кёп халкъны макътав сёзлери булан Аллагъны уьуне гирип турдум мен.

⁶Негер мунгаясан, жаным, негер бузуласан сен? Умут эт Аллагъгъа, неге тюгюл де макътав этип туражакъман мен Огъар, мени Къутгъарывчума, мени Аллагъыма.

⁷Мунгайып тура ичимде жаным мени. Шо саялы да Ёрдан топурагъындан, Гъермон ва Мицар тавлардан туруп эсге алып тураман мен Сени.

⁸Шаршарларынгны авазы булан тюпсюз къакъа тюпсюз къакъагъа чакъырыв этип тура. Бары да Сени сувларынг, Сени толкъунларынг устьюмден оьгюп гетип къалды.

⁹Гюндюз зор сюювюн гёрсетер Раббим, гече буса йыр чыгъарарман мен Огъар, два этермен яшав береген Аллагъыма мени.

¹⁰Якълавчум болгъан Аллагъыма булай деп айт: «Неге унутуп къойдунг Сен мени? Неге душманларымны мысгъыллавларына кант этип юрюймен мен?»

¹¹Гъар гюн магъа: «Къайдадыр дагъы сени Аллагъынг?» – деп де айтып, сюеклеримни уватып йиберердей сёгюшюп туралар душманларым мени булан.

¹² Негер мунгаясан, жаным, негер бузуласан сен? Умут эт Аллагьгъа, неге тюгюл де макътав этип туражакъман мен Огъар, мени Къутгъарывчума, мени Аллагьыма.

42 ¹ Айыпсызлыгъымны токъташдыр мени, Аллагьым; имансыз халкъ булангъы эришивлюгюмде де магъа ян тарт Сен. Макюрчю, адилсиз адамдан да азат эт дагъы мени.

² Неге тюгюл де, беклигимни Аллагьысандыр Сен. Неге гери уруп къойдунг Сен мени? Неге душманларымны мысгыллавларына кант этип юрюймен мен?

³ Бакъдыр Сени ярыгъынгни, Сени гъакъ гертилигингни. Алып юрюй туруп, Сени сыйлы тавунга, Сен турагъан ерге гелтирип къойсун дагъы шолар мени.

⁴ Аллагьны кърбанлыкъ салагъан ерине, сююнч де, шатлыкъ да береген Аллагьгъа багъып гелермен мен. Къомуз да согъа туруп, Сагъа макътав этермен, Аллагьым, Аллагьым мени!

⁵ Негер мунгаясан, жаным, негер бузуласан сен? Умут эт Аллагьгъа, неге тюгюл де макътав этип туражакъман мен Огъар, мени Къутгъарывчума, мени Аллагьыма.

43 ¹ *Хорну ёлбашчысына. Корагъны уланларыны уйретивю.*
² Аллагьым, оланы заманында, бырынгъы заманларда Сен этген ишни объюбюзню къулакъларыбыз булан эшитдик, ата-бабаларыбыз хабарлады бизге.

³ Оъз къолунг булан кырып къойдунг Сен имансызланы, ата-бабаларыбызны буса оланы орнуна ерлешдирип салдынг; халкъланы такъсырлап, ата-бабаларыбызгъа эркин топуракълар бердинг.

⁴ Кылычы булан тюгюл эди олар топуракъгъа ес болгъаны, гючю де тюгюл эди олагъа устьюнлюк гелтирген. Амма Сени онг къолунг, Сени куватынг, Сени юзюндеги нюр эди, неге тюгюл де яхшы гёзден къарадынг Сен олагъа багъып.

⁵ Аллагьым, мени Пачам! Шо Аллагьсандыр Сен гъали де. Устьюнлюкню гёрсетип къой дагъы Оъз халкынга.

⁶ Сени булан бирче ари йылышдырып къоярбыз душманларыбызны. Сени атынгны кудраты булан таптап чыгъарбыз бизге къаршы баш гётергенлени.

⁷ Неге тюгюл де, жаяма тюгюл мен умут этегеним, кылычым да тюгюл къутгъаражакъ мени.

⁸ Амма душманларыбыздан бизин кьутгъаражакъ, бизин гёрюп ярамайгъанланы да биябур этип кьояжакъ Сенсендир.

⁹ Аллагъ булан макътанарбыз гъар гюн де, Сени атынгны да макътап турарбыз гъар даим де.

¹⁰ Амма гъали буса гери уруп, биябур этип кьойдунг Сен бизин, асгерлерибиз булан да чыгъып турмайсан Сен.

¹¹ Душмандан артгъа тартылып къачагъан этип кьойдунг Сен, бизин гёрюп ярамайгъанлар да талап турдулар бизин.

¹² Кьойланы ймик соймагъа берип кьойдунг Сен бизин, ят халкъланы арасында чачып да кьойдунг бизин.

¹³ Бек учуз сатып кьойдунг Оьз халкъынгны Сен, шо сатывдан гъеч тюшген зат да болмады Сагъа.

¹⁴ Хоншуларыбызгъа мысгъыллавгъа, айланабызда яшайгъанлагъа кюлкюге, хорлавгъа берип кьойдунг Сен бизин.

¹⁵ Ят халкъланы арасында хабаргъа салып кьойдунг бизин, оланы да башын чайкъайгъан этип кьойдунг Сен бизге.

¹⁶⁻¹⁷ Хорлавчуну, макюрчюню сёзлеринден, душманны, оьч алывчуну къаравундан гъар гюн биябурлукъгъа, илыкъгъа тюшюп тура бетим де.

¹⁸ Башыбызгъа тюшдю бу затлар бары да, амма Сени чи унутмадыкъ, разилешивюнгни де бузмадыкъ биз.

¹⁹ Юреклерибиз тартынмады бизин, аякъларыбыз да гъеч тайышмады Сени ёлундан.

²⁰ Амма бизин дагъытып, топурагъыбызны чагъанлар учун бердинг Сен, тун къарангылыкъ булан да ябып кьойдунг бизин.

²¹ Эгер де Аллагъыбызны атын унутуп, кьолларыбызны ят аллагъгъа узатып кьойгъан эдик бусакъ,

²² Билмей кълармы эди дагъы шо гъакъда Аллагъ? Неге тюгюл де, юреклени сырларын биледир Ол.

²³ Амма Сен саялы оьлтюрюп тура бизин гъар гюн, соймагъа гъазирленген кьойлагъа гъисаплап тура бизин.

²⁴ Гел чи, кёмек эт, Раббим! Алгъаса, гери уруп кьойма даимге.

²⁵ Неге яшынгъансан бизден? Неге къайгъыбызны, бизге этилеген зулмуну унутасан?

²⁶ Неге тюгюл де, чангъа дёнюп битген жаныбыз да бизин, къаркъларларыбыз да ердеги балчыкъгъа ябушуп кългъан бизин.

²⁷ Кёмек эт чи бизге, азат этип де кьой бизин зор сюювюнгни хатириден.

44 ¹Хорну ёлбашчысына. Шошаним деген соғъув алат булан. Корагыны уланларыны уйретиюю. Сюювню йыры*.

²Төгюлюп гетди юрегимден яхшы сёзлер. Йырым мени пачаны гьакъындадыр, тилим пагъмулу язывчуну къаламыдыр.

³Инсанлардан гёзелсендир сен. Арив сёзлер төгюлюп геле авзунгдан сени. Шо саялы да шабагъатлады гьар даимге де Аллагъ сени.

⁴Къудратланы еси, бутунгну бою булан илип къылычынгны да, макътавлугъунг булан гёзеллигингни белинге байлап къой чу.

⁵Шо гёзеллик булан атарбагъа да минип олтуруп, гьакъ гертиликге, саламатлыкъгъа, тюзлюкге деп алгъаса чы. Шо заман онг къолунгдан тамаша ишлер чыгъар сени.

⁶Иттидир окъларынг сени; олар пачабызны душманларыны юрегиндедир. Халкълар йыгъылып къалар алдынгда сени.

⁷Сени тахынг гьар даим де болуп туражакъ, гьей Аллагъ! Сени пачалыгъынгда адилли кюйде ёлбашчылыкъ этилип туражакъ.

⁸Гертини сююп къойдунг сен, пачабыз, жинаятчылыкъны буса гёрюп ярамадынг. Шо саялы да, Аллагъым, сени Аллагъынг, озгелерден айырып йиберип, сююнчню зайтун майын сюртдю сагъа.

⁹Бары да гийимлеринг отлар къошулуп этилген арив ийисли май йимикдир, пилни сюегинден безендирилген къалалардан таба къыллы соғъув алатланы тавушлары шат этип туралар сени.

¹⁰Пачаланы къызлары абурлуланы арасындадыр сени янынгда; Опир алтын булан да безенип, онг янынгдадыр сени пача къатынынг.

¹¹Эшит, къызым, къара, къулагъынгны ас, унутуп къой халкъынг булан атангны уьюн де.

¹²Сююп къояжакъ пачабыз гёзеллигингни сени. Гьюрмет этип тур сен де огъар, неге тюгюл де есингдир ол сени.

¹³Савгъатлар булан Тир шагъарны адамлары, халкъны арасындан инг байлары да бетингни ачылып, сени рагъмулу болуп гёрме гьасирет къаларлар.

¹⁴Къаланы безендиреген гелиндир; алтындан тигилгендир ону опуракълары.

* 44:1. Бу йыр Исрайылны пачалары биринчилей тахына минип олтурагъанда къоллана болгъан.

¹⁵ Аллы-гюллю опуракълары да булан элтелер ону пачабызны янына; арты булан буса кызыланы – ону кыурдашларын элтелер пачаны янына.

¹⁶ Шатлыкъда, кыуванчлыкъда гелтирелер, гирип гелелер пачабызны къласына.

¹⁷ Уланларынг тутуп кыояр ата-бабаларынгни орнун. Бары да топуракъларынга бийлер этип салып кыояжакъсан сен оланы.

¹⁸ Наслудан наслугъа эсде кыалагъан кюйде этермен атынгны сени. Шо саялы да макътав этип турар халкълар сагъа гъар даим де.

45 ¹ *Хорну ёлбашчысына. Корагъны уланларыныки. «Аламот»* деген согъув алат булан. Йыр.*

² Аллагъ бизин аркъатаявубузду, кыудратыбыздыр, кыйынлыкъларыбызгъа кёмекге табулма гъазир турадыр.

³ Шо саялы да ерлер тербенип гетсе де, тавлар чёгюп, денгизлеге багъып йылышып йиберсе де, гъеч кыоркъмасбыз дагъы биз.

⁴ Кыавгъалап, гётерилип турсун дагъы шоланы сувлары, кыартыллап турсун дагъы тавлар шоланы гъалеклигинден.

⁵ Шат этип тура Аллагъны шагъарын, Аллагъу-Тааланы яшайгъан сыйлы ерин оьзенлени агъымлары.

⁶ Аллагъ ортасындадыр шону; гъеч бюдюремес дагъы шо шагъар: кёмек этер танг булан шогъар Аллагъ.

⁷ Кыавгъа гётерип йиберди халкълар; тербенип йиберди пачалыкълар: авазын чыгъарды Аллагъу-Таала, ирип кълалды топуракъ да.

⁸ Бизин буландыр кыудратланы Раббиси, бизин гирип сыйынагъан ерибиздир Якъубну Аллагъы.

⁹ Гелигиз чи, гёрюгюз чю Раббизни гъайран ишлерин – ер юзюнде Ол этип кыойгъан дагъытывланы:

¹⁰ Дюньяны бир кыырыларына чыгъып гетгинче давлагъа ахыр сала туруп, дагъытып кыойду жаяланы, сындырып ташлады сюнгюлени, от булан яллатып кыойду кълалкъанланы да.

¹¹ Токътап йиберип, тюшюнюгюз Аллагъ экениме Мен: оьр болуп кыалажакъман халкъланы арасында, оьр болуп кыалажакъман ер юзюнде.

¹² Бизин буландыр кыудратланы Раббиси, бизин аркъатаявубузду Якъубну Аллагъы.

* 45:1 *Аламот* – йырлав-согъув булан байлавлу англав болма ярай.

46 ¹ *Хорну ёлбашчысына. Корагыны уланларыны йыры.*
² Харс уругъуз, бары да халкълар, алгъыш этигиз сююнч тавуш булан Аллагъгъа.

³ Неге тюгюл де, къоркъунчлудур кёклердеги Раббибиз, бютюн ер юзюню уьстюндеги уллу пачабыз.

⁴ Таби этип къойду бизге халкъланы, аякъ тюбюбюзге салып къойду адамланы да.

⁵ Яшап турагъан топурагъыбызны сайлады Ол бизин учун. Оьзю сюеген инсанлагъа оьктем кюйде гъакимлик этеген топуракъдыр шо.

⁶ Аллагъыбыз шат тавушлагъа, Раббибиз зурнайны тавушуна тынглай туруп, минип олтурду тахында.

⁷ Атын тутуп йыр айтыгъыз чы Аллагъыбызгъа, айтыгъыз чы. Атын тутуп йыр айтыгъыз чы Пачабызгъа, айтыгъыз чы.

⁸ Неге тюгюл де, бютюн ер юзюню пачасыдыр Аллагъ. Йырлагъыз чы барыгъыз да уста кюйде.

⁹ Пача болуп токътады Аллагъ халкъланы уьстюнде, минип олтурду сыйлы тахына Оьзюню.

¹⁰ Ибрагъимни Аллагъыны халкъы булан бирче жыйылды халкъланы бийлери. Неге тюгюл де, Аллагъныкидир ер юзюню гъакимлери; олардан уьст салынып токътады Ол.

47 ¹ *Корагыны уланларыны макътав йыры.*
² Зор уллудур Раббибиз, зор уллу макътавлар болсун Огъар Аллагъыбызны шагъарында, сыйлы тавунда Ону.

³ Гёзел бийикликдир, бютюн ер юзюню къуванчыдыр Сион таву. Уллу Пачабызны шагъары шону темиркъазыкъ ягъындадыр.

⁴ Якълавчу йимик юрюйдюр Аллагъ шондагъы бекликде.

⁵ Муна, ёлугъуп йиберип пачалар, бирче шагъаргъа багъып гелдилер бары да.

⁶ Гёрюп, гъайран болуп, адашып къалып, къачмагъа гиришдилер.

⁷⁻⁸ Къатынгишини яш табагъандагъы азабы йимик, гюнтувуш ел булан зор гемелени дагъытып къоягъанда йимик, къоркъунчлукъ къуршап алды оланы шонда.

⁹ Эшитген йимик, гёрме де гёрдюк Аллагъ этген ишлени къудратланы Раббисини шагъарында, Аллагъыбызны шагъарында. Беклешдирип къояр шону Аллагъ гъар даимге.

¹⁰ Ойлаша эдик биз, Аллагъым, ибадатханангны ортасында Сени зор сюювюнгню гъакъында.

¹¹ Атынг йимик, Аллагъым, макътавлугъунг да дюньяны бир кырыларына чыгып гете; муъминликден толгъан онг къолунг Сени.

¹² Шат болуп къалсын дагъы, сююнюп къалсын дагъы Сион таву да, Ягъудеяны шагъарлары да Сени дуванларынгни хатиринден, Раббим.

¹³ Юрюгюз чю айланасындан Сионну, дёрт де ягъындан айланып да чыгыгъыз чы шону; санап чыгыгъыз чы минмараларын шону.

¹⁴ Гележек наслугъа хабарламакъ учун, баруларына, бекликлерине тергев берип къарагъыз чы шону.

¹⁵ Неге тюгюл де, Аллагъ бизин Аллагъдыр гъар даимге де. Ёлбашчыбыз болар Ол даимликте бизин.

48 ¹ Хорну ёлбашчысына. *Корагъны уланларыны йыры.*

² Тынглагъыз бу затгъа, бары да халкълар; къулакъ асыгъыз бу затгъа, аламда яшайгъанлар, барыгъыз да,

³ Къара халкъ булан белгилилер, байлар булан ярлылар да.

⁴ Авзумдан гъакъыллы сёзлер чыгъажакъ, юрегимдеги ойлар да англав бережек.

⁵ Айтывлагъа агъамият беремен мен, къомуз согъа туруп да маъналарын англатаман шоланы.

⁶ Душманлар ёлларымны къуршап алгъанда мени, къоркъуп не этейим балагъ къопгъан гюнлерде мен?

⁷ Оьзлени малына-мюлкюне умут этип, байлыгъыны кёплюгюнден макътанып айланагъанлар!

⁸ Оьзюню жанын оьлюмден къутгъарып болмас инсан, ол учун юк де берип болмас Аллагъгъа.

⁹⁻¹⁰ Багъа олтурар оланы жанларын къутгъармакъ. Инсан къабурун да гёрмейли, даим яшап къалажакъ деген зат бир заманда да болажакъ зат тюгюлдюр.

¹¹ Гъакъыллылар йимик, авамлар да, гъакъылсызлар да оьлюп, мюлкюн оьзгелеге къоюп гетегенин гъар ким де гёрюп тура.

¹² Уйлери даимге къалагъан да йимик, яшавлукъ этеген ерлери наслудан наслугъа берилеген де йимик ойлашалар олар. Топуракъларына да оьзлени атларын тагъып айланалар олар.

¹³ Амма инсан байлыгъына батып турмас, оьлюмге тарылагъан гъайванлагъа ошап къалар ол.

¹⁴ Оланы шо ёлу гьакъылсызлыкъдыр, оланы сёзлерин тюз гёрегенлени де ахыры шолайдыр.

¹⁵ Къойлардай тыгып къояр ахыратгъа оланы; оylum де къойчудай сакълап турар оланы. Эртенине буса муъминлер уьстюн чыгъар олардан. Гьалсыз-гъавкъатсыз болар олар, ахыратдыр оланы ую.

¹⁶ Амма жанымны ахыратдан азат этип, мени къабул этип къояр Аллагъ.

¹⁷ Инсан бай болуп барагъанда, ону уьюндеги мал да артып тербейгенде, вёре, къоркъмагъай эдинг.

¹⁸ Неге тюгюл де, гъеч бир затын алып гетмес оьлегенде ол, малы да арты булан гетмес ону.

¹⁹ Савунда ол оьзюн насиплимен деп гьисапласа да, ишлери алдын барагъаны саялы макътайлар адамлар ону.

²⁰ Амма бир заманда да ярыкъны гёрмежек ата-бабаларыны янына чыгып гетер ол.

²¹ Абуру, амма англавсуз инсанны оylumю гъайванланыкине ошап къалар.

49 ¹ Асафны йыры.

Аллагъ, Раббибиз Аллагъ гюнтувушдан гюнбатышгъа ерли сёйледи, топуракъгъа чакъырыв этди.

² Гёзелликни оьрлюгю болгъан Сиондан таба Аллагъ нюрленген гъалында чыгып геле.

³ Геле тура Аллагъыбыз бизин, шыплыкъда да тюгюл, алдында ютагъан ялын да, айланасында алатолпан да булан.

⁴ Оьз халкъына дуван этмек учун, бийиклердеги кёкlege де, ер юзюне де чакъырыв эте Ол.

⁵ «Къурбандан таба Мени булан разилешив бегетген халкъымны жыйыгъыз айланама», – дей Ол.

⁶ Кёклер де муъминликни билдирер Ону гъакъындагъы, неге тюгюл де Аллагъ Оьзю дуванчыдыр.

⁷ «Тынгла, халкъым, Мен сёйлей тураман. Исрайыл! Сагъа къаршы шагъатлыкъ этежекмен Мен. Мен Аллагъман, сени Аллагъынг.

⁸ Гъаман да алдымда турагъан къурбанлыкъларынг саялы да, яллатьп этген къурбанлыкъларынг саялы да бетлев этмежекмен Мен.

⁹ Сени уьюндеги бузав да, абзарындагъы эчкилер де гъажатлы тюгюл Магъа.

¹⁰ Неге тюгюл де, агъачлыкъдагы бары кыр жанлар Меникидир, минглер булангы тавлардагы гъайван-мал да Меникидир.

¹¹ Тавлардагы бары кршланы таныйман, авлакдагы гъайванлар да алдымдадыр Мени.

¹² Эгер де ач болуп къалган бусам Мен, сагъа айтмас эдим шону, неге тюгюл де Меникидир дюнья, шондагы бары зат да.

¹³ Ашайманмы экен Мен обгюзлени этин, ичемени экен эчкилени къанын?

¹⁴ Шюкюрлюк булан крурбан эт Аллагыга сен, вадаларынгны да кют Аллагы-Таалагъа.

¹⁵ Чакырыв эт кыйгылы гюнюнде Магъа. Азат этермен Мен сени, сен де макъав этерсен Магъа».

¹⁶ Кылыкъсызгы буса булай деп сйлер Аллагъ: «Неге Мени къанунларымны сйлеп айланасан, разилешивню де авзунга аласан сен?

¹⁷ Обзюнг буса гйрүп ярамайсан уйретивюмню Мени, сзлеримни де артынга багып ташлайсан?

¹⁸ Уручуну гйрсенг, кыйышып къаласан ону булан, зина этегенлер булан да лакыр крурп айланасан.

¹⁹ Яман сзлеге ача турасан авзунгну, макюрчюлюкню онгара тура тилинг де сени.

²⁰ Олтурма да олтуруп, агъангы-инингни башын сйлейсен, анангы уланына ялаябасан.

²¹ Шоланы этип турдунг сен, Мен буса пысып турдум. Мен де сени ймикмендир деп ойлашдынг сен. Ачып берермен юзюнгню, аянгъа чыгарып кюрман айыпларынгны сени.

²² Англап кюрюгуз шону, гей Аллагыны унутуп къалагъанлар. Ёгъесе, Мен сизин дагытып кюрман; сизин азат этеген бирев де болмас.

²³ Шюкюрлюк булан крурбан этегенлер гюрмет этедир Магъа. Ёлун тергеп юрюгенлеге де Аллагыны кутгарылывун гйрсетермен Мен».

50 ¹ Хорну ёлбашчысына. Давутну йыры.

² Муну Давут Бирсабияга ювуклукъ этгенде, обзюню янына Натан деген пайхаммар гелген заман айтган.

³ Обзюндеги зор сюов булан рагму эт магъа, Аллагым, жинаятчы ишлеримни де Обзюндеги зор языксыныв булан ёкъ этип кый Сен.

⁴Бары да этген жинаятчы ишлеримден чай мени, гюнагъымдан да тазала мени.

⁵Неге тююл де, мюкюр боламан этген жинаятчы ишлериме мен, гюнагъым да гъар заман алдымда тура мени.

⁶Сагъа, янгыз Сагъа къаршы гюнагъ иш этдим мен, яманлыкъ да этдим Сен гёре туруп. Шо саялы да тюз гъукму чыгъарасан Сен, дуванынгда да тазасан Сен.

⁷Тувмадан, анамны къурсагъындан берли де гюнагълымандыр мен.

⁸Гъакъ юрекни сюесен Сен, ичиме де гъакъыл саласан Сен.

⁹Тазала гюнагълардан мени — мен де таза болуп къаларман, чай мени — къардан да акъ болуп токътарман мен.

¹⁰Сююнчно, шатлыкъны эшитме имканлыкъ бер магъа. Сав болуп къалсын дагъы Сен уватгъан сюеклерим мени.

¹¹Арт берип къой гюнагъларыма мени, жинаятчы ишлеримни де ёкъ этип къой мени.

¹²Таза юрекни яратып къой ичимде мени, инамлы ругъну да янгыртып къой ичимде мени.

¹³Юзюнгден гери урма мени, Озюнгню Ругъунгну да чыгъарып алма менден.

¹⁴Сендеги къутгъарылывдан гелеген сююнчно къайтар магъа, Сагъа таби болма газирлигимни де беклешдирип къой Сен.

¹⁵Жинаятчылагъа ёлунгну гёрсетермен Сени, гюнагълылар да Сени ёлунга къайтар.

¹⁶Тёкген къанымны айыбындан азат эт, Аллагъым, къутгъарылывумну Аллагъы, макътав этер шо заман тилим муъминликге Сендеги.

¹⁷Раббим! Ач авзумну мени, макътавлар билдирермен Сагъа шо заман.

¹⁸Неге тююл де, къурбанлыкъ берер эдим — гъажатлы тююл Сагъа шо; ялланып этилеген къурбанлагъа да яхшы гёзден къарамайсан Сен.

¹⁹Аллагъгъа этилген герти къурбанлыкъ — юваш ругъдур. Сен тююлсен сынгъан юрекли, юваш хасиятлы инсанны гёрюп ярамайгъан, Аллагъым.

²⁰Яхшылыкъ этип къой Сионгъа Озюнгню рагъмунг булан, эретургъузуп къой Ерусалимни баруларын да.

²¹Шо заман рази къалдырар Сени муъминликни къурбанлыгъы да, савлайын ялланып этилеген къурбанлыкъ да. Шо заман салар къурбанлыкъны салагъан еринге бузавланы.

51 ¹ *Хорну ёлбашчысына. Давутну уйретивю.*
² *Эдомлу Доег Савулну янына гелип, огъар Давут Агъимелегъни уюне гелгенин айтгъан сонг.*

³ Не макътанасан яманлыгъынг булан, гъей зулмучу? Аллагъны зор сюювю гъар даим де болуп турар мени булан.

⁴ Дагъытылывну ойлашып айлана тилинг сени. Бек итти деллек бичакъдай намарт шо тилинг сени!

⁵ Яхшыдан эсе яманны, гертини сёйлемекден де ялгъанны кёп сюесен сен.

⁶ Облюм гелтиреген къайдагъы сёзлени сюесен сен, гъей зараллы тил.

⁷ Лап дагъытып къояжакъ шо затлар саялы Аллагъ сени. Савланы арасындан тамурунг булан юлкзуп йиберип, алып атып къояжакъ яшайгъан ерингден сени.

⁸ Муъминлер гёрюп, къоркъуп къалажакълар, ону устыюнден кюлеп туражакълар ва булай деп айтажакълар:

⁹ «Аллагъны беклик деп гысапламайлы, озъюню кёп байлыгъына умут да этип, яман ишлеринде беклешип тургъан инсандыр бу».

¹⁰ Мен буса Аллагъны уюнде яшылланып гелеген зайтун терек йимикмендир. Гъар даим де Аллагъны зор сюювюне умут этип де тураман мен.

¹¹ Этген ишлеринг саялы макътавлар этип турарман гъаман Сагъа. Озъюнгню халкъынгны алдында атынгны билдирермен мен, неге тюююл де атынг яхшыдыр Сени.

52 ¹ *Хорну ёлбашчысына. «Магъалат»* деген макъамгъа гёре. Давутну уйретивю.*

² Бир гъайгев озъю-озъюне: «Аллагъ ёкъдур», – деп айтар. Олар пасат ёлгъа тюшюп къалар, эсгик ишлер этер. Яхшылыкъ этеген бирев де ёкъдур.

³ Оланы англайгъанлары, Аллагъны ахтарагъанлары бармы экен деп, Аллагъ кёкден таба къарап турар.

⁴ Тайышдылар тюз ёлдан бары да, лап биябур болуп битдилер. Яхшылыкъ этеген бирев де ёкъдур, гъеч бирев ёкъдур.

⁵ Эс тапмасмы экенлер дагъы яманлыкъ этегенлени, халкъымны экмекдей ашап турагъанланы, Аллагъны атын тутмайгъанланы барысы да?

* 52:1 *Магъалат* – согъулагъан алат неде макъам.

⁶ Къоркъмагъа гъеч зат ёкъ ерде къоркъуп къалажакълар олар, неге тюгюл де уватып къояжакъ сюеклерин Аллагъ сагъа къаршы савутлангъанланы. Илыкъдырып къояжакъсан сен оланы, неге тюгюл де гери ургъандыр Аллагъ оланы.

⁷ Гелгей эди Сиондан таба Исрайылгъа къутгъарылыв! Аллагъ Оьз халкъын есирликден къайтарагъанда, сююнюп къалар Якъубну наслулары, шатланып къалар Исрайыл шо заман.

53 ¹ *Хорну ёлбашчысына. Къыллы согъув алатлар булан. Давутну уьйретивю.*

² *Зиф шагъардагъылар гелип, Савулгъа: «Давут бизин арабызда яшынгъан», – деп айтгъан сонг.*

³ Аллагъым! Атынг булан къутгъарып къой мени, къудратынг булан да мени айыпсызлыгъымны токъташдыр Сен.

⁴ Аллагъым! Эшит дуамны мени, авзумдан чыгъагъан сёз-леге де къулакъ ас.

⁵ Неге тюгюл де, ятлар баш гётергенлер магъа къаршы, вагъшилер де жанымны излеп айланалар мени. Аллагъгъа тергевсюздюр олар.

⁶ Муна, кёмекчимдир Аллагъ мени, жанымны беклешдирип турадыр Ол.

⁷ Душманларымны яманлыгъына гёре тийишлисин берер Ол. Сендеги гъакъ гертилик булан къырып къой дагъы оланы.

⁸ Гёнгюллю кюйде къурбан этермен мен Сагъа. Сени атынга да макътав этермен, неге тюгюл де атынг яхшыдыр Сени.

⁹ Неге тюгюл де, бары балагълардан азат этип къойдунг мени Сен, душманларымны да тюп болгъанына къарап боламан мен.

54 ¹ *Хорну ёлбашчысына. Къыллы согъув алатлар булан. Давутну уьйретивю.*

² Эшит, Аллагъым, дуамны мени, тилевлеримни де эшитмей къойма Сен.

³⁻⁴ Къулакъ ас, жавап бер магъа. Къайгъылар басып, агъ ураман мен. Душманымны тавушундан, къылыкъсызны къыйыкъсытывундан абдырап да тураман мен. Неге тюгюл де, жинаятчы ишлерин бакъдыралар магъа багъып, къазапланып йиберип, душман да туталар мени.

⁵ Юрегим титиреп йибере ичимде мени, олю кьоркзув да кьобуп тура магъа.

⁶ Кьоркзунчлукъ булан титирев басгъан мени, уллу кьоркзув да кьуршап алгъан мени.

⁷ Мен де булай деп айтдым: «Гёгюрчюннюки йимик къанатларым болгъай эди мени. Учуп йиберип, рагъатланып къалажакъ эдим мен де.

⁸ Ареклеге чыгъып гетип, дангылларда къалып къалар эдим мен.

⁹ Шайтан елден, алатолпандан яшынма алгъасар эдим мен».

¹⁰ Бузуп кьой, Раббим, тиллерин де бёлюп кьой душманланы, неге тюгюл де зулмуну, тартышывланы гёрюп тураман мен шагъарда.

¹¹ Гече де, гюн де дёгерек айланып туралар шагъарны баруларындан олар; яман ишлер булан балагълар бар шону ортасында.

¹² Дагъытылыв бар ортасында шагъарны, ялгъан булан на-мартлыкъ таймай орамларындан шону.

¹³ Неге тюгюл де, душманым тюгюл мысгъыллайгъан мени – мен гётерип болар эдим шону. Мени гёрюп ярамайгъан да тюгюл менден оыр чыгъып токътагъан – ондан да яшынып болар эдим мен:

¹⁴⁻¹⁵ Обзюм йимик гёрген, обзю булан гъакъ юрекден лакъыр этген, Аллагъны уюне бирче юрюп тургъан шо адам сенсендир, кьурдашым, ювугъум мени.

¹⁶ Ажжалы етишип къалсын дагъы душманланы, савлайын ахыратгъа тюшюп гетсин дагъы олар. Неге тюгюл де, яман ишлер юрюле уйлеринде оланы, арасында оланы.

¹⁷ Мен буса чакъырыв этермен Аллагъгъа, Раббим де къутгъарып кьояр мени.

¹⁸ Ахшам да, эртен де, тюше де ялбарып, агъ уруп турарман мен, Ол да эшитер тавушумну мени.

¹⁹ Магъа кёплер кьаршы чыгъып турагъанына да къарамайлы, эсен-аман къутултар Ол ябушувдан мени.

²⁰ Инг аввалдан берли де пача болуп турагъан Аллагъ эшитер оланы, тёбен салып да кьояр оланы, неге тюгюл де гъеч алышыныв гёрюнмей тура юреклеринде оланы, Аллагъдан да кьоркъмайлар олар.

²¹ Обзю булан паракъатлыкъда яшайгъанлагъа къолун гётерди кьурдашым мени; этген ваъдасын да бузуп токътады ол.

²² Майдыр йымышакъ авузу ону, юрегинде буса оьчлюк бардыр ону. Зайтун майдыр йылы сёзю ону, амма сувурулгъан кылычдыр оьзю ол.

²³ Раббизге аманат этип кьой кьайгыларынгны, Ол да якълап турар сени. Бир заманда да бюдюреме кьоймас Ол муьминни.

²⁴ Сен, Аллагьым, тегюп кьояжакъсан оланы оьлюмню оруна. Оьзлени ярты оьмюрюне де чыкъмаслар оьлтюрювчюлер де, намартлар да. Мен буса Сагдадыр, Раббим, аркъатаяйгъан.

55 ¹ *Хорну ёлбашчысына. «Арекдеги эменлерде пысып токътагъан гёгюрчюн» деген макъамгъа гёре. Филистимлилер оьзюн Гат деген шагъарда тутгъанда, Давутну ялбарыву.*

² Рагьму эт магъа, Аллагьым! Неге тюгюл де, гьызарлап тура адам мени; гьар гюн чапгын эте туруп, кыйыкъсыта мени.

³ Душманларым гьызарлап туралар мени гьар гюн, неге тюгюл де кепдюр оьзлени оьктемлигине де, гючюне базынып магъа кьаршы баш гетерегенлер.

⁴ Кьоркьунчлукъ кьуршагъанда мени, Сагдадыр умут этегеним мен.

⁵ Аллагьгъадыр – макътарман Ону сёзюн. Аллагьгъадыр умут этегеним, гьеч кьоркьмайман мен. Не этип болар инсанлар магъа?

⁶ Магъа зарал гелтирмек учун, даим тилбирчилик этип турадыр олар.

⁷ Жанымны тутмакъ учун, жыйылып, яшыртгын токътап, гьар абатымны тергеп туралар олар.

⁸ Яманлыгъы саялы кьутулармы экен дагъы олар тийишли такъсырындан? Кьзапланып йиберип, тебен салып кьой, Аллагьым, халкъланы.

⁹ Ер-ерге багъып айланышларымны бары санавун билесен Сен. Гёзьяшларымны Оьзюнгню савутунга жыйып кьой дагъы Сен. Сени китабынга язылмагъанмы дагъы шо гёзьяшларымны гьакъында?

¹⁰ Сагъа чакъырыв этегенде мен, артгъа багъып кьачалар душманларым мени. Билемен Аллагь мени яным экенин.

¹¹ Аллагьгъадыр – макътарман Ону сёзюн, Раббимедир – макътарман Ону сёзюн,

¹² Аллагыгъадыр – макътарман Ону сёзюн, Аллагыгъадыр умут этегеним – гъеч къоркъмайман мен. Не этип болар инсанлар магъа?

¹³ Ваьдаларымны кютмеге герекмен, Аллагыым. Сагъа шюкюрлюк булан къурбан да этермен мен.

¹⁴ Неге тюгюл де, оьлюмден азат этдинг Сен жанымны. Яшавну ярыгъы булан Аллагыымны алдында юрюсюн учун, аякъларымны да сюрюнювден азат этип бердинг Сен.

56 ¹Хорну ёлбашчысына. «Дагъытып къойма» деген макъамгъа гёре. Давутну Савулдан къачып, анакъгъа гиргендеги ялбарыву.

² Рагъму эт магъа, Аллагыым, рагъму эт магъа. Неге тюгюл де, Сендедир жаным аркъатаяв табагъан. Балагълар ёкъ болуп къалгъанча, къанат тюбюнгню салкъынлыгъында яшынып токътап да турарман мен.

³ Чакъырыв этермен Аллагыу-Таалагъа мен, магъа бары яхшылыкъны этген Аллагыгъа.

⁴ Кёклерден жавап берер Ол, къутгъарып да къояр мени. Мени гъызарлайгъанланы биябур этип къояр Ол. Магъа зор сюювюн де, аминлигин де гёрсетер Ол.

⁵ Адамланы ашайгъан арсланланы арасында къалып тураман мен. Сюнгюлердир, окълардыр тишлери оланы, итти къылычлардыр тиллери де оланы.

⁶ Кёклерден де оьр болуп къал, Аллагыым, сав дюньяны уьстюнде де макътавлугъунг болуп къалсын дагъы Сени.

⁷ Аякъларыма ташлама деп тор гъазирлеген эдилер, мунгайып тура жаным мени. Алдымда къую къазгъан эдилер, оьзлер бёттёбен тюшюп къалдылар.

⁸ Токъташгъандыр юрегим мени, Аллагыым, токъташгъандыр юрегим. Ёырларман, жаным булан атынгны тутуп ёыр да айтарман мен.

⁹ Къувнап къал чы, жаным мени. Уяныгъыз чы, къыллы алат булан къомуз! Мен де тангны уятарман!

¹⁰ Макътав этип турарман, Аллагыым, халкъланы арасында Сагъа; атынг тутуп ёыр да айтарман адамланы арасында мен.

¹¹ Неге тюгюл де, кёклеге чыгъып гетердей зор сюювюнг Сени, булутлагъа чыгъып гетердей гъакъ гертилигинг де Сени.

¹² Кёклерден де бийиклеге гётерилип къал, Аллагыым, сав дюньяны уьстюнде де макътавлугъунг болсун дагъы Сени.

57 ¹Хорну ёлбашчысына. «Даггытып кьойма» деген макъамгъа гёре. Давутну ялбарыву.

²Бар кюйде айтамы экенсиз гертини, гьей гьакимлер, тюз кюйде дуван этеми экенсиз инсанлагъа сиз?

³Жинаятчы ишлер этип турасыз юрегигизден сиз, ер юзюнде зулму уьлешип юрүй кьолларыгъыз да сизин.

⁴Лап тувгъандокъ тайышып турдулар тюз ёлдан кылыкъсызлар. Ялгъан айта туруп, анасыны кьарнынданокъ да адашып кьалып туралар олар.

⁵Йыланни, кьулакъларын тыгып бегитген сангырав кьара йыланни агъусудай оланы агъусу.

⁶Инг де бажарывлу кюйде сигьрулу сёзлени айтагъан адамны авазын да гьеч эшитмей ол.

⁷Аллагъым! Тёгюп кьой авзундагъы тишлерин оланы! Арсланланы якъ суюклерин де уватып кьой, Раббим.

⁸Агъагъан сувну йимик ёкъ болуп кьалсынлар дагъы. Жаягъа салып тартгъанда, томакъ болуп кьалсын дагъы окълары оланы.

⁹Уясындан чыгъа турагъан хуртдай ёкъ болуп кьалсынлар дагъы олар. Оьлюп тувгъан яшдай гюнню гёрмей кьалсынлар дагъы олар.

¹⁰Оьзлеге не болуп турагъанын англап да битмежек олар; шайтан ел буса тегенекнидей, гоганныдай, кьуругъан отнудай алып гетип кьалар оланы.

¹¹Кьуванып кьалажакъ муъмин оьч алгъанны гёргенде, жувуп кьояжакъ аякъларын кылыкъсызны кьанында.

¹²«Гертилей де, савгъат бардыр муъминге! Гертилей де, Аллагъ бардыр бу дюньяда дуван этеген», – деп айтар адамлар.

58 ¹Хорну ёлбашчысына. «Даггытып кьойма» деген макъамгъа гёре. Савул Давутну оьлтюрме деп, уьюн яшыртгъын кьаравулламакъ учун оьзюню адамларын йибергенде, Давутну ялбарыву.

²Азат эт душманларымдан мени, Аллагъым! Магъа кьаршы баш гётергенлерден де якъла Сен.

³Яманлыкъ этегенлерден азат эт мени, оьлтюрювчюлерден де кьутгъар Сен.

⁴Неге тьогюл де, муна, яшыртгъын кьаравуллап токътагъанлар жанымны олар. Магъа кьаршы белсенип айланалар

гючлюлер, амма этген жинаятчы ишлерим саялы тюгюл, гюнагъым саялы да тюгюл, Раббим.

⁵ Айыбым болмаса да, жыйылып, савутланып айланалар. Кёмекге чыкь чы магъа, гёз де кьарат чы.

⁶ Раббим, кьудратланы Аллагъы, Исрайылны Аллагъы, имансызланы такьсырламакь учун гел дагъы Сен, кылыкь-сыз жинаятчыланы бирин де аяма дагъы Сен.

⁷ Ахшамлар кьайталар олар, итлер йимик улуй туруп, айланып туралар шагъарны дёрт де янындан.

⁸ Муна, яман сёзлени кьуса тили булан олар. Кылычлар бар авзуларында оланы. «Неге тюгюл де, ким эшите тура?» – деп ойлалар олар.

⁹ Амма кюлеп кьояжакьсан Сен оланы уьстюнден, Раббим. Бары да имансызлагъа кьайнашып да алажакьсан Сен.

¹⁰ Кьудратым мени, Сагъадыр мен кьарайгъаным, якълавчумдур Аллагъым мени.

¹¹ Зор сюювю де булан алдым булан юрюр Аллагъым мени. Душманларымны тюп болгъанын гёрме кьояр Ол.

¹² Халкьым унутуп кьалмасын учун, оьлтюрюп кьойма Сен оланы. Чачып кьой кьудратынг булан оланы, ер этип де кьой, Раббим, якълавчубуз бизин.

¹³ Оланы тилиндеги сёз оланы авзундагъы гюнагъдыр. Айтагъан налат, ялгъан сёзлери саялы оьзлени оьктемлигине оьзлер тутулуп кьалсынлар дагъы олар.

¹⁴ Кьазапланып йиберип, дагъытып кьой оланы, дагъы болмасдай дагъытып кьой оланы. Шо заман дюньяны бир кырыларына ерли Аллагъ Исрайылда гьакимлик этегенин англап турарлар.

¹⁵ Ахшамлар кьайталар олар, итлер йимик улуй туруп, айланып туралар шагъарны дёрт де янындан.

¹⁶ Аш тапмакь учун кьыдырып айлана туралар, гечелени де ач кююнде оьтгерип туралар олар.

¹⁷ Мен буса кьудратынгни гьакьында йырлап, танг булан зор сюювюнгню гьакьында макътап йырлап турарман Сени. Неге тюгюл де, кьайгъылы гюнлеримде якълавум, аркьатаявум болуп токьгадынг Сен.

¹⁸ Кьудратым мени! Сени макътап йырларман мен, неге тюгюл де якълавчумдур Аллагъ мени, магъа зор сюювю де гёрсетеген.

59 ¹ *Хорну ёлбашчысына. «Шагъатлыкъны Лилиясы» деген макъамгъа гёре. Уьйренмек учун Давутну ялбарыву.*

² *Муну Давут Арам Нагъарайым ва Арам Зобагъ* булан дав юртегенде язгъан (шо давда Ёгъав деген асгербашы къайтывунда Тузлу Къолда он эки минг эдомлуну йыкъгъан).*

³ Аллагъым! Гери уруп къойдунг Сен бизин, йыгъып къойдунг Сен бизин, къазаплангъансан Сен; бизге бакъ дагъы Сен!

⁴ Тербетдинг Сен ерни, харап этдинг шону. Сав этип къой дагъы шону бузулгъан ерлерин, неге тюгюл де чайкъалып тура шо.

⁵ Адамларынгни зор къыйынлыкълардан оьтме борчул этдинг Сен, чайкъалышып юрюйген де этип къойдунг Сен оланы.

⁶ Гъакъ гертилик саялы Сени гётерип болсун учун, байракъ берип къойдунг Сенден къоркъагъанлагъа.

⁷ Сююмлюеринг азат болуп къалсын учун, эшитип къой дагъы мени, онг къолунг булан къутгъарып да къой.

⁸ Оьзюню Сыйлы еринде булай деп айтды Аллагъ: «Оьр чыгъарман, пайларман Шегъемни, Суккот** къолну да оьлчермен.

⁹ Гилатымдыр***, Манассиямдыр, башымдагъы темир бёркъюмдюр Ефрем Мени, гъакимлигимни таягъыдыр Ягъуда Мени,

¹⁰ Легенимдир Моав Мени, Эдомда болур чарыкъларым да Мени. Уьстюнлюк булан кычырарман Филистим топурагъанда Мен».

¹¹ Ким гийирер экен беклешген шагъаргъа мени? Ким етишдирер экен Эдомгъа ерли мени?

¹² Сен тюгюлмюсен дагъы, бизин гери ургъан Аллагъым. Асгерлерибиз булан бирче чыкъма да чыкъмайсан, Аллагъым!

* 59:2 *Арам Нагъарайым* – Темиркъязыкъ-гюнбатышдагъы Эки оьзенни арасындагъы арамейлилер. *Арам Зобагъ* – Орта Шамны арасындагъы арамейлилер.

** 59:8 *Шегъем* – мунда Ёрдан оьзенни гюнбатышындагъы бары топуракъгъа шолай айтыла. *Суккот* – мунда Ёрдан оьзенни гюнтувундагъы топуракълагъа шолай айтыла.

*** 59:9 *Гилат* – Ёрданны гюнтувундагъы топуракъ. Шо топуракъны бир пайы Манассияны тухумунуки болгъан. Ёрдан оьзенни гюнбатышындагъы топуракъ Ефремни тухумунуки болгъан. Ёрдан оьзенни гюнбатышыны кыбласындагъы топуракъ Ягъуданы тухумунуки болгъан.

¹³ Душмангъа къаршы кѣмеклеш дагъы Сен бизге; гъеч пайда ѳкъдур инсанланы кѣмегинден.

¹⁴ Аллагъ булан къазанарбыз устыюлюкню биз. Йыгып къояр Ол душманларыбызны бизин.

60 ¹ *Хорну ѳлбашчысына. Къыллы согъув алат булан. Давутну йыры.*

² Эшит, Аллагъым, агъ урувумну, дуама да къулакъ ас мени!

³ Юрегим де мунгайып, дюньяны бир къырыйындан чакъырыв этемен Сагъа. Мен минип болмайгъан яргъа гѣтерип къой дагъы мени.

⁴ Неге тюгюл де, аркъатаявумсандыр Сен мени, душманларыма да къаршы къатты якълавумсандыр.

⁵ Даим яшап къалайым чы чатырынгда Сени, къоркъунчсуз туруп да къалайым чы къанатларынгны тюрюнде Сени.

⁶ Неге тюгюл де, эшитдинг Сен, Аллагъым, этген ваъдаларымны мени; Сенден къоркъагъанланы варислигин де бердинг магъа.

⁷ Пачаны гюнлерине гюнлер къошуп къой, наслудан наслугъа оъмюрюн де узакъ этип къой ону.

⁸ Даим де Аллагъны алдында токътап болсун дагъы ол. Зор сюювюнг де, аминлигинг де ону якъласын деп токъташдырып къой дагъы Сен.

⁹ Гъар гюн ваъдаларымны кюте туруп, гъар даим де Сени атынгны тутуп, йыр да айтарман мен.

61 ¹ *Хорну ѳлбашчысына. Едутунну макъамы гѳре. Давутну йыры.*

² Янгыз Аллагъымда рагъатлыкъ таба жаным мени, Ондандыр къутгъарылывум да мени.

³ Янгыз Олдур беклигим мени, къутгъарылывум мени, якълавчум мени; гъеч дагъы бююремесмен мен.

⁴ Къачан болгъунча басып туражакъсыз дагъы инсангъа сиз? Къынгыр токътагъан чырдай, бошагъан барудай авуп къалажакъсыз сиз, сиз барыгъыз да.

⁵ Шо инсан токътагъан бийикликден алып атма ойлашып турасыз сиз ону. Ялгъандан леззет алып турасыз, авзуларыгъыз булан разилик бересиз, юреклеригизден буса къаргъап юрююсюз сиз.

⁶ Янгыз Аллагымыда рагъатлыкъ тап жаным мени! Неге тюгюл де, янгыз Огъардыр умутум мени.

⁷ Янгыз Олдуз беклигим мени, къутгъарылывум мени, якълавчум мени; гъеч бюдюремесмен мен.

⁸ Аллагъадыр къутгъарылывум да, намусум да мени. Къаты беклигим де, аркъатаявум да Аллагъадыр.

⁹ Гъей халкъ! Умут этип туругъуз Огъар гъар заманда да, ачыгъыз Ону алдында юреклеригизни. Аркъатаявдуз Аллагъ бизге.

¹⁰ Адамлар янгыз бир тынышдыр, адамлагъа аркъатаямакъ да ялгъандыр. Мизанлагъа салса оланы, бошлукъдан да енгилдир олар бары да бирче.

¹¹ Умут этмегиз талавургъа, уру булан да хохаймагъыз. Байлыкъ артып тербейгенде, юрегигиз булан байланып да къалмагъыз шогъар.

¹²⁻¹³ Къудрат Аллагъа экенни, зор сююв, Раббим, Сенде экенни бир керен айтды Аллагъ, эки керен эшитдим мен де шону. Неге тюгюл де, этген амалына гёре бересен гъар кимге Сен.

62 ¹ *Давутну Ягъуда дангылында болгъан заманындагъы йыры.*
² Аллагымы! Сенсендир мени Аллагымы, Сенидир мен къасткъылып излейген. Сагъадыр гъасирет къалып турагъан жаным мени. Бош, къуругъан, сувсуз топуракъда йимик Сагъадыр бозарып къалып турагъан къаркъарам мени.

³ Къарап, Сыйлы ерингде къудратынгни да, макътавлугъунгну да гёрдюм мен Сени.

⁴ Яшавдан эсе зор сюювюнг яхшыдыр Сени. Шо саялы авзум алгъыш этип турар Сагъа.

⁵ Бютюн оьмюрюм макътав этип турарман Сагъа. Сени атынгни тутуп оьрге гётерермен къолларымны да.

⁶ Тойдагъы кёп тюрюлю ашдан йимик тоюп тура жаным мени. Сююнч аваз булан макътав этип тураман Сагъа.

⁷ Ятивумда Сени эсгерип тураман, гечелер булан Сени гъакъынгда ойлашып тураман мен.

⁸ Неге тюгюл де, кёмексендир Сен магъа, къанатларынгни салкъынында да сююнуп къаларман мен.

⁹ Сагъа илинип къалгъан жаным мени, онг къолунгдуз тутуп сакълайгъан да мени.

¹⁰ Жаныма оьлюм излеп айланагъанлар буса топуракъны тюбюндеги ахыратгъа тюшюп гетерлер.

¹¹Йыгып кьояр кылычны гючю булан оланы, тюкюлеге ем болуп кьалар олар.

¹²Пача буса шат болуп кьалар Аллагьгъа байлавлу, Ону булан ант этеген де макъталып кьалар. Неге тюгюл де, ябылып кьалар ялгъан сёйлейгенлени авзулары.

63 ¹*Хорну ёлбашчысына. Давутну йыры.*
²Эшит, Аллагьым, два этегендеги авазымны мени. Кьоркьунчлу душмандан сакъла мени.

³Кылыкьсызланы хыялларындан, яманлыкъ этегенлени питнесинден яшырып сакъла мени.

⁴⁻⁵Кылычдай итилешдирип токътагъанлар олар тиллерин. Айыпсызгъа яшыртгъынлап урма тартылгъан жаядай оланы аччы сёзлери. Олар хапарсыздан уралар огъар, кьоркьма да кьоркьмайлар.

⁶Оьзлени яман хыялында беклешип токътагъанлар олар. Торларын яшырма сёйлешип айланалар олар. Оьзлени ким гёре тура деп сёйлеп юрюйлер.

⁷Жинаятчы ишлени излеп айланалар, бир тизив тилбирчилик ойлашгъанбыз деп де айланалар. Инсанны юрегин де, гъакъылын да англама къыйын.

⁸Амма уруп йыгъар окъ булан Аллагь оланы: хапарсыздан яраланып кьалар олар.

⁹Оьзлени тиллери булан оьзлени йыгъар олар. Оланы гёрюп, устьюнден кюлей туруп, башларын чайкъайлар бары да.

¹⁰Кьоркьуп кьалар бары да инсанлар, билдирер Аллагьны ишин, ойлашып да къарар Ол этген затны гъакъында.

¹¹Муъмин буса Раббизден сююнюп кьалар, Огъар аркъатаяп турар. Тюз юрекдилер де макътав этип турар Огъар.

64 ¹*Хорну ёлбашчысына. Давутну макътав йыры.*
²Сеникидир, Аллагьым, Сиондагъы макътавлукъ; бизин ваьдабыз да Сагъа этилежек.

³Сен эшитесен дуаны, Сагъа багъып геле гъар-бир инсан да.

⁴Жинаятчы ишлерим менден гючлю болуп чыгъып тура; жинаятчы ишлерибизни буса тазалажакъ Сенсендир.

⁵Ибадатханангны абзарларында яшасын деп Сен танглагъан, Сен ювукъ этген насиплидир. Тоюп кьаларбыз уьюнгдеги, сыйлы ибадатханангдагъы яхшылыкъларынгдан Сени.

⁶Гъайран адилли ишлеринг булан жавапланасан бизге Сен, Аллагъым, Къутгъарывчубуз бизин, гъатта дюньяны бары да янларыны да, денгизлерде йыракъларда къалып турагъанланы да умуту!

⁷Къудраты булан тавланы орнатып къойгъан, Озьюню зорлугъун аян этип къойгъан.

⁸Денгизлени тавушун, шоланы толкъунларыны тавушун, халкъланы баш гётеривюн енгип болагъан!

⁹Арекдегилер къоркъуп къалар Сени гъайран ишлерингден. Дюньяны бир къырийындан бириси къырийына сююнчлюкню сеслерин гелтирип тура ишлеринг Сени.

¹⁰Топуракъны гъайын этесен Сен, сувсаплыгъын басдырып, аявсуздан бай этип къоясан шону. Аллагъны агъымында кёп сув бардыр. Инсанлагъа экмек бересен, неге тююл де шолай онгарып къойгъансан топуракъны Сен.

¹¹Сувдан тойдурасан топуракъны харшларын Сен, уллу гесеклерин тегишлейсен, янгур тамчылар булан йибитесен, оьсюмлюклерин берекетли этесен шону.

¹²Леззетли язынгны тамамлайсан Сен, ёлларынг да тюшюмлюдюр Сени.

¹³Дангылдагъы отлавлукълагъа багъып агъып тура, тёбелер де сююнчден толуп къалалар.

¹⁴Отлавлукълар туварлардан толуп къала, къолланы ашлыкъ басып къала. Къуванчлыкъдан бары зат да къычырып, йырлап тура.

65 ¹*Хорну ёлбашчысына. Макътав йыр.*
Аллагъны атын айтып, сююнч булан къычырыгъыз, бютюн ер юзю.

²Макътавлукъ этип йырлагъыз Ону атына. Макътавлу алгъыш да этигиз Огъар.

³Аллагъгъа булай деп айтыгъыз: «Не къоркъунчлусан дагъы Сен ишлерингде! Къудратынгни кёплюгюнден душманларынг къысылып къалар Сени.

⁴Бары дюнья сужда этип турар Сагъа, йырлап турар Сагъа, атынгни тутуп йыр да айтар Сагъа».

⁵Гелип йиберип, Аллагъ этген ишлерине, инсанланы ара-сында Ону къоркъунчлу этген ишлерине къарагъыз чы.

⁶Денгизни кѳуругъа айландырып кѳойду Ол. Аякъларыбыз булан юрюп чыккъдыкъ сувлардан. Сююнюп къалайыкъ чы Ону этген ишлеринден.

⁷Оъзюню зорлугъу булан гъакимлик этип тура Ол даим де. Ону гѳзлери халкълагъа тигилген гъалда, гѳтерилип йибермесин дагъы питнечилер.

⁸Аллагъыбызгъа макътав этигиз чи, гъей халкълар, алгъышыгъызны Ол эшитеген кюйню этигиз чи.

⁹Жаныбызны оълме кѳоймай сакълады Ол, аягъыбызны да къартыллама кѳоймады Ол.

¹⁰Сынап чыккъдынг бизин, Аллагъым; гюмюшню иритегендей иритдинг бизин.

¹¹Торгъа тюшюрдюнг Сен бизин, авур намус да салдынг Сен бизге.

¹²Душманларыбызны бизин таптап чыкъмагъа кѳойдунг Сен. Отгъа да гирдик, сувгъа да тюшдюк биз, Сен де эркинликге чыгъардынг бизин.

¹³Яллатьп кѳурбан этмек учун уъюнге гирермен Сени, ваъдаларымны этермен Сагъа.

¹⁴Къайгъы басгъан заманымда айтды авзум шо ваъдаланы, сѳйледи тилим де шоланы.

¹⁵Семиз-семизин яллатьп кѳурбан этермен Сагъа деп, кѳой кѳуйрукъну арив ийислерин де чыгъара туруп. Огъюзлени, эчкилени кѳурбан этермен мен.

¹⁶Гелигиз чи, тынглагъыз чы, гъей Аллагъдан кѳоркъагъанланы барысы да, мени учун Ол не этгенни билдирейим мен де сизге.

¹⁷Авзум булан чакъырыв этдим мен Огъар, тилим булан сѳйлеп алгъыш да этдим Огъар.

¹⁸Эгер де юрегимде гюнагъ сакълап тургъан бусам, эшитмес эди Раббим мени.

¹⁹Амма эшитди Аллагъ, кѳулакъ асды дуама мени.

²⁰Дуамны гери урмагъан, зор сюювюнден де мени уъзмеген Аллагъгъа макътав болсун дагъы.

66 ¹Хорну ёлбашчысына. Къыллы согъув алатлар булан. Макътав йыр.

²⁻³Аллагъым! Шабагъат эт бизге, рагъмулу да бол бизге. Бу дюньядагъы ёлунгну, бары да халкълардагъы къутгъарылывунгну

англап болсун учун, юзюнг булан ярыкъландырып къой дагъы бизин.

⁴ Макътав этип турсун дагъы адамлар Сагъа, Аллагъым; макътав этип турсун дагъы бары да адамлар Сагъа!

⁵ Шатланып, сююнюп къалсын дагъы халкълар! Неге тюгюл де, адилли кюйде дуван этесен Сен халкълагъа, шолай ёлбашчылыкъ этесен ер юзюндеги адамлагъа да.

⁶ Макътав этип турсун дагъы адамлар Сагъа, Аллагъым; макътав этип турсун дагъы бары да адамлар Сагъа!

⁷ Емишин берди топуракъ; шабагъат этди бизге Аллагъ, бизин Аллагъыбыз.

⁸ Шабагъат этип къойсун дагъы бизге Аллагъ. Дюньяны къырыларына ерли къоркъуп турсунлар дагъы Ондан.

67 ¹ *Хорну ёлбашчысына. Давутну макътав йыры.*

² Иш гёрме башласын дагъы Аллагъ, чачылып гетсин дагъы Ону душманлары да, Ондан къачып тербесин дагъы Ону гёрюп ярамайгъанлар да!

³ Тютюн яйылып гетегенде йимик, яйып къой дагъы оланы. Отдан балавуз ирип къалагъанда йимик, къылыкъсызлар да дагъылып къалсын дагъы Аллагъны алдында.

⁴ Муъминлер буса шатланып къалсын дагъы; къуванып къалсын дагъы Аллагъны алдында; сююне туруп, оър чыгып къалсын дагъы.

⁵ Йырлагъыз чы Аллагъыбызгъа, Ону атын тутуп йыр да айтыгъыз чы, оърге гётеригиз чи кёклерде юрюп айланагъанны. Раббидир Ону аты. Сююнюп де къалыгъыз Ону алдында.

⁶ Етимлени атасыдыр, тул къатынланы якълавчусудур Озьюню сыйлы еринде турагъан Аллагъ.

⁷ Янгызланы уйге гийирер Аллагъ, туснакъланы эркинликге чыгъарар Ол. Енгилмейгенлер буса къургъакъ топуракъда къалып къалар.

⁸ Аллагъым! Халкъынгны алды булан чыкъгъанда Сен, дангыл булан юрюгенде Сен,

⁹ Тербенип гете эди ер, кёклер де ирип йибере эди Синай тавда гёрюнген Аллагъны алдында, Исрайылны Аллагъыны алдында.

¹⁰ Аявсуздан янгур тёгюп турдунг Сен, Аллагъым, варислигингни дагънисиз къалгъан топурагъына; Озьюнг жанландырып да турдунг шону.

¹¹ Халкъынг яшап турду шонда Оьзюнгню яхшылыгъынгдан, Аллагъым; ярлыланы тарыкълы зат булан таьмин этип турдунг Сен.

¹² Раббим буйрукъ берген. Бу хабарны да обтесиз кѣп къатынлар билдирелер.

¹³⁻¹⁴ Душманланы асгерлерини пачалары къачып турдулар, къачып турдулар! Уйде олтуруп къалгъан къатынларыбыз буса давда тюшген затланы пайлавда ортакъчы болдулар. Гьатта уйде олтуруп къалгъанлар да къанатларына гюмюш сув, къувларына буса алтын сув берилген гѣгюрчюнлени сурастары йимик бай болуп къалар.

¹⁵ Бары да затны Еси болгъан Аллагъ бу дюньяда пачаланы яйып къойгъанлыгъы Селмон тавгъа бирден явгъан къаргъа ошап къалды.

¹⁶ Нечик зор тавдур Башан тав! Кѣп бийикликлери булангъы тавдур Башан тав!

¹⁷ Неге гюллей туруп къарагъансыз, гъей кѣп бийикликлери булангъы тавлар, Сион тавгъа? Бу тавда Аллагъ яшап турма сюер, мунда Раббибиз де даим яшап турар.

¹⁸ Аллагъны атарбалары санап битдирип болмасдай, минглер булан минглер бардыр. Раббибиз Синайдан сыйлы ерге багъып барар.

¹⁹ Оьрлюклеге гѣтерилип токътагъансан, есирлени Оьзюнг булан алып юрюгенсен Сен. Башлап къаршылыкъ билдирип тургъанланы арасындан да Раббибиз Аллагъны янында яшап болсун деп, инсанлар учун савгъатлар алдынг Сен. Инсанлардан, гъатта къаршылыкъ билдиргенлеринден де савгъатлар алдынг Сен. Раббибиз Аллагъ да шонда яшап турар.

²⁰ Макътавлар болсун Раббибизге! Гюнден-гюн югюбюзню алып юрюп тура Ол. Аллагъ Къутгъарывчубуздуз бизин.

²¹ Аллагъ бизин учун къутгъарывчу Аллагъдыр. Раббибиздир Ол, оьлюмден къутгъарагъан Раббибиздир.

²² Гертилей де, учуруп къояр Аллагъ душманларыны башларыны, жинаятчы ишлеринде тюзленмей къалгъан башларыны тюклю тѣбелерин.

²³⁻²⁴ Булай деп айтды Раббибиз: «Итлеринг тиллерин чомагъандай, сен душманларынгни къанына аягъынгни чомуп болсун деп, къайтарарман Башандан, чыгъарарман денгизни теренинден».

²⁵ Юрюшонгню гёрдюк Сени, Аллагъым, мени Аллагъымны юрюшюн, сыйлы ердеги мени пачамны.

²⁶ Алды булан йырлайгъан, арты булан согъув алатлары булангъы уланлар, ортасында буса накъыралары булангъы къызлар юрюй эдилер.

²⁷ Жыйынларда макътав этигиз Раббиз Аллагъга, Исрайылны наслусусуз сиз!

²⁸ Шонда оланы башына тюшюп гиччи Буньямин, сонг олар булан Ягъуданы бийлери де, Забулун бийлер де, Непталим бийлер де бардыр.

²⁹ Аллагъынг алданокъ гюч белгилеген сагъа. Шону алда йимик бизин учун этдинг, Аллагъ, Сен; зорлугъунгню гёрсет дагъы Сен.

³⁰ Ерусалимдеги ибадатхананг учун пачалар савгъатлар гелтирер Сагъа.

³¹ Къамушлукъда яшынып токътагъан къыр жанны*, бугъалардай зор халкъланы энгип къой чу Сен! Аякъ тюпге йыгъылып, гюмюш гелтирсин дагъы олар! Давлар сюеген халкъланы да чачып къой чу Сен!

³² Мисриден вакиллер гелер, Эфиопия да Аллагъга къолларын узатар.

³³ Гъей ер юзюндеги пачалыкълар! Йырлагъыз Аллагъга, инг аввалдан берли де бар болгъан кёклени кёгюнде юрюп турагъан Раббизни де атын тутуп йыр да айтыгъыз.

³⁴ Муна, зор гючлю авазы булан обкюрюп тура Ол.

³⁵ Аллагъны къудратына алгъыш этигиз! Ону зорлугъу Исрайылны устюндедир, Ону къудраты да булутларда гёрсетилип турадыр.

³⁶ Къоркъунчлусандыр Сен, Аллагъым, Обзюнгню сыйлы еринге. Исрайылны Аллагъы – Олдуру Обз халкъына гюч де, къаттылыкъ да береген. Макътавлар болсун дагъы Аллагъга!

68 ¹ *Хорну ёлбашчысына. Шошаним деген согъув алат булан. Давутну йыры.*

² Къутгъарып къой мени, Аллагъым, неге тюгюл де бойнума ерли етишип тура сувлар мени.

³ Батылып къалма тураман терен батмакълыкъда мен, эретурар ер де ёкъ. Сувланы теренине гирдим, шоланы агъымы алып гетип къалма тура мени.

* 67:31 Мунда «къыр жан» деп Мисриге (Египетге) айтылгъан.

⁴ Чакъырыв эте туруп, бошاپ тураман мен, тамагъым да къуруп тура мени. Аллагъымны къаравуллай туруп, гёзлерим де гьалсыз болуп тура мени.

⁵ Башымдагъы тюклеримден эсе, бир айыпсыз гёрюп ярамайгъанлар кёпдюр мени. Мени оьлтюрме къарайгъанланы кёбюсю бир себепсиз мени душманларым болуп токътадылар. Чыгъарып алмагъан затны къайтарма тарыкъман мен.

⁶ Аллагъым! Гъакъылсызлыгъымны билесен мени, гюнагъларым да гъеч яшырылмагъан Сенден.

⁷ Илыгъып къалмасын дагъы мен саялы Сагъа умут этегенлени барысы да, Раббим, къудратланы Аллагъы. Биябур болуп къалмасын дагъы мен саялы Сени ахтарагъанлар, Исрайылны Аллагъы.

⁸ Неге тюгюл де, Сен саялыдыр хорлавгъа тюшегеним де, бетим биябур болуп къалагъаны да.

⁹ Ят болуп битдим агъа-инилериме де, оьгей болуп къалдым анамны уланларына да мен.

¹⁰ Уьюнге бакъгъан якъдагъы гъасиретлик ялындай биширип къоя мени. Сагъа яман сёйлейгенлени яман сёзлери де магъа гелип тие.

¹¹ Ораза тутгъан гъалда кант этип тураман мен, шону учун да хорлукъгъа салалар мени.

¹² Опуракъны орнуна хапталаны салып юрюймен устюме — авзуна тюшюп къалгъанман оланы.

¹³ Башымны сёйлейлер очарда олтургъанлар да, йырларында йырайлар чагъыр ичип турагъанлар да*.

¹⁴ Мен буса дуам булан гелемен Сагъа багъып, Раббим. Бек тизив заман, Аллагъым; Оьзюндеги зор сююв булан, гъакъ герти къутгъарылывунг булан эшитип къой мени.

¹⁵ Батылып къалмасын учун, чыгъарып ал батмакълыкъдан мени; азат болуп къалайым дагъы мени гёрюп ярамайгъанлардан да, терен сувлардан да.

¹⁶ Алып гетип къалмасын дагъы сувланы агъымы мени, ютуп къоймасын дагъы сувну айланмасы мени, ютуп къоймасын дагъы къабур мени.

* 68:13 Гюнтувушда бырынгъы заманларда шагъарны къапуларыны къырыйындагъы майдан жамият яшавну марказы болгъан.

17 Эшит мени, Раббим, неге туююл де зор сюювдендир яхшылыкълар Сендеги. Сендеги уллу рагъму булан гёз къаратып да къой магъа.

18 Юзюнгню яшырма къулунгдан Сени; алгъаса жавап берме магъа, неге туююл де къайгъыгъа туююп тураман мен.

19 Ювукъ бол, азат эт дагъы мени. Душманларымдан къутгъар дагъы мени.

20 Хорлугъумну, илыгъымны, биябурлугъумну билесен Сен. Душманларым бары да Сени алдындадыр.

21 Хорлукъ дерт салып къойду юрегиме мени, мен де гъалсыз болуп къалдым. Языкъсынар деп къаравуллап турдум, амма ёкъ затдыр шо; гёнгюм алагъанлар болар деп къаравуллап турдум, амма гъеч табып чы болмай тураман.

22 Ашама оът бердилер магъа, сувсап болгъан заманымда да ханц ичирдилер магъа.

23 Алдындагъы къурулгъан тепсиси оьзлер тюшежек тору, оьзлер булан бирликдегилега тузакъ болуп къалсын дагъы.

24 Гёрюп болмайгъан кюйде къарангы болуп къалсын дагъы оланы гёзлери, бутларыны да къартыллайгъаны таймасын дагъы оланы.

25 Яман ачувунгну тёгюп къой дагъы олагъа, къазапланы-вунгну ялыны да къуршап алып къойсун дагъы оланы.

26 Бошалып къалсын дагъы оланы яшайгъан ери, чатырларында да гъеч яшайгъанлар къалмасын дагъы.

27 Неге туююл де, Сен йыкъгъанланы гъали де гъызарлап юрюйлер, Сен яра салгъанланы азаплары гъакъда да сюююп сёйлейлер.

28 Бу жинаятчылыгъына да жаваплы этип оланы, айыплылыгъын токъташдырып къой дагъы оланы.

29 Яшав китабындан ёкъ болуп къалсынлар дагъы олар, муьминлер булан да бирче язылмай къалсынлар дагъы олар.

30 Мен буса ярлылыкъгъа, къайгъыгъа тарып къалгъанман. Сени къутгъарылывунг сакъласын дагъы мени, Аллагъым.

31 Мен буса йыр булан макътав этип турарман Аллагъыма мени, шюкюрлюк булан оьрге гётерип турарман Ону.

32 Къурбан этилген оьгюзден эсе, мююзлери, туюкълары булангъы къурбан этилген бузавдан эсе, шогъар артыкъ рази къалар Раббибиз.

33 Зулмулангъанлар шону гёрюп, сюююп къалар. Жанланып йиберер юрегигиз де сизин, гъей Аллагъны ахтарагъанлар.

³⁴ Неге тюгюл де, пакъырлагъа къулакъ асар Раббибиз, Озьюню есир болгъан халкъын да тергевсюз къоймас Ол.

³⁵ Кёк де, ер де, денгизлер де, шолардагъы бары жанлы зат да макътап турсун дагъы Ону.

³⁶ Неге тюгюл де, къутгъарар Аллагъ Сионну, янгыдан къу-рар Ягъуданы шагъарларын. Ону къуллары шонда да ерлешип, ес болуп къалар шо топуракъгъа.

³⁷ Ону къулларыны наслусу да топуракъгъа варис болуп да токътар, Ону атын сюегенлер де ерлешип къалар шонда.

69 ¹ *Хорну ёлбашчысына. Давутну йыры. Эсге салмакъ учун.*
² Аллагъым, азат эт мени. Раббим! Алгъаса дагъы кё-мекге магъа.

³ Илыгъып, биябур болуп къалсынлар дагъы жаныма оьлюм-ню излеп айланагъанланы барысы да! Артгъа бурулуп къач-сынлар дагъы, мысгъылгъа тутулуп къалсынлар дагъы магъа яманлыкъ ёрайгъанлар!

⁴ Магъа: «Ериндеги болгъан огъар!» – дейгенлер оьзлени биябурлугъу саялы артгъа тартылма борчлу болсунлар дагъы.

⁵ Сенден сююнюп, шат болуп къалсынлар дагъы Сени из-лейгенлени барысы да. Бир токътавсуз: «Зор уллудур Алла-гъыбыз!» – деп айтып турсунлар дагъы къутгъарылывунгну сюегенлер де.

⁶ Мен буса ярлыман, пакъырман. Аллагъым, алгъаса дагъы магъа багъып! Кёмегимсендир, азат этивчюмсендир Сен мени! Раббим, асталатып къойма дагъы.

70 ¹ Сагъадыр, Раббим, аркъатаяйгъаным. Гъеч илыкъ-масман дагъы бир заманда да.

² Сендеги гертилик булан азат этип, эркин этип къой мени. Къулагъынгни ювукъ сал магъа, къутгъарма да къутгъар мени.

³ Мени якъламакъ учун, аркъатаяв болуп къал гъар заман магъа. Мени къутгъарма буйрукъ этип къой, неге тюгюл де ярымсандыр, беклигимсендир Сен мени.

⁴ Аллагъым! Кылыкъсызны къолундан, жинаятчыны, зулмучуну къолундан азат этип къой мени.

⁵ Неге тюгюл де, умутумсандыр, Раббибиз Аллагъ, жагъилден берли де аркъатаявумсандыр Сен мени.

⁶Анамны кърнындан берли де Сагъадыр аркъатаяйгъаным мени. Сен эдинг анамны кърсагъындан чыгъарып алгъан мени. Гъеч битмес дагъы Сагъа этеген макътавум мени.

⁷Кёплеге ажайыпгъа къалып тураман мен, амма Сенсендир къатты аркъатаявум мени.

⁸Авзум алгъышлардан толуп къалар мени; гъар гюн макътавлар этип турарман Сагъа.

⁹Къарт болгъанда гери уруп кьойма дагъы мени. Гючом кемиме башлагъанда кьоюп кьойма дагъы мени.

¹⁰Неге тюгюл де, душманларым магъа кършы сёйлеп туралар, жанымны яшыртгъынлап къаравуллап токътагъанлар да сёйлешип айланалар бири-бири булан.

¹¹«Аллагъ кьоюп кьойгъан ону. Гъызарлагъыз, тутугъуз ону, неге тюгюл де азат этеген ёкъдур ону», — деп сёйлейлер олар.

¹²Аллагъым! Ари чыгып къалма менден. Аллагъым! Алгъаса магъа кёмекге.

¹³Илыгъып, ёкъ болуп къалсынлар дагъы жаныма душман чыкыгъанлар. Илыкыгъа, кылыкысызлыкыгъа батып къалсынлар дагъы магъа яманлыкы излеп айланагъанлар!

¹⁴Мен буса гъар заман Сагъа умут этип, Сагъа этилеген макътавну артдырып турарман.

¹⁵Муъмин ишлерингни, гъар гюн къутгъарылывунгну да билдирип турар авзум мени, гъеч санавун да билмесем де мен шоланы.

¹⁶Гелип йиберип, Раббибиз Аллагъны зор ишлерин билдирермен мен. Сени муъмин ишлерингни, янгыз Сеникин билдирермен мен.

¹⁷Аллагъым! Жагъил заманымдан берли де мени уйретип тургъан Сенсендир, гъали болгъунча да гъайран ишлерингни билдирип тураман мен Сени.

¹⁸Гележек наслулагъа къудратынгни гъакында, энниден сонг болажакы бары да адамлагъа зорлугъунгну гъакында билдирмей туруп, къарт болгъунча да, акы гирип къалгъанча да кьоюп кьойма мени, Аллагъым.

¹⁹Кёклерден де бийикдир Сендеги муъминлик, Аллагъым. Зор уллу ишлер этдинг Сен. Аллагъым, Сагъа тенг гелип болардай ким бар экен дагъы?

²⁰Магъа багъып кёп, кьагърулу балагълар йиберип турдунг Сен, амма янгыдан гючомню гелтирип, топуракыны тюпсюз кьакъаларындан чыгъарып да турдунг Сен.

²¹ Мени оър этип де, гѣнгюмню алып да турарсан Сен.

²² Мен де Сагъа, Сени аминлигинге кыыллы алатны согъа туруп макътав этип турарман, Аллагъым мени. Къомуз согъа туруп алгъыш этип турарман Сагъа, Исрайылны сыйлы Аллагъы!

²³ Сагъа йырлайгъанда, сююнуп къала авзум да, Сен азат этген жаным да.

²⁴ Тилим де гъар гюн муъмин ишлерингни билдирип турар Сени, неге тюгюл де илыкъгъа, биябурлукъгъа тюшюп къалды магъа яманлыкъ излеп айланагъанлар.

71 ¹ Сулайманны гъакъындагъы йыр.

Аллагъым! Пачагъа адиллигингни, пачаны уланына да гертилигингни савгъат этип къой дагъы Сен.

² Инсанларынга адилли кюйде, пакъырларынга да тюз дуван этсин дагъы ол.

³ Тавлар парахатлыкъны, тѣбелер де гертиликни алып гелсин дагъы инсанлагъа.

⁴ Халкъны пакъырларын якъласын дагъы, языкъны уланын къутгъарсын дагъы, зулмучуну да таптап къойсун дагъы.

⁵ Гюнеш булан ай бар чакъы, наслудан наслугъа Сенден къоркъуп туражакълар.

⁶ Чалынган авлакъгъа явагъан янгурдай, топуракъны сугъарагъан тамчылардай тюшюп къалажакъ ол.

⁷ Пача бар гюнлерде муъмин яшнап къалажакъ, кѣкден ай тайып къалгъанча, дюньяда алай парахатлыкъ болуп туражакъ.

⁸ Денгизден денгизге ерли, Фират озенден ер юзюню кырыларына ерли гъакимлик этип турар ол.

⁹ Дангылларда яшайгъанлар ону алдында ерге къапланып ятып туражакълар, ону душманлары да чангны ялай къалажакълар.

¹⁰ Таришни де, атавланы да пачалары огъар ясакъ бережеклер. Шебаны да, Себаны да пачалары савгъатлар гелтирежеклер.

¹¹ Бары да пачалар ону алдында тизден чѣгежеклер, бары да халкълар огъар къуллукъ этежеклер.

¹² Неге тюгюл де, агъ урагъан пакъырланы да, озълени кѣмекчиси ѳкъ ярлыланы да азат этежек шо пача.

¹³ Пакъыргъа да, языкъгъа да рагъмулу болажакъ, языкъланы да оълумден къутгъаражакъ.

¹⁴ Оланы намартлыкъдан, зулмудан азат этежек. Ону гѣз алдында оланы жанлары да къыйматлы болуп токътажакъ.

¹⁵ Яшап кълсын дагъы ол! Шебаны алтынларындан берсинлер дагъы огъар. Токътавсуз дуа этип, гъар гюн шабагъатласынлар дагъы ону.

¹⁶ Топуракъда, тавну башында мол ашлыкъ болсун дагъы. Ливандагъы агъачлыкъдай елпилленип турсун дагъы шону емишлери, шагъарларында да топуракъдагъы отдай артып тербесин дагъы инсанлар.

¹⁷ Гъар даим де бар болуп турсун дагъы шо пачаны аты. Гюнеш бар чакъы айтылып да турсун дагъы ону аты. Шабагъат болуп кълсын дагъы ондан таба бары да халкълар, шо заман олар насиплидир деп айтар огъар.

¹⁸ Макътавлар болсун дагъы гъайранлыкъланы янгыз Оъзю этеген Раббибиз Аллагъга, Исрайылны Аллагъына!

¹⁹ Макътавлар болсун дагъы гъар даим де Ону макътавлу атына да. Ону макътавлугъундан толуп кълсын дагъы бютюн ер юзю де. Амин, амин.

²⁰ Тамамланды Ешайны уланы Давутну дуалары.



Уьчюнчю Китап

(72-нчи – 88-нчи йырлар)

72 ¹ Асафны йыры.
Не рагьмулудур дагьы Аллагь Исрайылгьа, юреги тазалагьа!

² Мен бусам – аз кьалды темтирей туруп аякьларым мени, аз кьалды тайгьалай туруп да какичлерим.

³ Неге тьююл де, кьылыкьсызланы леззет алагьанын гьрюп, гьакьылсызлагьа гюнчюлюк этдим мен.

⁴ Гьеч чегеген азабы ёкь оланы, кьаракьаралары да сав, гючлю оланы.

⁵ Обзге адамлар йимик азап чекмейлер олар, обзгеленики йимик кьыйынлыкьлары да ёкь оланы.

⁶ Шо саялы да обктемликни минчакьлардай тагьып, зулмуну да гийимдей гийип айланалар олар.

⁷ Семизлигинден гьэзлери аралып тура оланы, гьасиретликлерден де толгьан оланы юреклери.

⁸ Кюлеп юрюйлер олар, обктемлигинден жинаятчы хьяллар булан сьейлейлер олар, зулму булан кьоркьув берелер олар.

⁹ Авзуларын кьёкге багьып ачып туралар олар, тиллери де ерден сьюрелип тура оланы.

¹⁰ Мунагьана, шолай адамлагьа багьып сьейлей Аллагьны халкьы, оланы сьэзлерин де шып-шып толгьан пияласындагьы сувудай ичип тербей.

¹¹ «Не биле тура Аллагь? Аллагьу-Таала билип турмажакь», – деп сьейлеп юрюйлер олар.

¹² Муна, уллу леззетде шо кьылыкьсызлар бу дюньяда, байлыгьын да артдырып тербейлер олар.

¹³ Мен буса негьакь таза сакьлап сама турмадыммы экен юрегимни, негьакь жувуп сама турмадыммы экен айыпсыз кьолларымны да?

¹⁴ Неге тьююл де, сав гюн азап чегип, гьар эртен такьсыр гьрюп турдум мен.

¹⁵Амма мен де олар йимик ойлаша болгъан бусам, хыянатлыкъ этген болур эдим Сени халкъынга.

¹⁶⁻¹⁷Шону нечик англайым экен дагъы деп ойлаша эдим мен. Амма Аллагъны сыйлы ерине де гирип, шоланы ахыры нечик болажагъын билмей туруп, кыйын гөрюне эди шо затлар гёзюме.

¹⁸Гертилей де, тайгъакъ ёллагъа салып кьойгъансан, оylumге багъып тюшме борчлу да этип кьоясан Сен оланы.

¹⁹Нечик хапарсыздан дагъылып, ёкъ болуп, уллу балагъларда кырылып кьалды дагъы олар!

²⁰Инсан уянгъанда тюшлерин унутуп кьалагъаны йимик, Сен де, Раббим, гъазир унутуп кьаларсан оланы.

²¹Юрегим къайгъылы умутсуздукъ заманда, ичим къайнап турагъан заманда,

²²Билимсиз, англавсуз эдим мен, бир гъайван йимик эдим Сени алдында мен.

²³Амма Сени буланман мен гъар заманда да, онг кьолумдан тутгъансан мени де.

²⁴Маслагъатынг булан ёл гёрсетип турасан Сен магъа, сонг макътавлукъгъа чыгъарып да кьояжакъсан мени.

²⁵Ким бар Сенден къайры кёклерде магъа? Сени булан да бир зат да тарыкъ тюгюлдюр ер юзюнде магъа.

²⁶Гьалсыз болуп битип бара кьаркъарам да, юрегим де мени; Аллагъ юрегимни гючюдюр, гъар даимге де харлымандыр мен Огъар.

²⁷Муна оьзлени Сенден ари салагъанлар оylum туралар. Сагъа аминлигин тас этген гъар кимни де кырып турасан Сен.

²⁸Мени учун буса бир яхшы дагъы Аллагъгъа ювукълашып турма! Умутумну Раббимиз Аллагъгъа да тапшуруп, бары да ишлерингни билдирип турдум Сени.

73 ¹*Асафны уьйретивю.*

Неге гери уруп кьойдунг даимге Сен бизин, Аллагъым? Къазапланывунг къабунуп йибердими бизге – отлавлукъларындагъы кьойларынга Сени?

²Эжжелден берли сайлап алгъан халкъынгни, Оьзюнгню варислигинг болсун учун, къазанып алгъан халкъынгни эсге ал чы Сен. Оьзюнде Сен ерлешген Сион тавну эсге ал чы.

³Аякъларынгни юрют чю бютюнлей чёкген ерлеге багъып. Сыйлы ердеги бары затны бузуп токътагъан душман.

⁴Сыйлы ерингде устыюн болуп кычырып айланалар душманларынг Сени. Шонда устыюнлюкню белгиси гысапда оьзлени байракъларын кьагъып токътагъанлар олар.

⁵Агъачлыкъны кьалынлыгъында балта булан ёл салагъан адамдай гёрсете эдилер оьзлени.

⁶Шондагъы бары накъыш безендирилени айбалталар, генг балталар булан бузуп токътадылар олар.

⁷Яллатдылар сыйлы ерингни, мурдарладылар атынг кьоюлгъан уйню де.

⁸Оьзлер оьзлеге: «Бютюнлей тозуп кьоярбыз оланы», – деп де айтып, Аллагъгъа сужда этеген бары да ерлени яллатып кьойдулар олар.

⁹Муъжизатларыбызны гёрмей турабыз биз, пайхаммар да ёкъ гъали. Бу затлар къачан болгъунча юрюлюп туражагъын билеген адам да ёкъ бизин булан.

¹⁰Къачан болгъунча душман мысгъыллап турар дагъы, Аллагъым? Даим яманлап турармы экен дагъы душманынг Сени атынгны?

¹¹Неге тербетмей турасан кьолунгну, онг кьолунгну да кьолтукътюбюнге салып яшырып турасан?

¹²Аллагъым, дюньяда кьутгъарылыв этип турагъан инг аввалдан берлиги Пачам!

¹³Денгизни ярып кьойдунг кьудратынг булан Сен, Ливьятанны* башларын тюшюрюп кьойдунг Сен.

¹⁴Ливьятанны башларын чачыратып дангылдагъы адамлагъа ашама берип кьойдунг шону Сен.

¹⁵Булакъны, агъымны ачып кьойдунг Сен, гючлю оьзенлени де кьурутуп кьойдунг Сен.

¹⁶Сеникидир гюндюз, гече де Сеникидир. Сенсендир юлдузлар булан гюнешни де онгарып кьойгъан.

¹⁷Сенсендир ер юзюню кьырылларын токъташдырып берген, яз булан кьышны этген де Сенсендир.

¹⁸Эсинге гелтирип кьой чу: душман Раббизни мысгъыллап тура, гьакъылсыз адамлар да Сени атынгны яманлап тура.

¹⁹Гёгюрчюнюнгню жанын кьыр жангъа берип кьойма чы. Языкъланы жыйынларын гьар замангъа унутуп кьойма чы.

* 73:13 *Ливьятан* – денгиз аждагъа, Аллагъгъа кьаршы гючлени белгиси. Къара Аюб 40:20–41:26.

²⁰ Бизин булангъы разилешивюнге бир гёз къарат чы, неге тюгюл де зулмудан толуп къалды чы ер юзюню бары да тума къарангы ерлери.

²¹ Зулмулангъан биябур болуп къайтып къалмасын дагъы, пакъыр булан языкъ да макътавлукъ этип турсун дагъы атынга.

²² Гел чи, Аллагъым, Оьзюнгню ишингни якъла чы. Сав гюнлер булан гъакъылсызлар уьстюнгден кюлеп турагъанны эсингде сакълап тур чу!

²³ Душманларынгны кычырагъанын унутуп къойма дагъы. Сагъа къаршы баш гётерегенлени къавгъасы да токътавсуз гётерилип тура.

74 ¹ *Хорну ёлбашчысына. «Дагъытып къойма» деген макъамгъа гёре. Асафны макътав йыры.*

² Шюкюрлюк этебиз Сагъа, Аллагъым, шюкюрлюк этебиз, неге тюгюл де ювукъ атынг Сени, билдиребиз гъайранлыкъларынгны Сени.

³ «Заманын белгилеп битген сонг, тюз кюйде дуван этермен Мен.

⁴ Чайкъалып гете ер де, шонда яшайгъанланы барысы да: орта багъаналарын токъташдырарман шону Мен».

⁵⁻⁶ Макътанчыкълагъа: «Макътанмагъыз», кылыкъсызлагъа: «Оьктем болмагъыз, оьзюгюзню оьр тутмагъыз, оьктем де сёйлемегиз», – деймен.

⁷ Неге тюгюл де, гюнтувушдан да тюгюл, гюнбатышдан да тюгюл, дангылдан да тюгюл инсанны оьрге гётериливю.

⁸ Амма Аллагъдыр дуванчы: Олдур биревню тёбен салагъан, башгъасын буса оьрге гётерип къоягъан.

⁹ Ичинде ярашынгъан, гёбюк уруп турагъан чагъыры булангъы пияла бардыр Раббибизни кьолунда. Шо чагъырны тегер Ол, шо чагъырны гъатта бир тамчысын да къоймагъан кюйде ичме тюшер ер юзюндеги бары да кылыкъсызлагъа.

¹⁰ Мен бусам даим шону билдирип турарман, Якъубну Аллагъыны атын тутуп йыр да айтып турарман.

¹¹ Бары да гючюн сындырып къояр Ол кылыкъсызланы, оьрге гётерилип къалар муьминни гючю де.

75 ¹ *Хорну ёлбашчысына. Къыллы согъув алатлар булан. Асафны макътав йыры.*

² Белгилидир Ягъудеяда Аллагъ, зор уллудур Исрайылда Ону аты.

³Уью Салимде* эди Ону, турагъан ери де Сионда эди Ону.

⁴Шонда дагъытып къойду Ол жаяны окъларын, къалкъанны, къылычны ва урушувну.

⁵Сыйлы нюр тѣгюледир Сенден. Гъав этеген тавлардан таба нюрленип къалдынг Сен.

⁶Юреги къаттылар биревлеге тюшюм болуп, даимлик юхугъа батып токътадылар. Бары да асгерлер оъз къолларыны гючю къайда къалгъанын да билмей къалдылар.

⁷Сенден чыгъаргъан зор гючлю тавушдан атарбасы булан ат да къатып къалдылар, Якъубну Аллагы.

⁸Къоркъунчлусандыр Сен. Къзаплангъан заманында Сени алдында токътап болар ким бар экен дагъы?

⁹⁻¹⁰Ер юзюнде бары да зулмулангъанланы къутгъармакъ учун Аллагъ дуван этме тургъан заманда, кѣклерден таба дуванны гъакъында билдирдинг Сен; къоркъуп, пысып токътады ер юзю шо заман.

¹¹Къзаплангъанда янчып къоясан инсанланы Сен, сав къалгъанлагъа да къаршы савутлангъансан Сен!

¹²Раббигизге, сизин Аллагыгъызгъа ваъдаларыгъызны этигиз чи, шоланы кютме де кютюгюз чю. Къоркъунчлу болгъан Аллагны айланасында токътагъанланы барысы да савгъатлар гелтирип турсун дагъы Огъар.

¹³Бийлени ругун юваш этип къояр Ол, ер юзюндеги пачалагъа да къоркъунчлудур Ол.

76 ¹*Хорну ёлбашчысына. Едутунну макъамына гёре. Асафны йыры.*

²Сесим Аллагыгъа бакъгъан, мен де чакъырыв этермен. Сесим Аллагыгъа бакъгъан, Ол да эшитер мени.

³Къайгъылы гюнюмде Раббимни излеймен мен. Салланмайлы, гече узатылгъан кюйде тура къолум мени. Рагъатлыкъны гери ура жаным мени.

⁴Аллагны гъакъында ойлашагъанда, агъ уруп йиберемен мен; ойгъа тюшсем, гъалсыз болуп токътай ругум мени.

⁵Кирпик къакъма сама да къоймайсан Сен мени, янчылгъанман, сёйлеп де болмайман.

⁶Эжелги гюнлени, оьтген асруланы йыллары гъакъында ойлашып къарайман мен.

* 75:3 *Салим* – Ерусалимни бырынгы аты (къара Яратылыв 14:18).

⁷ Гечелер йырларымны эсге аламан, юрегим булан лакъыр къураман, ругъум да шу затланы гъис эте:

⁸ Даимге гери уруп къойдуму экен дагъы Раббиз, дагъы яхшы гёзден къарамасмы экен дагъы Ол?

⁹ Даимге битип къалдымы экен дагъы Ону зор сюювю, наслудан наслугъа къыркъылып да къалдымы экен дагъы Ону ваъдалары?

¹⁰ Рагъму этме унутуп къалдымы экен дагъы Аллагъ? Къазапланмакълыгъындан токътатып къойдуму экен дагъы бютюн языкъсынывун?

¹¹ Менде: «Аллагъу-Тааланы онг къолуну алышыммакълыгы – будур мени къайгъым», — деп айтдым.

¹² Эсге алып турарман Раббизни ишлерин, эсге алып турарман бырынгы гъайранлыкъларынгны Сени.

¹³ Тюшюнюп турарман бары да ишлеринге Сени, ойлашып турарман кёп уллу ишлерингни гъакъында Сени.

¹⁴ Аллагъым! Сыйлыдыр Сени ёлунг. Аллагъыбыз йимик ким Аллагъдыр шолай уллу!

¹⁵ Сенсендир гъайран ишлени этеген Аллагъ, Сенсендир халкъланы арасында Оьзюнгню къудратынгны гёрсетген!

¹⁶ Сенсендир къудратлы къолунг булан Оьз халкъынгны, Якъубну, Юсупну наслуларын азат этген.

¹⁷ Гёрдюлер Сени, Аллагъым, сувлар. Гёрдюлер Сени сувлар, хозгъалып йибердилер. Титиреп йибердилер тюпсюз къакълар.

¹⁸ Сувларын тегюп йибердилер булутлар, кёкюреп йибердилер къара булутлар, яшмын да яшнады.

¹⁹ Алатолпанда чалынып турду кёкюревюнгню авазы, дюньяны ярыкъландырып турду яшмынлар; тербенип, чайкъалып турду ер де.

²⁰ Денгизден табадыр ёлунг Сени, уллу сувлардадыр сокъмагъынг да, белгисиздир гъызларынг да Сени.

²¹ Мусадан, Гъарундан таба сиривню йимик алып юрюп турдунг халкъынгны Сен.

77 ¹Асафны уйретивю.

Тынгла, гъей халкъым, уйретивюме мени, къулакъ да асыгъыз авзумдан чыгъагъан сёзлериме.

² Масаллар айтайым авзум булан, эжелги сырланы да ачайым мен.

³⁻⁴ Гележекдеги наслугъа Раббибизни макътавлу ишлерин, Ону къудратын, Ол этген гъайранлыкъланы билдире туруп, эшитгенибизни, билгенибизни, аталарыбыз хабарлагъанланы оланы яшларындан яшырмайыкъчы.

⁵⁻⁶ Якъубну наслусуна буйрукъланы берген, Исрайылда Озьюню къанунун токъташдыргъан Олду. Гележекдеги наслу, туважакъ яшлар билсин деп, олар да оъз заманында оъзлени яшларына билдирсин деп, шону ата-бабаларыбызгъа наслуларына билдирмеге буюргъан Ол.

⁷ Шолайлыкъда Аллагъа умут этер, Ону ишлерин унутмас, Ону буйрукъларын сакълап турар олар.

⁸ Хырча, питнечи, юреклери токъташмагъан, ругъу булан Аллагъа амин болмагъан ата-бабаларына ошап къалмас олар.

⁹ Ябушувну гюнюнде артгъа багъып къачып токътадылар Ефремни савутлангъан, жаялар булан атышагъан уланлары.

¹⁰ Аллагъны разилешивюн кютмедилер олар, Ону къанунуна гёре юрюмекни де гери уруп токътадылар олар.

¹¹ Унутуп токътадылар Ону ишлерин, оъзлеге Ол гёрсетген гъайранлыкъланы да.

¹² Мисриде, Согъан деген топуракъда муъжизатлар этип къойду Ол оланы ата-бабаларыны гёз алдында.

¹³ Денгизни бёлуп йибери, шондан таба оыггерип къойду оланы, сувну да барудай эретургъузуп къойду Ол.

¹⁴ Гюндюзлер булут булан, гечелер буса отну ярыгъы булан юрютуп турду оланы.

¹⁵ Дангылдагъы ярны уруп эки ярып йибери Ол, терендеги сувлардан йимик ичме берип къойду олагъа.

¹⁶ Ярдан агъымлар акъдырып къойду, сувлар да оъзенлер йимик агъып тербеди.

¹⁷ Амма Ону алдында этеген гюнагъ ишлерин, дангылда Аллагъу-Таалагъа таби болмагъанын узатып турдулар олар.

¹⁸ Сюеген ашны талап эте туруп, юрегинден сынап турдулар олар Аллагъны.

¹⁹ Аллагъгъа къаршы сёйлеп де турдулар. «Дангылда аш гъазирлеп боламы экен дагъы Аллагъ?»

²⁰ Гертиден де, ташгъа багъып уруп йиберди Ол, агъып йиберди сувлар, ёл алып йиберди гиччи оъзенлер де. Амма

аш берип боламы экен дагъы Ол, халкъына эт гъазирлеп де боламы экен дагъы?» – деп де айтдылар.

²¹ Эшитди Раббибиз, къзапланып, ялындай болуп гетди Ол. Якъубгъа къабунуп гетди от, Исрайылгъа багъып тербенип гетди къзапланыв да.

²² Неге тюгюл де, иман салмадылар олар Аллагъгъа, аркъатаямадылар Ону къутгъарылывуна.

²³ Оьрден таба булутлагъа буйрукъ этди, кёкню эшиклерин де ачып берди Ол.

²⁴ Рызкъы гысапда маннаны* явдуруп къойду олагъа, кёклердеги экмекни де берди олагъа.

²⁵ Малайиклени эмегинден ашап турду инсан, тойгъунча рызкъы берди олагъа Ол.

²⁶ Кёкде гюнтувуш елни чыгъарды, къудраты булан къыбла елни де гелтирди Ол.

²⁷ Чанг йимик этни де, денгизни къайыры йимик, къанатлы къушланы да явдуруп къойду олагъа.

²⁸ Оьзлени къонушгъан еринде, яшавлукъ этеген ерлерини къырыйында дагъытып къойду оланы.

²⁹ Ашап, тазза тойдулар олар да, оьзлер сюеген затны да берди олагъа.

³⁰ Амма оланы къутургъаны, авзундагъы рызкъысы тайып да битмеген эди,

³¹ Аллагъны къзапланыву етишди олагъа, гючлюлерин оьлтюрдю оланы, дагъытды Исрайылны къуватларын да.

³² Шогъар да къарамайлы, узатып турду гюнагъ ишлерин олар, инанмадылар Ону гъайранлыкъларына да.

³³ Бир маънасыз оьтгерен гюнлерин, къоркъувда оьтгерен йылларын дагъытып къойду оланы.

³⁴ Оьзлени оьлтюрюп турагъанда, излеп турдулар олар Аллагъны, сёйледилер, къасткъылып гелдилер Огъар багъып.

³⁵ Аллагъ оьзлени яры, Аллагъу-Таала азат этивчюсю экенни эсге алып да турдулар.

³⁶ Авзу булан яревкелик этип сёйледилер, тили булан да ялгъан айтып турдулар Огъар.

³⁷ Юреги буса тюз тюгюл эди Ону алдында, олар да амин тюгюл эдилер Ону разилешивуне.

* 77:24 *Манна* – Мусаны башчылыгъы булан дангылда айланагъан исрайыллылагъа Аллагъ йиберген азыкъ, рызкъы.

³⁸ Амма рагъмулу Аллагъ гечип турду гюнагъны, кырып да турмады оланы. Къзапланывуну алдын алып турду кѣп керенлер, бары яман ачувун да гѣрсетип турмады Ол.

³⁹ Олар янгыз бир къаркъара, елни енгил уѣфюрюю экенни эсинде сакълап турду Ол.

⁴⁰ Нече керен къаршы чыгып турду дагъы дангылда Огъар, нече керен пашман этип турду дагъы олар инсан яшамайгъан ерде де Ону.

⁴¹ Къайтып сынап турдулар Аллагъны, мысгъыллап да турдулар Исрайылны сыйлы Аллагъын.

⁴²⁻⁴³ Къоллары оланы зулмудан азат этген гюню, Мисриде этген мужизатлары, Согъан деген топуракъда этген гъайранлыкълары Ону эсинде ёкъ эди.

⁴⁴ Обзлер ичип болмасын деп, оланы обзенлерин, оланы ташгъын сувларын къангъа айландырып къойду.

⁴⁵ Тиксин деп, олагъа увакъ жан-жаныварны, дагъытсын деп, олагъа бакъаланы йиберди.

⁴⁶ Топуракъдагъы обсюмлюклерин гѣбелек хуртгъа, оланы тюшюмюн де женгерткиге талатып къойду.

⁴⁷ Юзюмюне бурчакъ, инжирине де буз тѣгюп къойду.

⁴⁸ Гъайван-малына бурчакъ явдуруп, туварларына да яшмын яшнатып къойду.

⁴⁹ Къзапланывуну ялынын, къагъарланывун, зор уллу ачувун, балагъ, дагъытагъан малайиклени де йиберип къойду олагъа.

⁵⁰ Обзюню къзапланывуна толу ихтияр берип къойду, жанларын облюмден къутгъармады оланы, амма эпсиз яман аврув булан облтюрюп къойду оланы.

⁵¹ Мисридеги башлап тувгъан гъар-бир яшны да, Гъамны чатырларындагъы эргишилени белинден тувгъан башлапгъы яшларын да дагъытып къойду*.

⁵² Халкъын къойлардай алып юрюп турду, дангылдан сиривдей алып юрюп турду оланы.

⁵³ Гъеч бир къоркъунчсуз алып юрюп турду оланы, къоркъуп турмады олар да, душманларын буса денгиз ютуп къойду оланы.

⁵⁴ Обзюню сыйлы топурагъына, онг къолу булан алгъан бу тавгъа гелтирип къойду оланы.

* 77:51 Мисридилер Гъамны наслулары болгъан; къара Яратылыв.

⁵⁵ Къувалап чыгъарды шондан халкъланы, топурагъын пайлап берди варисликге олагъа, Исрайылны къавумларын ерлешдирди чатырларында оланы.

⁵⁶ Амма дагъы да сынап, къаршы чыкъдылар олар Аллагъу-Таалагъа, кютмедилер Ону буйрукъларын да.

⁵⁷ Аталары йимик, тюз ёлдан чыгъып, амин болмай турдулар, яравсуз окъдай онгайсыз гьалгъа салып да турдулар.

⁵⁸ Ялгъан аллагълагъа сужда этеген ерлери булан ачувландырып токътадылар, ялгъан аллагълары булан да гюнчюлюгюн уятып турдулар Ону.

⁵⁹ Эшитип, Аллагъ бек къазапланып алды, толу кюйде гери урду Исрайылны.

⁶⁰ Силомда яшавлукъ этеген ерин, озьюнде инсанланы арасында яшап турагъан чатырын гери урду Ол*.

⁶¹ Есирликге сыйлы сандыкъны**, душманны къолуна Озьюню къудратыны ва макътавлугъуну белгисин берип къойду Ол.

⁶² Оьз халкъына къазапланып алды, къылычгъа къаршы этип къойду оланы.

⁶³ Ялын ютду шоланы жагъил уланларын, той сарынлар айтылмады жагъил къызларына да.

⁶⁴ Къылыч йыгъып турду дин къуллукъчуларын шоланы, йылап турмадылар тул къалгъан къатынлары да шоланы.

⁶⁵ Амма юхудан айыкъгъандай, жагъ нартдай болуп къалды Раббибиз.

⁶⁶ Къувалап чангына бакъдырды душманларын, даимлик биябурлукъгъа чыгъарып да къойду оланы.

⁶⁷ Гери уруп къойду Юсупну наслуларын, Ефремни къавумларын да танглап турмады.

⁶⁸ Ягъуданы къавумун да, озьюн сююп къойгъан Сион тавун да буса сайлап къойду Ол.

⁶⁹ Кёкню йимик къурашдырып къойду Озьюню сыйлы ерин, ер юзюн йимик даимликге беклешдирип де къойду шону.

⁷⁰ Танглап алды Озьюню къулу болгъан Давутну, къойлар турагъан гюренлерден чыгъарып,

* 77:60 Шо заманларда чатыр Бет-Эладан темиркъазыкъгъа багъып 16 чакъырым ариде ерлешген Силомда болгъан.

** 77:61 Сандыкъны филистимлилер озьлеге ес этип алгъан болгъанлар.

⁷¹сиривден айырып алды ону. Якъубну – Оьзюню халкъын, Исрайылны – Оьзюню варислигин къойланы йимик сакъламакъ учун гелтирди Давутну.

⁷²Ол да гъакъ юрекден къойланы йимик сакълап турду оланы, бек гъакъыллы кюйде ёлбашчылыкъ да этип турду олагда.

78 ¹Асафны йыры.

Аллагъым! Ят халкълар гелип токътадылар Сени топурагъынга, хорладылар сыйлы ибадатханангны, Ерусалимни де чёкген гъалгда салып къойдулар.

²Къуллаарынгны сюеклерин кёклердеги къушлагда, халкъынгны къаркъараларын буса ердеги къыр жанлагда ашамлыкъгда берип къойдулар.

³Сувдай тёгюп къойдулар Ерусалимни айланасында оланы къанын, гъеч бирев де ёкъ эди оланы гёммеге де.

⁴Хоншуларыбызгда къюкюге къалып къалдыкъ биз, айланабыздагъылар учун да хорлавгда, биябурлукъгда тюшюп къалдыкъ биз.

⁵Къачан болгъунча токътавсуз къазапланып турарсан дагда, Раббим? Къачан болгъунча ялындай яллап турар дагда гюнчюлюгюнг Сени?

⁶Сени танымайгдан халкълагда, атынгны атын тутуп чакъырыв этмейген пачалыкълагда багъып тёгюп къой чу къазапланывунгду Сен.

⁷Неге тюгюл де, олардыр Якъубну наслусун къыргданлар, оланы яшайгдан топурагъын бошатып да къойгданлар.

⁸Ата-бабаларыбызны гюнагъларын эсге алма чы бизге Сен. Алгдаса чы бизге рагъмунгду гёрсетме, неге тюгюл де умутсуз гъалгда тюшюп турабыз биз.

⁹Атынгны макътавлугду учун кёмек эт чи бизге, Аллагъым, Къутгъарывчубуз бизин. Атынг учун азат этип, гюнагъларыбыздан да гечип къой чу бизин.

¹⁰Къачан болгъунча халкълар: «Къайдадыр оланы Аллагда?» – деп айтып турар экен? Гёз алдыбызда къуллаарынгны тёгюлген къаны учун халкълардан оьч аларсан Сен. Халкълар да билип къойсунлар дагда шо гъакда.

¹¹Есирни агъ урувун эшит чи, уллу къудратынг булан сакълап къой чу оьлюмге тарылажакъланы да Сен.

¹²Сени хорлагдан хорлавларын етти керен артдырып къайтарып къой чу айланадагда халкълагда, Раббим.

¹³ Биз бусакъ, Сени халкъынг, Сен гъайын этеген къойларынг, Сагъа даим шюкюрлюк этип, наслудан-наслугъа макътав этип турарбыз.

79 ¹ Хорну ёлбашчысына. «Шагъатлыкъны Лилиясы» деген макъамгъа гёре. Асафны йыры.

²⁻³ Сенсендир Исрайылны Къойчусу! Сенсендир Юсупну наслусун къойланыдай алып юрюйген! Къулакъ ас чы Сен. Сенсендир Гъерубимлени* уъстюнде олтургъан! Ефремни, Буньяминни, Манассияны наслуларына нюрленген гъалында чыгъып къал чы Сен. Къудратынгны гёрсет чи, бизин къутгъарма да гел чи Сен.

⁴ Аллагъым! Алдынгъы даражабызгъа чыгъарып къой чу бизин. Нюрлю юзюнг булан ярыкъландырып къой чу бизин, биз де къутгъарылып къалайыкъ дагъы!

⁵ Раббим, къудратланы Аллагъы! Къачан болгъунча къазапланып турар экенсен дагъы дуаларына халкъынгны?

⁶ Экмекнидей къайгъылар ашатдынг, аявсуздан гёзьяшлар да ичирдинг олагъа Сен.

⁷ Айланадагъы халкълар булан эришивлюкге салып къойдунг бизин, душманларыбыз да мысгъыллап туралар бизин.

⁸ Къудратланы Аллагъы! Алдынгъы даражабызгъа чыгъар чы бизин. Нюрлю юзюнг булан ярыкъландырып къой чу бизин, биз де къутгъарылып къалайыкъ дагъы!

⁹ Мисриден юзом борланы чыгъарып алып, къувалап йиберип халкъланы, орнатдынг шону Сен.

¹⁰ Тазалап ер онгардынг шогъар, беклешдирдинг тамурларынын шону, толтуруп къойду шо да топуракъны.

¹¹ Тавланы ябып къойду салкъыны шону, зор уллу къарагъайланы яшырып къойду борлалары да шону.

¹² Борлалары Орта денгизге ерли, бутакълары да Фират оьзенге ерли яйылып гетди шону.

¹³ Къырыйындан оьтюп барагъанланы барысы да юзюмюн юлкъуп турардай, неге бузуп къойдунг баруларын шону?

¹⁴ Агъачлыкъдагъы къабан тюбюн къазып тура шону, авлакъдагъы кыыр жанлар да ашап тура шону.

* 79:2-3 *Гъерубим* – малайиклени къанатлы гъайванланы келпетиндеги тайпасы.

¹⁵ Къудратланы Аллагы! Бакъ чы, кёкден таба къара чы, бу юзюм борланы гъайын эт чи!

¹⁶ Онг къолунг орнатгъан затны, Оьзюнг учун оьсдюрген гиччи юзюм борланы сакълап тур чу Сен.

¹⁷ Душманларыбызны ялыны гюйдюрген шону, къыркъылып къалгъан шо. Сени зор гючлю тавушунгдан дагъылып да къаларлар.

¹⁸ Онг янынгда токътагъанны, Оьзюнг учун оьсдюрген халкъны уьстюнде болсун дагъы якълавунг Сени.

¹⁹ Гъеч тайышмасбыз Сенден биз де. Жанландырып къой чу бизин, атынгны тутуп чакъырыв этип турарбыз биз де.

²⁰ Раббим, къудратланы Аллагы! Алдынгы даражабызгъа чыгъарып къой чу бизин. Нюрю юзюнг булан ярыкъландырып къой чу бизин, къутгъарылып къалайыкъ дагъы биз де!

80 ¹ *Хорну ёлбашчысына. «Гиттит» деген макъамгъа гёре. Асафны йыры.*

² Къудратыбыз болгъан Аллагъгъа шат кюйде йырлагъыз чы, Якъубну Аллагыны атын тутуп къычырыгъыз чы!

³ Алыгъыз чы макътав йырны, беригиз чи тепни, ачыкъ сесли къомуз булан аргъанны, къыллы алатны.

⁴ Ай* янгыргъан, ай толгъан байрамда, бизин байрамда согъугъуз чу зурнайны.

⁵ Неге тююл де, бу Исрайыл учунгъу буйрукъдур, Якъубну Аллагъындан гелеген къанундур.

⁶ Аллагъ Мисриге къаршы чыкъгъанда, исрайыллылагъа токъташдырды шону Ол. Магъа таныш тююл булай тавушну эшитдим мен:

⁷ «Инбашларыгъыздан авурлукъну тюшюрдюм Мен, къолларыгъызны да авур загъматдан азат этдим.

⁸ Балагъ гелгенде, атымны тутуп чакъырыв этдигиз сиз, Мен де азат этдим сизин. Кёк кёкюревню арасындан эшитдим сизин, Мерибаны булакълары бар ерде сынап да къарадым сизин.

⁹ Гъей Мени халкъым, тынгла чы мени буварывума. Исрайыл! Огъ, бир тынглагъан болгъай эдинг Магъа сен!

* 80:4 Ай янгырывну байрамы – исрайыллылар ай булан байлавлу рузнамасындан пайдалана болгъанлар. Ай янгырыв булан расланып гелеген гъар айны башы айрыча байрам бола болгъан.

¹⁰ Гъеч башгъа аллагъынг болмасын дагъы сени, ят аллагъ-гъа да сужда къылма дагъы сен.

¹¹ Менмендир Раббинг, сени Мисриден чыгъаргъан Аллагъынг. Ач чы авзунгну, Мен де ашатып къоярман сени тойгъунча».

¹² Амма тынгламай турду халкъым Магъа, Исрайыл да таби болмай турду Магъа.

¹³ Шо саялы да хырча юрекли гъалында къоюп къойдум Мен оланы. Оьзлени хыялары булан юрюп турсунлар дагъы.

¹⁴ Огъ, бир тынглагъан болгъай эди халкъым Магъа, Исрайыл да Мени ёлларым булан юрюген болгъай эди!

¹⁵ Тезликде ярашдырар эдим Мен оланы душманларын, къолумну да гётерер эдим олагъа къаршы чыкъгъанлагъа.

¹⁶ Раббизни гёрюп ярамайгъанлар ялынчлыкъ этип турар эдилер олагъа, даимге узатылып турар эди оланы жазасы да.

¹⁷ Амма инг тизив будайдан ашатар эдим олагъа, ярдан алынгъан балдан да тойдурар эдим Мен оланы.

81 ¹ Асафны йыры.

Кёклердеги малайиклени жыйынында да токътап, Аллагъ оланы арасында дуван этип сёйлей.

² Къачан болгъунча адилсиз дуван этип, къылыкъсызлагъа ян тартып къарап туражакъсыз сиз?

³ Ярлыны, етимни якълагъыз, зулмулангъангъа, пакъыргъа гёрсетигиз адилликни.

⁴ Азат этигиз ярлы булан пакъырны, къылыкъсызланы къолундан чыгъарып алыгъыз оланы.

⁵ Билмей, англамай туралар, къарангылыкъда юрюп айланалар олар; ер юзюню бары да кюрчюлери къартыллап тербей.

⁶ Мен: «Сиз аллагъларсыз, Аллагъу-Тааланы уланларысыз сиз барыгъыз да», — деп айтдым.

⁷ Амма инсанлар йимик олюп къалажакъсыз, гъар-бир гъаким йимик къырылып къалажакъсыз сиз.

⁸ Гел чи, Аллагъым, дуван эт чи ер юзюне, неге тюгюл де Сеникидир бары да халкълар.

82 ¹ Асафны макътав йыры.

² Аллагъым! Иннемей турма чы, пысып турма чы, бир зат да этмей турма чы, Аллагъым!

³ Неге тюгюл де, муна, къавгъалап тура душманларынг, баш гётергенлер Сени гёрюп ярамайгъанлар да.

⁴ Намарт хыял тутдулар халкъынга къаршы, Сен сакълап турагъанлагъа къаршы яшыртгъын сёйлешип де айланалар.

⁵ «Исрайылны аты дагъы бир де эсге алынмасын учун, барып йибери, къырып къояйкъ чы оланы халкъланы арасындан айырып», – деп айтдылар.

⁶ Бир болуп сёйлешдилер, Сагъа къаршы бирлешив де къурдулар:

⁷ Эдомну халкъы булан исмайыллылар, Моавну халкъы булан гъагъарлылар,

⁸ Гебалны, Аммонну, Амаликни халкълары, Тирде яшайгъанлар булан филистимлилер.

⁹ Ассириялылар да къошулгъан олагъа. Гюч болуп токътагъанлар Лутну наслуларына олар.

¹⁰ Мидиянлылагъа, Сисаргъа, Кишон деген озенни къырындагъы Ябинге этген затынгны этип къой чу олагъа.

¹¹ Эндорну къырындагъы къырылып къалды чы олар, полукъ болуп токътады чы топуракъгъа олар.

¹² Оланы ёлбашчыларына Ориб булан Зибге, оланы гъакимлерине де Зебей булан Салмангъа этгенлерингни этип къой чу.

¹³ «Елеп къояйкъ чы Аллагъны отлавлукъларын», – дей эдилер олар.

¹⁴ Аллагъым мени! Шайтан елни ичиндеги чанг, елни алдына тюшген салам болуп къалсынлар дагъы олар.

¹⁵ От агъачлыкъны яллатып къоягъанда йимик, ялын тавланы гюйдюрюп къоягъанда йимик,

¹⁶ Шолай къувалап къой чу алатолпанынг булан оланы, шолай абдыратып къой чу шайтан елинг булан оланы.

¹⁷ Раббим! Атынгны тутуп сёйлесин учун, биябурлукъдан толтуруп къой чу оланы.

¹⁸ Илыгъып, къоркъуп къалсынлар дагъы даимге, биябур болуп, къырылып да къалсынлар дагъы олар.

¹⁹ Рабби деген бир атынг болгъан Сен бютюк ер юзюню Аллагъу-Тааласы экенни де билип къалсынлар дагъы олар.

83 ¹ Хорну ёлбашчысына. «Гиттит» деген макъамгъа гёре. Корагъны уланларыны йыры.

² Огъ, не гёзелдир дагъы Сени турагъан ерлеринг, къудратланы Раббиси!

³Раббибизни ибадатханасыны абзарларына гьасирет къалып, гьалсыз болуп битди жаным мени. Юрегим де, къаркъарам да гьакъ Аллагьгъа багъып талпынып тура мени.

⁴Жымчыкъ да оьзюне турма ер таба, къурбанлыкъланы салагъан ерни къырыйында балаларын салмакъ учун, къарлыгъач да оьзюне уя таба, къудратланы Раббиси, Пачам, Аллагьым мени!

⁵Насиплидир Сени уьюнгде яшап турагъанлар. Токътавсуз макътав этип турар олар Сагъа.

⁶Насиплидир оьзюню гючю Сендеги, Сион тавгъа сапар чыкъма къасткъылагъан инсан.

⁷Ваягъ къолдан оьте туруп, булакъланы табалар олар. Янгур да берекет гелтирип къоя шо къолгъа.

⁸Къудрат топлай туруп юрюйлер олар. Сионда Аллагьны алдына гелип токътайлар олар.

⁹Раббим, къудратланы Аллагьы! Эшит чи дуамны, къулакъ ас чы, Якъубну Аллагьы!

¹⁰Аллагьым, Якълавчубуз! Танглангъанынга яхшы гьэден къара чы.

¹¹Неге тьогюл де, Сени абзарларынгдагъы бир гюн мингинден яхшыдыр. Къылыкъсызлыкъланы чатырында тургъанча, Аллагьны уьюню посагъа алдында эретуруп къалгъан да къолайдыр.

¹²Неге тьогюл де, гюнешдир, къалкъандыр Раббибиз Аллагь. Рагъму, гьюрмет берер Раббибиз, айыпсыз юрюйгенлени де ниъматларындан уьзмес Ол.

¹³Къудратланы Раббиси! Насиплидир Сагъа умут этеген инсан!

84 ¹*Хорну ёлбашчысына. Корагьны уланларыны йыры.*

²Раббим! Рагъму гьёрсетдинг Сен Оьз топурагъынга, сьургюндегилени къайтардынг Сен Якъубну наслусуна.

³Халкъынгни жинаятчылыкъларын гечдинг Сен, гюнагъларын да чайдынг оланы.

⁴Уллу ачувунгну тайдыдынг, зор къазапланывунгну да гери урдунг Сен.

⁵Алдагъы гьалыбызгъа салып къой чу, гьей къутгъарылы-вубузну Аллагьы, бизге ачувланагъанынгны да токътатып къой чу.

⁶ Даим кѳазапланып турармы экенсен дагъы бизге, кѳазапланывунгну да наслудан наслугъа узатып турармы экенсен дагъы?

⁷ Сенден сююнуп кѳалсын учун, янгыдан жанландырып кѳоймасмы экенсен дагъы халкѳынгни?

⁸ Зор сюювонгну гѳрсетип кѳой чу бизге, Раббим, кѳутгъарылывунгну да савгъат этип кѳой чу бизге.

⁹ Раббибиз Аллагъ не айтар экен деп тынгларман мен. Оѳюнѳ халкѳына, Оѳюнѳ иманлыларына парахатлыкѳны ваѳда этер Ол. Амма ойсузлукѳгъа тюшѳп кѳалмасын дагъы янгыдан олар.

¹⁰ Гертинден де, топурагъыбызда Ону макѳтавлугъу болуп турсун учун, ювукѳдадыр Оѳюнден кѳоркѳагъанлагъа Ону кѳутгъарылыву!

¹¹ Рагъму да, гъакъ гертилик де ѳлугъуп кѳаларлар; муъминлик де, парахатлыкѳ да ѳбюшерлер.

¹² Гъакъ гертилик топуракѳдан чыгъар, муъминлик де кѳклерден таба кѳарап турар.

¹³ Раббибиз де ниъматларын берер, топурагъыбыз да ѳз емишин берер.

¹⁴ Муъминлик Ону алды булан юрюр, аякѳларын да ѳлгъа салар.

85 ¹ *Давутну дуасы.*

Кѳулагъынгни салып тынгла чы мени Раббим, жавап бер магъа, неге тюгюл де ярлымандыр, пакѳырмандыр мен.

² Сакъла чы мени, неге тюгюл де амин турамандыр мен Сагъа. Сагъа умут этеген кѳулунгну кѳутгъарып кѳой чу, Аллагъым.

³ Рагъму эт чи магъа, Раббим, неге тюгюл де Сагъа чакъырыв этемендир гъар гюн мен.

⁴ Шат этип кѳой чу кѳулунгну жанын, неге тюгюл де Сагъадыр жаным булан талпынагъаным мен.

⁵ Неге тюгюл де, атынгны тутуп чакъырыв этегенлеге зор сюювон гѳрсетген де, оланы гечеген де, олагъа рагъмулу да Сенсендир, Раббим.

⁶ Эшит чи, Раббим, дуамны, ялбарыв тавушума да кѳулакъ ас чы Сен.

⁷ Къайгъылы гюнѳмде атынгны тутуп чакъырыв этемен мен, неге тюгюл де Сенсендир магъа жавап берген.

⁸ Аллагъланы арасында Сендейи ѳкѳдур, Раббим, Сени ишлерингдей ишлер де ѳкѳдур.

⁹ Сен яратгъан халкъланы барысы да гелип йиберип, алдында сужда этер, атынга да макътав этер.

¹⁰ Неге тюгюл де, Сенсендир зор болгъан да, гъайранлыкълар этеген де. Сенсендир, Аллагъым, бир болгъан Сенсендир.

¹¹ Ёлунга сал чы, Раббим, мени, мен де Сени гъакъ гертилинг булан юрюп турарман. Алдында къоркъув булан яшап турмакъ учун, бютюнлей Сагъа амин болгъан юрек берчи магъа.

¹² Гъакъ юректен алгъыш этип турарман Сагъа, Раббим, Аллагъым; атынга да макътав этип турарман даим.

¹³ Неге тюгюл де, бек уллудур магъа бакъгъан якъдагъы зор сюювюнг Сени. Сенсендир ахыратдан да азат этген мени.

¹⁴ Аллагъым! Магъа къаршы баш гётергенлер оьктемлер, оьлтюрме сююп айланалар питнечилени табуну да. Ойлашмайлар Сени гъакъында олар.

¹⁵ Амма Сен, Раббим, чомарт, рагъмулу, нече де къазапланма алгъасамайгъан, зор сююв гёрсетеген, амин турагъан Аллагъымсандыр.

¹⁶ Гёз къарат чы магъа, рагъму да этип къой чу магъа. Къулунга къудратынгдан берип къой чу, мени – къаравашынгны уланын да къутгъарып къой чу Сен.

¹⁷ Яхшы гёзден къарайгъанынгны белгисин берип къой чу магъа. Мени гёрюп ярамайгъанлар, шону гёрюп йиберип, илыгъып къалсынлар дагъы, неге тюгюл де Сенсендир, Раббим, магъа кёмек этген де, гёнгюмню алгъан да.

86 ¹ *Корагъны уланларыны макътав йыры.*

Сыйлы тавда Раббибизни шагъарыны кюрчюсю салынгъандыр.

² Исрайылны бары да ерлеринден артыкъ сюер Раббибиз Сионну къапуларын.

³ Макътавлу зат билдирилип тура сени гъакъында, Аллагъны шагъары!

⁴ Мисри* булан Бабилни гъакъында эгерип къоярман Мени таныйгъанлагъа. Муна, филистимлилер, Тир булан Эфиопия да: «Булай инсан тувду Сионда», – деп айтарлар.

* 86:4 *Мисри* – мунда ягъуди тилде «Рагъав» деген сёз къоллангъан. Рагъав – келпет къайдада айтылагъан аты.

⁵ Сионну гыакъында буса: «Булай, булай инсан тувду шонда, Аллагы-Таала Озью беклешдирип де кьойду шо шагъарны», – деп сэйлейлер.

⁶ «Булай инсан тувду шонда», – деп язар Раббиз халкъланы санавун юрютегенде.

⁷ Йырлайгъанлар да, бийийгенлер де булай айтарлар: «Сиондадыр бары да бизин шабагъатларыбызны булагы».

87 ¹ *Корагыны уланларыны макътав йыры. Хорну ёлбашчысына. «Магъалат леанот» деген макъамгъа гёре. Езралы Гьеманны уйретивю.*

² Раббим, къутгъарылывумну Аллагы! Гече де, гюн де агъуруп тураман алдында.

³ Дуам етишсин дагы Сагъа. Къулагъынгни къаплап тынглачы тилевюме мени.

⁴ Неге тюгюл де, балагълардан тойгъан жаным мени, яшавум да ахыратгъа ювукълашып токътагъан мени.

⁵⁻⁶ Къабургъа гире турагъанлар йимик болгъанман мен. Оьлгенлени арасына ташлангъан, оьлтюрюлюп табутда ятгъанлар йимик, бир гючсюз инсан болуп къалдым мен. Оланы эсге де алмайсан Сен, къолунг гери де ургъан оланы.

⁷ Ахыратны оруна, къарангылыкъгъа, тюбю гёрюнмейген къакъагъа салып кьойдунг Сен мени.

⁸ Уьстюмде юк болуп токътагъан къзапланывунг Сени, басып токътагъан шо къзапланывунгню толкъунлары да мени.

⁹ Къурдашларымны арекге салып кьойдунг Сен, менден жиргенеген этип кьойдунг оланы. Тутулгъанман, чыгып да болмайман мен.

¹⁰ Къайгъыдан гьалсыз болуп битген мени гёзюм. Сав гюн чакъырыв этип турдум Сагъа, Раббим. Къолларымны узатып турдум Сагъа багып.

¹¹ Оьлгенлер учун этерми экенсен дагы гъайранлыкъны Сен? Оьлгенлер туруп йиберип, макътав этерми экен дагы Сагъа?

¹² Неде табутну ичинде билдирилерми экен дагы зор сюювюнг Сени, дёнеген ерде де билдирилерми экен дагы гыакъ гертилинг Сени?

¹³ Къарангылыкъны ичинде тюшюнерми экен дагы гъайранлыкъларынга Сени, унутулуп къалагъан ерде де тюшюнерми экен дагы муьмин ишлеринге Сени?

¹⁴ Амма Сагъадыр, Раббим, чакъырыв этегеним мен, эртен танг буландыр дуам да алдын билдирилегени Сагъа.

¹⁵ Неге дагы, Раббим, гери уруп къоясан мени Сен, юзюнгню де яшырып токътайсан менден.

¹⁶ Жагъил заманымдан берли азап чегип тураман мен, оylumge де ювукъман, умутсуз гьалгъа тюшюп къалгъанман Сенден гелеген уллу къоркъувлардан да мен.

¹⁷ Зор ачувунг басып къойду мени, дагъылып къалгъанман Сенден гелеген уллу къоркъувлардан да мен.

¹⁸ Сувдай къуршап алалар душманларым гъар гюн мени: къапланып къалалар бары да бирче.

¹⁹ Къурдашларымдан да, танышларымдан да магърюм этип къойдунг Сен мени, къарангылыкъ да биргине-бир ёлдашымдыр мени.

88 ¹ *Езралы Етанны уъретивю.*

² Зор сюювюнгню даим йырлап турарман, Раббим. Наслудан наслугъа аминлигингни де билдирип турарман авзум булан.

³ Неге тюгюл де: «Гъеч алышынмас дагы зор сюювюнг, кёклердедир аминлигингни токъташдыргъанынг да Сен», – деп айтаман.

⁴ Шо заманда булай деп айтдын: «Танглагъаным Давут булан разилешив бегетдим Мен, булай деп ант эте эдим къулум болгъан огъар:

⁵ „Даимге беклешдирер мен наслунгну, наслудан наслугъа токъташдырарман тахынгни“».

⁶ Кёклер де макътав этип турар гъайран ишлеринге, сыйлыланы арасында аминлигинг де Сени, Раббим.

⁷ Неге тюгюл де, ким бола дагы кёклерде Раббибиз булан тенг болуп? Ким бола дагы Аллагъ яратгъанланы арасында Раббибизге ошап?

⁸ Къоркъунчлудур Аллагъ обтесиз кёп сыйлыланы жыйылгъан еринде, Озьюню айланасындагъылыр учун да къоркъунчлудур Ол.

⁹ Раббим, къудратланы Аллагъы! Сендей гючлю ким бар экен, Раббим? Аминлигинг де айланангдадыр Сени.

¹⁰ Бек ачувлу денгизге гъакимлик этесен Сен. Толкъунларын гётерегенде, шоланы энгип къоясан Сен.

¹¹ Даггытып кьойдунг Сен Рагъавну*, оьлю сюекдей ятып тура ол да. Къатты кьудратынг булан чачып кьойдунг душманларынгны да.

¹² Сеникидир кёклер, Сеникидир ер юзю де. Дюнъяны, шону ичиндеги бары да затны кьургъан Сенсендир.

¹³ Сенсендир темиркъязыкъ булан кыбланы яратгъан. Сени атынгдан сююнуп турадыр Табор тав булан Гьермон тав.

¹⁴ Къаттыдыр кьудратынг Сени, гючлюдюр кьолунг Сени, бийикдедир онг кьолунг Сени.

¹⁵ Муъминлик булан адилликдир тахынгны кюрчюсю. Зор сююв булан аминликдир алдынг булан юрьюген Сени.

¹⁶ Насиплидир сююнч булан Сагъа алгъыш этеген халкъ! Юзюнгден янагъан нюр булан юрюп турадыр олар, Раббим.

¹⁷ Атынгдан сююнуп турадыр гюнню узагъында, гертилигинге де макътав этип турадыр олар.

¹⁸ Неге тюгюл де, бизин гёзеллигиз де, зорлугъубуз да Сенсендир, Оьзюнгню яхшы янашывунг булан бизин уьстюню этеген де Сенсендир.

¹⁹ Сенсендир бизге якълавчуну танглагъан, Раббим. Сенсендир, Исрайылны Сыйлы Аллагъы, бизге пачабызны да берген.

²⁰ Бир заманларда бир гёрюнюшде Оьзюнгню халкъынга айта эдинг, булай деп де айтдынг: «Мен кьоччакъгъа кёмек этдим, халкъны арасындан сайлангъанын оьрге чыгъардым.

²¹ Кьулум болгъан Давутну тапдым Мен, сыйлы зайтун май да сюртуп, тангладым Мен ону.

²² Ону булан болуп турар кьолум Мени, кьудратым да беклешдирип турар ону.

²³ Душман оьр чыгъып болмас ондан, кылыкъсыз да гьеч тарчыкълыкъгъа салмас ону.

²⁴ Уруп саларман алдына душманларын ону, йыгъып кьоярман ону гёрюп ярамайгъанланы да.

²⁵ Аминлигим де, зор сюювом де ону буландыр, атым булан ону уьстюню этеген де Менмендир.

²⁶ Денгизге саларман кьолун ону, оьзенлеге саларман онг кьолун да ону.

²⁷ „Атам, Аллагъым, кьутгъарылывумну беклиги“, — деп чакъырыв этер ол Магъа.

* 88:11 *Рагъав* — яманлыкъны ва бузулувну гючлерин белгилейген денгиз аждагъа.

28 Мен де биринчи этермен, ер юзюндеги бары да пачалардан да оър саларман ону.

29 Даимге сакъларман огъар бакъгъан зор сюювюмню, ону булангъы разилешивюм де бек болар.

30 Даимге узатып турарман наслусун ону. Кёкню гюнлеридей даимге узатып турарман тахын да ону.

31 Эгер де къанунумну къююп къойса ону уланлары, уйретивюм булан юрюп де турмаса,

32 Эгер де насигъатларымны бузуп къойса, буйрукъларымны да сакъламай турса,

33 Гъакимлик этеген таягъымны тийдирермен жинаятчылыкъларына оланы, гюнагъларына багъып да урарман оланы.

34 Зор сюювюмню чю алмасман Давутдан, аминлигимни де гъеч алышдырмасман.

35 Бузмасман разилешивюмню, гъеч алышдырмасман авзумдан чыкъгъан затны да.

36 Сыйлылыгъым булан бир керен ант этдим Мен; ялгъан айтмасман дагъы Давутгъа.

37 Гъар заманда да болуп турар наслусу ону, гюнешдей алдымда турар ону тахы да.

38 Айдай, кёклерде амин турагъан шагъатдай даим де къатты турар».

39 Амма гъали гери урасан, гёрюп ярамайсан, къзапланасан Оъзюнг танглагъан пачанга.

40 Гери уруп къойдунг къулунг булангъы разилешивюмню, ерге тюшюрюп къойдунг тажын ону.

41 Бузуп къойдунг бары да баруларын ону, чёкген гьалгъа салып къойдунг бекликлерин де ону.

42 Талап туралар ону оътеген-барагъанланы барысы да. Кюлкюге къалып къалды хоншуларына ол.

43 Уъстюнлюкню берип къойдунг огъар къаршы чыкъгъанлагъа Сен, бары душманларын да къувандырып къойдунг Сен.

44 Артгъа буруп къойдунг къылычыны учун, ябушувда да беклешдирмединг ону.

45 Тизив гъалын чыгъарып алдынг, ерге тюшюрюп къойдунг тахын да ону.

46 Кысгъартып къойдунг жагъил йылларын, илыкъгъа чыгъарып да къойдунг ону.

⁴⁷ Къачан болгъунча токътасуз яшынып турарсан, Раббим?
Къачан болгъунча ялындай янып турар уллу ачувунг да?

⁴⁸ Эсге алып къой чу къысгъалыгъын мени оьмюрюмню. Не
къысгъа мюгълетге яратып къойгъансан дагъы Сен инсанланы?

⁴⁹ Кимдир инсанлардан, яшама да яшап, оьлюмню гёрмей
къалгъан, ахыратны гючюнден жанын къутгъарып болгъан да?

⁵⁰ Къайдадыр алдагъы зор сюювюнг, Раббим? Аминлигинг
булан ант этген эдинг чи Сен Давутгъа.

⁵¹ Эсге алып къой чу, Раббим, мысгъылангъан къуларынгны.
Кёп халкълардан яшырып, юрегиме салып айланаман шо
мысгъыллавланы мен.

⁵² Бир мысгъыллап тура дагъы душманларынг Сени, бир
иришхат этип тура дагъы Сен танглагъан пачангны гызлары.

⁵³ Гъар даим де макътавлар болсун дагъы Раббизге! Амин,
амин.



Дёртюнчю Китап

(89-нчи – 105-нчи йырлар)

89 ¹Аллагъны кѳулу болгъан Мусаны дуасы.
Раббим! Наслудан наслугъа аркъатаявубузсандыр Сен.

²Тавлар яралгъанча да алдын, Сен ер юзюн, аламны яратгъанча да, асрудан асругъа ерли де Аллагъсандыр Сен.

³Хумгъа дѣндюрюп къоясан Сен инсанны. «Къайтыгъыз, инсанлар!» – деп де айтасан.

⁴Неге тюгюл де, тюнегюнгю обтген гюн йимикдир минг йыл, гечеги бир сагъат йимикдир Сени гѣз алдында.

⁵⁻⁶Ташгъындай алып гетип къаласан Сен оланы. Олар бир тюш йимикдир, эртен обсюп, эртен чечекленип, яшылланып, ахшам буса тамурундан юлкѳунуп, къуруп къалагъан бир от йимикдир.

⁷Неге тюгюл де, ѳкъ болуп къала турабыз къзапланывунгдан биз, бек ачуванмакълыгъындан да эпсиз къоркъунч гьалгъа тюшюп къалып турабыз биз.

⁸Жинаятчылыкъларыбызны алдынга салып къойдунг Сен, сырлы гюнагъларыбыз да бетингни нюрюню алдында тура Сени.

⁹Сени къзапланывунг булан обтюп тура бары гюнлерибиз бизин. Агъ ура туруп тамамлайбыз оъмюрюбюзню де биз.

¹⁰Оъмюрюбюз етмишге чыгъа бизин, бираз къаттыланыки де – сексенге. Шоланы да инг тизив вакътиси загъмат булан аврувдур, неге тюгюл де нече де чалт гетип къала оъмюр, биз де турабыз учуп.

¹¹Амма Сени алдындагъы къоркъув Сендеги къзапланывну алдын алып токътар.

¹²Биз гъакъыллы юректе ес болсун учун, гюнлерибизни гысабын юрютме уйрет чи Сен бизин.

¹³Къайтып къал чы, Раббим! Къачан болгъанча булай турарсан дагъы? Языкъсын чы къуллерынга.

¹⁴ Бары гюнлерибизде биз сююнуп-къуванып болсун учун, тез тойдуруп къой чу зор сюювюнгден бизин.

¹⁵ Нечакъы бизин йыгып тургъан гюнлеринг учун, нечакъы балагълар гёрюп тургъан йылларыбыз учун, шончакъы шатландырып къой чу бизин.

¹⁶ Къулларынга ишлерингни, оланы наслуларына макътавлугъунгну да гёрсетип къой чу.

¹⁷ Яхшы гёзден къара чы, Раббиз Аллагъ, бизге. Къолларыбыз этеген ишни де беклешдирип къой чу, къолларыбыз этеген ишни беклешдирип къой чу.

90 ¹ Аллагъ-Таалагъа сыйынып яшайгъан, бары да затны Еси болгъан Аллагъны якълавуну тубюнде турагъан

² Раббизге: «Якълавум, беклигим мени, Озьюне умут этеген Аллагъым мени», – деп айтар.

³ Гъавчуну торундан да, олю ярадан да азат этер сени Ол.

⁴ Къанат тюклери булан яшырып къояр сени, къанатларыны тубюнде къоркъунчсузлукъда да боларсан сен. Къалкъандыр, барудур гъакъ гертилиги Ону.

⁵ Гъеч тартынмассан гечеги къоркъунчлукълардан, гюндюз учагъан окъдан,

⁶ Къарангылыкъда юрюп айланагъан ярадан, тюшде боппо-бош этип къоягъан югъагъан аврувдан.

⁷ Янынгда минглер булан, онг къолунг бар якъда да он минглер булан йыгылып къалдылар. Амма сагъа чы зарал этмес шолар.

⁸ Къылыкъсызлар такъсырланар, сен бусанг шону янгыз гёрюп турарсан.

⁹ Неге туюл де, Раббизни аркъатаявунг этип, Аллагъ-Тааланы якълавунг этип тангладынг сен.

¹⁰ Гъеч яманлыкъ болмас сагъа, балагъ да ювукълашмас уюнге.

¹¹ Неге туюл де, бары ёлларынгда сени къоруп сакълап турсун деп, малайиклерине буюруп турадыр Ол.

¹² Аягъынг булан ташгъа сюрюноп йыгылып къалмасын деп, къолларына алып юрюрлер сени олар.

¹³ Басарсан къара йылангъа да, арслангъа да; таптап чыгъарсан арслан баланы да, агъулу йыланны да.

¹⁴ Раббиз булай деп айтар: «Мени сююп къойгъаны учун азат этермен ону. Якъларман ону, неге туюл де мюкюрлюк этер ол атыма Мени.

¹⁵ Чакъырыв этер Магъа, Мен де жавап берермен огъар. Къайгъысында табыларман, къутгъарарман, гьюрметли де этермен ону.

¹⁶ Узакъ оьмюрден тойдуарман ону, къутгъарылывумну да гьрсетермен огъар».

91 ¹ Сонгугюн учунгъу макътав йыр.

² Уллу насипдир Раббибизге макътав этип, Сени атынгны тутуп йырлап турмакъ, гьей Аллагъу-Таала.

³ Эртенлер зор сюююнгни билдирип, гечелер буса аминлигингни билдирип турмакъ,

⁴ Он къыллы согъув алатны да, къомуз булан йыр айта туруп да.

⁵ Неге тьгюл де, Сенсендир яратгъан затларынг булан мени шатландырып къойгъан, Раббим. Сююнч булан йырлап тураман Сени ишлеринге къарап мен.

⁶ Не зордур Сени ишлеринг, Раббим! Не терендир ойлашгъан затларынг да Сени!

⁷ Англавсуз инсан билмес, авам да англап битмес шоланы.

⁸ Къылыкъсызлар яшыл от йимик гетерилип турса да, яманланы ишлери де алгъа юрюп турса да, ёкъ болуп къалар олар даимге.

⁹ Сен бусанг даим де оьрдесендир гъар затдан да, Раббим!

¹⁰ Неге тьгюл де, муна, душманларынг, Раббим, муна, душманларынг къырылып тура, жинаятчылыкъ этегенлени барысы да чачылып бите тура.

¹¹ Мени мююз къартыгъымны буса гамишни мююзюдей оьрге гетерип турасан Сен, магъа да тизив зайтун май сюртюлген.

¹² Гёзлерим де душманларыма тигилип тура, къулакъларым да магъа къаршы баш гетерген яманланы йыгъылывун эшитип тура.

¹³ Муъмин хурма терекдей чечекленип, Ливандагъы къарагъайдай оьрленип тура.

¹⁴ Раббибизни уьюнде де орнатылып, Аллагъыбызны абзарында чечекленип тура шолар.

¹⁵⁻¹⁶ Раббибиз адилли экенин билдирмек учун, къарт вакътисинде де емиш берип, сувлу, гъаман янгы гъалында тура шолар. Ярымдыр Ол, гьеч тюзсюзлюк де ёкъдур Онда.

92 ¹ Гьакимлик этип турадыр Раббибиз. Зорлукъ булан ясандырылгъандыр Ол. Зор гюч булан ясандырылып, зор гючге чырмалып къалгъандыр Раббибиз. Ер юзюню къаты экени, гъеч тербенмей къалажакълыгы да.

² Бырын заманлардан берли де токъташдырылгъандыр Сени тахынг. Сен де гъар даим де бар кююнде турасандыр.

³ Гётерип тура, Раббим, гётерип тура авазын агъымлар, гётерип тура толкъунларын агъымлар да.

⁴ Амма кёп сувланы къавгъасындан, зор денгиз толкъунлардан да зордур кёклердеги Раббибиз.

⁵ Буйрукъларынг шексиз кюйде гертидир. Гъар даимге сыйлыдыр Сени уюнг, Раббим.

93 ¹ Яманлыкъ саялы оьч алагъан Аллагъым, Раббим, яманлыкъ саялы оьч алагъан Аллагъым, гёрсетип къой чу Оьзюнгню!

² Гел чи, ер юзюню Дуванчысы, тийишли такъсырын бер чи оьктемлеге.

³ Къачан болгъунча, Раббим, къылыкъсызлар, къачан болгъунча оьр чыгып турар экен къылыкъсызлар?

⁴ Эдепсиз сёйлеп туралар олар, оьзлени оьр салып айланалар жинаятчылыкълар этегенлер.

⁵ Таптап юрюйлер, Раббим, халкъынгни; зулму да этелер варис болгъан адамларынга Сени.

⁶ Тул къалгъан къатынны да, гелгинчини де оьлтюрюп туралар, етимлени де ёкъ этип туралар.

⁷ «Гёрмежек Рабби, Якъубну Аллагъы да билмей къалажакъ», – деп де сёйлеп айланалар.

⁸ Эс табыгъыз чы, гъей англавсуз адамлар! Къачан гъакъылы болар экенсиз дагъы, авамлар?

⁹ Кзулакъны орнатгъан Оьзю эшитмесми дагъы? Гёзню яратгъан да Оьзю гёрмесми дагъы?

¹⁰ Халкъланы Оьзю такъсырлап турагъан, инсанны гъакъылгъа Оьзю уйретип турагъан бары затны аянгъа чыгъарып къоймасмы дагъы?

¹¹ Инсанны бары ойлашагъанлары бош затлар экенни биледир Раббибиз.

¹²⁻¹³ Насиплидир, Раббим, Сен оьзю тарбыялайгъан инсан. Насиплидир къылыкъсызгъа куюу къазылып къалгъынча,

балагъ гелген гюнлеринде рагъатлыкъ бермек учун, озюн къанунунг булан уйретеген инсан да!

¹⁴ Неге тюгюл де, гери урмас дагъы Раббибиз Озюню халкъын, къоюп да къоймас дагъы Озюню варис болгъан адамларын да.

¹⁵ Неге тюгюл де, адилликге къайтар дуван, тюз юреклилер де шону артына тюшер.

¹⁶ Мени янымны тутуп яманлагъа къаршы ким баш гетерип болар дагъы? Мени янымны тутуп жинаятчылыкъ этегенлеге къаршы ким баш гетерип болар дагъы?

¹⁷ Эгер де Раббим магъа кѳмекчи болмагъан эди буса, чувлукъну ерине тюшюп къалар эди жаным мени.

¹⁸ «Аякъларым къартыллап тура», – деп айтагъанда, Сени зор сюювюнг таяв болуп турду магъа, Раббим.

¹⁹ Юрегимде къайгъыларым артып тербеген сайын, маслагъатларынг къуванч гелтирип тура жаныма мени.

²⁰ Сени булан бир болурму дагъы адилсиз къанунлар чыгъарагъан къылыкъсыз гъакимлер?

²¹ Гюп болуп тербенелер муъминни къыйнамакъ учун олар, айыпсыз адамгъа да оълум гукму чыгъаралар олар.

²² Амма якълавумдур Раббим, аркъатаяв болгъан ярымдыр Аллагъым мени.

²³ Озлени къылыкъсызлыгъына тийишли къайтарышын этип къояр, озлдердеги яманлыкъ булан озлени къырып да къояр, къырып да къояр оланы Раббибиз Аллагъ.

94 ¹ Гелигиз чи, сююнч булан йырлайыкъ чы Раббибизге, атын тутуп къычырайыкъ чы къутгъарылывубузну Ярына!

² Шюкюрлюк этеген гъалда токътайыкъ чы Ону алдында, йырлар булан къычырайыкъ чы Огъар.

³ Неге тюгюл де, уллу Аллагъдыр Раббибиз, бары да аллагъланы устьюндеги уллу Пачадыр Ол.

⁴ Ону къолундадыр ер юзюню теренликлери, тавланы учурумлары да Онукидир.

⁵ Денгиз Онукидир, Олдур шону яратгъан да. Къуруну да къоллары булан Олдур болдургъан.

⁶ Гелигиз, сужда этейик чи, ерге къапланып ятайыкъ чы, тобукъдан тюшейик чи Раббибизни, Яратгъаныбызны алдында.

⁷ Неге тюгюл де, Олдур бизин Аллагъыбыз, биз де Ону халкъыбыздыр, Озью гъайын этеген къойларыбыздыр Ону. Огъ, эгер де гъали Ону авазына бир тынглагъан болгъай эдигиз сиз:

⁸ «Мерибада йимик, дангылдагъы Массада йимик*, оьчлю этмегиз чи юреклеригизни.

⁹ Шонда эди чи ата-бабаларыгъыз Мени сынайгъан, Мени тергейген, Мен этегенни гөрюп турса да.

¹⁰ Къыркъ йыл гъакитип турду Мени шо наслу, Мен де: „Олар даим Мени ёлумдан тайышалар, буйрукъларымны кютмейлер“, — деп айтдым.

¹¹ Шону учун, къазанланып йиберип: „Олар Мени рагъатлыгъымны ерине бир заманда да гирмеслер“, — деп ант этдим Мен».

95 ¹ Йырлагъыз чы Раббизге янгы йырны. Йырла чы Раббизге, бютюн ер юзю!

² Йырлагъыз чы Раббизге, макътав этигиз чи Ону атына, гюнден-гюнге Ону къутгъарылыву гъакъындагъы сююнч хабарны билдирип туругъуз чу!

³ Халкъланы арасында Ону макътавлугъун, бары да адамланы арасында да Ону гъайран ишлерин билдирип туругъуз чу!

⁴ Неге тюгюл де, зордур, макътавагъа лайыкълыдыр Раббиз, бары да аллагъардан да къоркъунчлудур Ол.

⁵ Неге тюгюл де, башгъа халкъланы бары да аллагъары ялгъан аллагъардыр, Раббиз буса кёклени яратгъандыр.

⁶ Макътавлукъ булан зорлукъ Ону алдындадыр, къудрат булан гёзеллик де Ону сыйлы ериндедир!

⁷ Раббизге алгъыш этигиз чи, бары да халкълар! Макътавлугъу да, къудраты да учун да алгъыш этигиз чи Огъар!

⁸ Озьюню макътавлу аты учун алгъыш этигиз чи Раббизге, савгъатлар элтигиз чи, ибадатханасыны абзарларына да юрюгюз чю Ону.

⁹ Озьюню эпсиз атив сыйлы ибадатханасында сужда этигиз чи Раббизге. Титиреп йибер чи Ону алдында, гъей бютюн ер юзю!

¹⁰ Халкълагъа булай деп айтыгъыз чы: «Гъакимлик этер Раббиз! Къаттыдыр, гъеч тербенмес дагъы дюнья. Тюз кюйде дуван этер халкълагъа Ол».

* 94:8 *Мериба ва Масса* — эки ерни атлары. Мисриден чыкъгъан Исрайылны халкъы шоларда Аллагъга таби болмагъан.

¹¹ Сююнүп кьалсын дагъы кёклер, кьуванып кьалсын дагъы ер де. Къавгъалап турсун дагъы денгиз де, шону ичиндеги бары зат да.

¹²⁻¹³ Сююнүп кьалсын дагъы авлакь, шондагъы бары зат да. Кьуванып кьалажакь Раббизни алдында агъачлыкьдагъы бары тереклер де. Неге тюгюл де, геле тура, ер юзюне дуван этме геле тура. Адилли кюйде дуван этер аламгъа, халкълагъа да гьакь гертилигине гёре дуван этер Ол.

96 ¹ Гьакимлик этедир Раббиз! Сююнүп кьалсын дагъы ер юзю, шат болуп кьалсынлар дагъы кёп санавдагъы атаварлар да.

² Булутлар булан кьарангылыкь бардыр Ону айланасында. Муьминлик булан адилликдир Ону тахыны кюрчюсю.

³ Айланасындагъы душманланы да гюйдюре туруп, ялын юрюй Ону алды булан.

⁴ Ону яшмынлары дюньяны шавлаландырып кьоя. Шону гёрюп, ер юзю титиреп йибере.

⁵ Тавлар балавуздай ирип кьала Раббизни, бютюн ер юзюню Есини алдында.

⁶ Кёклер Ону гьакьындагъы муьминликни билдирип тура, бары да халкълар да Ону макътавлугъун гёрюп тура.

⁷ Илыгъып кьалсынлар дагъы таш суратлагъа кьуллукь этегенлер де, ялгъан аллагълар булан макътанагъанлар да. Ону алдында сужда эте бары да ялгъан аллагълар.

⁸ Эшитип, сююнүп тура Сион. Сени дуванларынгдан шатланып тура Ягьудадагъы шагъарлар, Раббим.

⁹ Неге тюгюл де, бютюн ер юзюнден де оьрсендир, бары да аллагълардан да оьрге салынгъансандыр Сен, Раббим.

¹⁰ Яманлыкьны гёрюп ярамагъыз чы, гьей Раббизни сюегенлер! Оьзюню халкъларыны жанларын аяп сакълап турар, кьылыкьсызланы кьолундан да азат этер Ол.

¹¹ Муьминге ярыкь, тюз юрекклиге де шатлыкь шавла берип турар.

¹² Раббизден сююнүп туругъуз чу, муьминлер, Ону сыйлы атына макътав да этигиз чи.

97 ¹ Йыр. Йырагъыз чы Раббизге янгы йырны, неге тюгюл де Олдур гьайранлыкъланы этген. Оьзюдюр, Оьзюню

къуватыдыр, сыйлы къудратлы къолудур Огъар уъстюнлюк гелтирген.

²Гёрсетди Раббиз Оъзюню къутгъарылывун, ачыкъ этди халкълагъа да Оъзюню муъмин ишлерин.

³Эге алды Ол Оъзюню зор сюювюн, Исрайылны халкъына бакъгъан якъдагъы аминлигин де. Аллагъыбыз савгъат этген къутгъарылывну гёерер дюньяны дёрт де яны да.

⁴Раббизни атын тутуп къычыр чы, гъей бютюн ер юзю. Шат болугъуз чу, сююнч булан йырлагъыз чы Раббизге!

⁵Къомуз да согъуп йырлагъыз чы Раббизге. Къомуз согъа туруп, макътав йырны авазын да чыгъара туруп йырлагъыз чы.

⁶Зурнайланы, мююзню авазлары чыкъгъандокъ, шат болугъуз чу Пачабыз болгъан Раббизни алдында!

⁷Къавгъалап турсун дагъы денгиз де, шону ичиндеги бары зат да, дюнья да, шонда яшайгъан бары зат да!

⁸Харс уруп турсун дагъы оьзенлер, къуванып къалсын дагъы тавлар да

⁹Раббизни алдында, неге туюл де Олду ер юзюне дуван этежек. Олду дюньягъа адилли, халкълагъа да тюз дуван этежек.

98 ¹Гъакимлик этер Раббиз: титиреп турсун дагъы халкълар! Гъерубимлени* уъстюнде олтуруп турар Ол: тербенип йиберсин дагъы ер!

²Зордур Сиондагъы Раббиз, бары халкълардан оьр болуп къалгъандыр Ол.

³Зор, къоркъунч гелтиреген атынга макътав этилип турсун дагъы: сыйлыдыр Ол!

⁴Пача къудратлыдыр, адилликни де сюедир Ол. Тюз дуванны токъташдырдынг Сен. Исрайылда гертиликни де, адилликни де гёрсетдинг Сен.

⁵Артыкъ макътав этигиз чи Раббизге, Аллагъыбызгъа; тахыны алдында токътап сужда да этигиз чи Огъар: сыйлыдыр Ол!

⁶Муса булан Гъарун дин къуллукъчуланы арасында, Самуйыл да Раббизни атын тутуп чакъырыв этегенлени арасында болдулар. Раббизге чакъырыв этдилер олар, Ол да жавап берди олагъа.

* 98:1 *Гъерубим* – малайиклени къанатлы гъайванланы келпетиндеги тайпасын англата.

⁷ Булут багъананы ортасында да токътап сѣйлей эди Раббиз олар булан. Ону буйрукъларын, оъзлеге берген Къанунун сакълап тура эдилер олар.

⁸ Раббиз, Аллагъыбыз, жавап бердинг Сен олагъа. Этген ишлери саялы такъсырлап турсанг да, гечеген Аллагъ болуп турдунг Сен олагъа.

⁹ Артыкъ макътав этигиз чи Раббизге, Аллагъыбызгъа, Ону сыйлы тавунда да сужда этигиз чи. Неге туююл де, сыйлыдыр Раббиз, Аллагъыбыз бизин.

99 ¹ *Шюкюрлюк йыр.*

Раббизни атын тутуп кычыр чы, гъей бютюн ер юзю!

² Шатлыкъда сужда этигиз чи Раббизге, сююнюп къалыгъыз чы Ону алдында!

³ Раббиз Аллагъ экенни, бизин Ол яратгъанны, биз Онуки, Ону халкъы, Ону сиривюню къойлары экенни англап къююгъуз чу.

⁴ Ону къапуларына шюкюрлюк булан, Ону абзарларына алгъышлар булан гиригиз чи. Шюкюр этигиз чи Огъар, макътав этигиз чи Ону атына!

⁵ Неге туююл де, яхшыдыр Раббиз: гъар даимгедир Ону зор сюювю, наслудан наслугъа белгили болуп турар Ону аминлиги де.

100 ¹ *Давутну йыры.*

Сени зор сюювюнгню де, адиллигингни де гъакъында йырларман мен. Раббим, Сагъа йырларман мен.

² Айыпсыз ёлунда юрюп турарман мен. Яныма къачан гелерсен Сен? Оъз уъюмде тюз юрегим булан яшап турарман мен.

³ Ярамайгъан затны гъеч къоймасман мен гёз алдымда. Имансызланы ишин гёрюп ярамайман мен, гъеч ярашмайдыр магъа шолай иш.

⁴ Пасат юрекли арекде токътар менден, яманлыкъ булан гъеч ортакъ затым да болмас мени.

⁵ Ювугъуна яшыртгъын яла ябагъанны къуваларман мен. Оъктем къарайгъангъа да, уллу юреклиге де гъеч чыдамасман мен.

⁶ Оъзлер янымда турсун деп, гёзлерим шу уълкеде амин турагъанлагъа тикленген гъалда турар. Айыпсыз ёл булан юройген магъа къуллукъ этип турар.

⁷ Мени уьомде турмас намарт кюйде иш гёреген, ялгъан айтагъанны да гёз алдымдан тайдырарман мен.

⁸ Раббибизни шагъарындан жинаятчы ишлер этегенлени барысын да тамурундан ёкъ этмек учун, эртен танг булан къырып турарман къылыкъсызланы барысын да.

101 ¹ *Гёнгюлсюз де болуп, Раббибизни алдында дертин чечеген азап чекген адамны дуасы.*

² Раббим! Эшит чи дуамны, агъ урувум да етишсин дагъы Сагъа.

³ Бет ташлама чы магъа, къайгъылы гюнюмде тынгла чы магъа, атынгны тутуп чакъырыв этген гюн эшит чи мени.

⁴ Неге тюгюл де, тютюндей ёкъ болуп къалды оьмюрюм, кесевлердей гююп къалды сюеклерим де мени.

⁵ Юрегим сынып, къуругъан отдай гююп битди чи, гъатта ашымны ашама да унутуп къаламан мен.

⁶ Гючлю агъ урувларымдан сюегимден де, гёнюмден де къайры зат къалмады.

⁷ Дангылда къалгъан гюйгенекге ошап битдим чи, чёкген ерлердеги ябалакъдай болуп битдим чи.

⁸ Юхламайлы, къалкъыда кьонгъан къушдай токътагъанман мен.

⁹ Гъар гюн хорлап туралар душманларым мени, атымны да тутуп налатлап туралар уьстюмден кюлейгенлер де.

¹⁰⁻¹¹ Экмекни йимик ашайман кюлю мен. Къзаплангъанынгдандыр, ачувлангъанынгдандыр гёзьяшларымны къошуп ичегеним де. Неге тюгюл де, Сенсендир мени гётерип, бир янгъа атып йиберген.

¹² Тая турагъан гёлентки йимикдир оьмюрюм мени, отдай гююп битдим мен де.

¹³ Сен бусанг гъар даим де бар болуп турасан, Раббим; нас- лудан наслугъа эсгерип юрюп туралар Сени де.

¹⁴ Гелип йиберип, языкъсынарсан Сен Сионгъа, неге тюгюл де рагъмунгну гёрсетме заманы етишди шогъар, неге тюгюл де заманы етишди.

¹⁵ Неге тюгюл де, шону гъар ташын сююп къалды чы, шону кюлюн де аяп тура чы къуллерынг Сени.

¹⁶ Раббибизни атындан кьоркъуп турарлар халкълар, Сени макътавлугъунгдан кьоркъуп турарлар ер юзюндеги пачалар да.

¹⁷ Неге тюгюл де, янгыртып къуарар Раббибиз Сионну, макътавлугъу булан чыгъып да гелер Ол.

¹⁸ Эшитер языкълыкъгъа тышгенлени дуасын, гери урмас ялбарывлары да оланы.

¹⁹ Язылар жележек наслулагъа бу гъакъда, шолайлыкъда макътав этип турарлар Раббизге энниден сонг туважакълар да.

²⁰ Неге тыюл де, къарап токътагъан сыйлы бийиклигинден Ол, кёклерден къарап тура дюньягъа Раббиз.

²¹ Эшитер есирлени агъ урувун, азат этер оylumге тарылгъанланы да.

²²⁻²³ Раббизге къуллукъ этмек учун бирче халкълар, пачалыкълар жыйылгъанда, Сионда билдирерлер Раббизни атын, Ерусалимде макътав этерлер Огъар.

²⁴ Яшавлукъ ёлумда дагытып къойду Ол гючюмню мени, оmyюмню де къысгъартды Ол.

²⁵ Булай дедим мен: «Аллагъым! Omyюмню яртысында къыйып къойма дагы жанымны Сен. Наслудан наслугъа бар болуп турасан Сен».

²⁶ Ер юзюдюр инг башлап Сен къургъан, кёклени Oъз къолларынг булан яратгъан да Сенсендир.

²⁷ Ёкъ болуп къалар шолар, амма гъар даим де бар болуп турарсан Сен. Уъстюне гиеген абадай эгиленип къалар шолар. Опуракъ йимик алышдырарсан Сен шоланы – алышынып къалар шолар да.

²⁸ Амма тап шо кююнгдесендир Сен, оmyююнг де гъеч битмес дагы Сени.

²⁹ Яшап турарлар къулларынгдан тувгъанлар, алдында токътап турарлар оланы наслулары да.

102 ¹ *Давутну йыры.*

Макътав этип тур, жаным, Раббиме; макътав этип тур, бютюн ич санларым, Ону сыйлы атына.

² Макътав этип тур, жаным, Раббиме, Ону яхшы ишлерин де унутуп къойма.

³ Бары жинаятчы ишлерингден гечеген, бары аврувларынгны сав этеген де Олдур.

⁴ Къабурдан азат этип къояр сени; зор сюювю, рагъмусу булан оър даражагъа чыгъарып къояр сени.

⁵ Яшавунгню яхшылыкълардан толтуруп къояр, шо саялы да жагъыл кюйде, къаракъушдай гючлю кюйде къалып къаламан мен.

⁶ Раббиздир бары хатири къалгъанлагъа тызлюкню болдурагъан да, адиллик этеген де.

⁷ Олдур Мусагъа Оъз ёлларын, Исрайылны халкъына да Оъз ишлерин гёрсетген.

⁸ Чомартдыр, рагъмулудур, нече де чыдамлыдыр, зор сюювден толгъандыр Раббибиз.

⁹ Ахыргъа ерли къзапланып турмас, даим де айыплап турмас Ол.

¹⁰ Этген жинаятчы ишлерибизге гёре болуп турмады бизге, гюнагъларыбызгъа гёре де къайтарышын этип турмады бизге Ол.

¹¹ Неге тюгюл де, ер юзюнден кёк нечик бийик буса, шолай уллудур Оъзюнден къоркъагъанлар учун Раббибизни зор сюювю де.

¹² Гюнбатышдан гюнтувуш нечик арек буса, шолай ариге салгъандыр жинаятчы ишлерибизни бизден Ол.

¹³ Атасы уланларына нечик рагъму эте буса, шолай рагъму этедир Раббибиз Оъзюнден къоркъагъанлагъа.

¹⁴ Неге тюгюл де, биледир ким экенибизни, биз бир чанг экенибизни Ол.

¹⁵ Къуругъан от йимикдир инсан да, ону объмюрю де, авлакъ чечек йимик сёнюп къалар ол.

¹⁶ Ел чыгып гетер шо чечекни уъстюнден, болмагъандай болуп къалар шо да; шо чечек болгъан ер де танымай къалыр шону оъзю.

¹⁷ Оъзюнден къоркъагъанлар учун гъар даимгедир Раббибизни зор сюювю. Ону муъминлиги де оланы авлетлерини авлетлери учундур.

¹⁸ Раббибиз булангъы разилешивге амин турар, кютмек учун унутмай турар Ону къанунларын олар.

¹⁹ Кёклердедир Раббибиз Оъзюню тахын салгъаны, Олдур бары да затланы уъстюнде гъакимлик этип турагъан да.

²⁰ Гъей Раббибизни гючлю болгъан малайиклери, макътав этип туругъуз чу Огъар. Раббибизни сёзюне де тынглап, Ону айтгъанын этеген сизсиздир.

²¹ Гъей Раббибизни кёклердеги бары да асгерлери, Оъзюню айтгъанын этеген Ону къуллукъчулары, макътав этип туругъуз чу Огъар.

²² Гъей Раббибизни бары да яратгъаны, Оъзю гъакимлик этеген бары да ерде макътав этип туругъуз чу Огъар. Макътав этип тур чу, жаным, Раббиме!

103 ¹ Макътав этип тур чу, жаным, Раббиме! Раббим!
Аллагъым! Гъайран кюйде зорсандыр Сен; макъ-
тавлукъ, зорлукъ булан ясандырылгъансандыр Сен.

² Нюрню аба йимик гийип къоясан уъстюнге, кёклени де
чатыр йимик яйып къоясан Сен.

³ Дерияланы уъстюнде тургъузуп къоясан кёкдеги
къалаларынгны, атарбанг этип къоясан булутланы, елни
къанатларына минип де айланып турасан Сен.

⁴ Еллени Оьзюнгню чавушларынг, янып турагъан отланы
да къуллукъчуларынг этип къоясан Сен.

⁵ Къатты кюрчюлерде орнатдынг ер юзюн Сен: бир заманда
да гъеч тербенмес дагъы шо.

⁶ Терен сувланы гийимдей этип ябып къойдунг ер юзюн
Сен, тавларда да сувлар токътап тура.

⁷ Сени зор гючлю тавушунгдан, къачып таялар шолар, кёк
кёкюрев тавушунгдан тез гетип токътайлар.

⁸ Тавлагъа гётерилелер, къоллагъа, оьзлеге Сен токъташ-
дыргъан ерге тюшелер сувлар.

⁹ Оьзюнден чыкъмас дазуну салып бердинг Сен, гъеч къайт-
мас дагъы ер юзюн япмакъ учун шолар*.

¹⁰ Сенсендир къоллагъа сувланы бакъдыргъан, тав аралардан
агъып туралар шолар да.

¹¹ Авлакъдагъы бары къыр жанлар ичип тоюп туралар, къыр
эшеклер де сувсабын басылтып туралар.

¹² Шо сувлар бар ердедир кёклердеги къушланы турагъаны,
бутакъ аралардандыр авазлар чыгъарагъаны да оланы.

¹³ Сенсендир кёкден таба тавланы сувдан тойдурагъан, то-
пуракъны да тоюндуруп, тюшюмлю этеген.

¹⁴ Сенсендир гъайванлар учун отну оьсдюреген. Сенсендир
топуракъдан рызкъы болдурмакъ учун ону пайдасына оьсюм-
люклени оьсдюреген де.

¹⁵ Сенсендир инсанны юрегин шат этмек учун чагъырны
болдуртагъан. Сенсендир инсанны бети нюрлю болсун деп
зайтун майны болдуртагъан. Сенсендир инсанны юрегин
беклешдиреген ашны болдуртагъан да.

¹⁶ Тоюнуп туралар Раббибизни тереклери, Ол орнатгъан
ливан къарагъайлар да.

* 103:9 6-нчы аятдан башлап 9-нчу аятгъа ерли бютюн дюньяны сув
алыву гъакъында айтыла (къара Яратылыв 6-8).

¹⁷ Шолагъадыр къушланы къонагъаны. Наратлардыр лакълакъкъушгъа турма ер.

¹⁸ Бийик тавлардыр къыр эчкилени турагъан ери, таш къаялардыр даманланы* яшынып гиреген ери.

¹⁹ Олтур заманланы гёрсетмек учун айны яратгъан, гюнеш де биледир оъзюню артагъан заманын.

²⁰ Сенсендир къарангылыкъны болдурагъан — гече болуп къаладыр. Шо вакътидедир агъачлыкъдагъы бары къыр жанланы чыгып айланагъаны.

²¹ Аш излей туруп, къычырып айланар арсланлар, Аллагъ йибереген рызкъыны излер оъзлеге олар.

²² Гюн чыкъгъандокъ, жыйылып йиберип, ятып къалар уяларында олар.

²³ Ишлерине чыгъар инсан, загъмат тегюп турар ахшам болгъунча ол.

²⁴ Огъ, нече де кепдюор дагъы Сени ишлеринг, Раббим! Гъакъыллы кюйде этгенсен бары затны Сен. Ер юзю толгъан Сен яратгъан затлардан.

²⁵ Денгиздир шо — зор ва эркин, санаву да белгисиз жан-жанывардан, уллу ва увакъ балыкълардан толгъан шо.

²⁶ Гемелер юзе шонда, оъзюнде ойнамакъ учун яратгъан денгиз аждагъа да бар шонда**.

²⁷ Оъзлеге заманында Сен рызкъысын берсин деп, бары да Сени къаравуллап токътагъанлар.

²⁸ Берсенг — къабул этелер олар, къолларынгны ачсанг — тоюп къалалар ниъматларынгдан Сени.

²⁹ Юзюнгню яшырсанг — талчыкъгъа тюшюп къалалар, тынышын чыгъарып алсанг — оълюп, къайтып чанггъа айланып къалалар.

³⁰ Ругъунгну берсенг — яратылып къалалар, ер юзюн янгыртып къоясан Сен де.

³¹ Гъар даим де макътавлар болсун дагъы Раббизге! Къуванып къалсын дагъы Оъзюню ишлеринден Раббизге!

³² Бир къарап къойса ер юзюне багып — къартыллап йибере шо, тавлагъа тийип йиберсе де — тютюн чыгып гете шолардан.

* 103:18 *Даманлар* — къоянны оълчевюндеги, тышдан къарагъанда чычкъан тайпагъа ошашлы гелеген жанлар.

** 103:26 Къара Аюб 40:20 — 41:26.

³³ Бютюн оьмюрюм йырлап турарман Раббиме, сав чакъы Аллагъны атын тутуп йыр да айтарман.

³⁴ Рази этсин дагъы йырым Ону. Шатланып турарман Раббимден мен.

³⁵ Ёкъ болуп къалсынлар дагъы ер юзюнден гюнагълылар, къылыкъсызлар да болмай къалсынлар дагъы бир де.

Макътав эт дагъы, жаным, Раббиме! Макътав эт чи Раббиме!

104 ¹ Шюкюр этигиз чи Раббибизге, Ону атын тутуп чакъырыв этигиз чи. Халкъланы арасында билдирип юрюгюз чю Ону ишлерин.

² Йырлагъыз чы Огъар, Ону атын тутуп йыр да айтыгъыз чы. Айтып юрюгюз чю бары да Ону гъайран ишлерини гъакъында.

³ Макътаныгъыз чы Ону сыйлы аты булан. Шат болуп къалсын дагъы Раббибизни излейгенлени юреклери.

⁴ Излегиз чи Раббибизни, Ону къудратын да. Излегиз чи Ону гъар заман да.

⁵⁻⁶ Гъей сиз, Раббибизни къулу болгъан Ибрагъимни авлетлери, Якъубну наслусу, Раббибизни танглагъанлары! Эсге алып туругъуз чу Раббибиз этген гъайран ишлени, Ону муъжизатларын, Ол айтып этген дуванланы да.

⁷ Рабби Аллагъыбыздыр Ол бизин, бютюн ер юзюндедир Ону дуванлары.

⁸⁻⁹ Даим эсинде сакълап турар Ол Оьзюню разилешивюн де, минглер булангъы наслулагъа буваргъан ва Ибрагъимге васият этген сёзюм де, Исакъгъа этген антын да.

¹⁰⁻¹¹ «Гъанан топурагъын сагъа наслуларынг учун мюлк этип беремен», – деп де айта туруп, Якъубгъа къанун булан, Исрайылгъа даимлик разилешив булан белгиледи шону*.

¹² Шо заман аз эди оланы санаву, кёп аз эди, олар гелгинчилер де дюр эди шонда**.

¹³ Гёчюп юрюй эдилер бир халкъдан башгъа халкъгъа, бир пачалыкъдан башгъа пачалыкъгъа багъып.

¹⁴ Гъеч биревге хатирин къалдырма къоймай эди оланы, пачалагъа да булай деп буюра эди:

* 104:9-11 Къара Яратылыв 15:18-21; 26:3-4; 28:13-14.

** 104:12-15 Къара Яратылыв 12:10-20 ва 20; бу аятларда шо агъвалатлар суратлана.

¹⁵ «Тиймегиз Мени танглагъанларыма, Мени пайхамарларыма да яманлыкъ этмегиз».

¹⁶ Ачлыкъ гелтирди ер юзюне Раббибиз, аш береген гъар саптакъны да кырып битдирип къойду Ол*.

¹⁷ Инсанны йиберди оланы алды булан: къул этип сатылды Юсуп.

¹⁸ Бугъавлар булан бувнады бутларын ону; темир солгъу илинди бойнуна да ону.

¹⁹ Раббибиз алданокъ билдирген зат яшавгъа чыкыгъанча, Раббибизни сёзю ону тюзлюгюн тасдыкъ этгинче болуп турду бу затлар.

²⁰ Йиберди пача, чечип тайдырды бугъавларын Юсупну, азат этди ону халкъланы ёлбашчысы.

²¹⁻²² Пачаны вазирлерине оъзю сюеген кюйде насигъат этсин деп, ону тамазаларын да гъакыылгъа уыйретсин деп, уюню уъстюнде ес этип, бютюн пачалыгъына да гъаким этип салды ону.

²³ Шо заман гелди Исрайыл Мисриге, шо заман гёчдю Якъуб да Гъам топурагъына.

²⁴ Шайлы артдырып къойду Аллагъ Оъзюню халкъын, душманларындан гючлю этип де къойду ону.

²⁵ Оъзюню халкъына къаршы обжетлик, Оъзюню кюлларына къаршы гыллалар да тувдурду оланы юреклеринде Раббибиз.

²⁶ Йиберди олагъа Оъзюню къулу болгъан Мусаны, Оъзю сайлагъан Гъарунну да.

²⁷ Оланы арасында Ону мужжитатлы сёзлерин гёрсетди, Гъам топурагъында да Ону гъайран ишлерин гёрсетди олар.

²⁸ Къарангы этип къойду, къарангылыкъ кършап алды. Къаршы чыгъып турдулар мисрилилер Ону сёзюне.

²⁹ Къангъа айландырып къойду оланы сувун, кырып къойду оланы балыгъын.

³⁰ Бакъадан толуп къалды оланы топурагъы, гъатта пачаларыны ятагъан уйлери де.

³¹ Ол айтып, увакъ жан-жанывар гелип къалды, чиркей жибин де басып къойду оланы бютюн улкесин.

³² Янгурну орнуна бурчакъны, гюйдюртеген отну явдуруп къойду оланы топурагъына.

* 104:16-22 Къара Яратылыв 37-50; бу аятларда Юсупну яшаву булан байлаву шо ва оъзге агъвалатлар суратлана.

³³Юзюмлерин, инжирлерин кырып, тереклерин дагытып кьойду бютюн топурагында.

³⁴Ол айтып, ченгертки, къара булутдай санавсуз ченгертки гелип къалды шонда.

³⁵Ашап битдирдилер отну топурагындагы, ашап битдирдилер емишлерин авлакъларындагы.

³⁶Къырып кьойду башлап тувгъан гъар-бир яшын, эргишилени белинден тувгъан башлапгъы яшларын да топурагындагы.

³⁷Гюмюшю-алтыны булан чыгъарып берди исрайыллыланы, геч авруйгъаны да ёкъ эди оланы арасында.

³⁸Сююндю мисрилилер оланы гетгенине, неге тюгюл де кьоркьув гелип тура эди исрайыллылардан олагъа.

³⁹Ябыв этмек учун булутну, гече ярыкъ этмек учун отну да берди олагъа.

⁴⁰Тиледилер, Ол да бёденелени берди, кёкдеги рызкыдан тойдуруп да турду оланы.

⁴¹Уруп эки ярды ташны, сувлар да агъып йиберди, оьзенлер де агъып йиберди дангылда.

⁴²Неге тюгюл де, Оьзюню кьулу болгъан Ибрагъимге берген сыйлы ваъдасын эсге алып Ол*,

⁴³Оьзюню халкын сююнчлюкде, Оьзюню танлагъанларын шатлыкъда чыгъарды Ол.

⁴⁴Ят халкъланы топуракъларын берди олагъа, башгъланы загъматын варисликге алып токътады олар да.

⁴⁵Гъали энни Раббизни буйрукъларын кютсюн дагы, Ону къанунларын сакъласын дагы олар. Макътав эт чи Раббизге!

105 ¹*Алгъамдуллилагъ!*

Шюкюр этигиз чи Раббизге, неге тюгюл де яхшыдыр Ол, неге тюгюл де гъар даим де бардыр Ону зор сюювю.

²Ким айтып болур Раббизни зор ишлери гъакында, ким билдирип болур бары да Ону макътавлугъун?

³Насиплидир адилликни де эсде сакълап туруп, гъар заманда да тюзлюкню болдуруп турагъанлар.

⁴Халкынгга яхшы гёзден къарайгъанда, мени де эсге алчы, Раббим. Оланы кьутгъарагъанда, магъа да кёмек эт чи.

* 104:42 Къара Яратылыв 12:1-3 ва 15-нчи, 17-нчи йырагъа.

⁵ Шо заман мен де танглагъанларынгны кеп чегивюн гёермен, халкъынгны шатлыгы булан шатланарман, олар булан да макътанарман.

⁶ Гюнагълар этдик биз ата-бабаларыбыз йимик, жинаятчы ишлени юрютдюк, тюзсюзлюкню де этдик.

⁷ Ата-бабаларыбыз Мисриде гъайранлыкъларынгны англап битмеди, кёп санавдагы рагъмуларынгны эде сакълап турмады, Сагъа къаршы чыгып да токътадылар денгиз ягъада, Къызыл денгизни ягъасында.

⁸ Амма Ол Озьюню къудратын гёрсетмек учун, Озьюню атыны хатиринден къутгъарды оланы.

⁹ Буйрукъ этди Къызыл денгизге Ол – шо да къуруп къалды; къурудан йимик оьтгерип къойду терен сувлардан оланы да.

¹⁰ Оьзлени гёрюп ярамайгъанларындан къутгъарды оланы, душманларындан да азат этди оланы.

¹¹ Сувлар басып къойду душманларын оланы, гьеч бириси сама да къалмады олардан.

¹² Инандылар олар Раббибизни сёзлерине, макътав этип йырадылар Огъар.

¹³ Амма узакъ къалмай унутуп къойдулар Ону ишлерин, къаравуллап да турмадылар Ону насигъатын да.

¹⁴ Эт суйдюлер бек гъасиретли кюйде дангылда, сынап турдулар Аллагъны инсан турмайгъан ерлерде.

¹⁵ Тилеген затын берди Аллагъ олагъа, амма къоркъунчлу аврув йиберди олагъа.

¹⁶ Гюлледилер къонушунда Мусаны да, Раббибизни сыйлы къулу болгъан Гъарунну да.

¹⁷ Эки ярылып топуракъ, ютуп къойду Датанны, басып къойду Абирам булан бирче болгъанланы да.

¹⁸ От яллап йиберди олар жыйылгъан ерде, ялын гюйдюрюп йиберди къылыкъсызланы.

¹⁹ Сужда къылмакъ учун бузавну ясадылар Гъорипни янын-да, сужда къылдылар шо ялгъан аллагъгъа.

²⁰ Макътавлу Аллагъны от ашайгъан гъайванны суратына алышдырып токътадылар.

²¹⁻²² Мисриде зор ишлер этген, Гъам топурагъында тамаша ишлер этген, Къызыл денгизни ягъасында да къоркъунч ишлер этген Аллагъын, оьзлени Къутгъарывчусун унутуп токътадылар.

²³ Шо саялы да дагъытарман деди Аллагъ оланы, дагъытма да дагъытар эди, эгер де оъзю танглагъан Муса болмагъан буса. Къзапланывунда оланы дагъытып къоймасын деп инандырды Муса Ону.

²⁴ Гёрюп ярамадылар сююмлю топуракъны олар, инанмай турдулар Ону ваъдасына да.

²⁵ Хонтурланып турдулар чатырларында оъзлени, тынгламай турдулар Раббизни авазына да.

²⁶⁻²⁷ Дангылда ер этип къоярман деп оланы, халкъланы арасында ер этип, гъар ерлеге чачып къоярман деп оланы нас-луларын, дангылда къырып къоярман деп гётерди къолун Ол.

²⁸ Олар буса Пегъордагъы Баал* деген ялгъан аллагъгъа сужда эте туруп, жансыз аллагълагъа этилген къурбанланы ашап турдулар.

²⁹ Ачувландырып да турдулар Аллагъны оъзлени ишлери булан, таун аврув да яйылып къалды оланы арасында.

³⁰ Шо заман баш гётерип йиберип Пинигъес, дуван этди — ёкъ болуп къалды таун аврув да.

³¹ Наслудан наслугъа гъар даимге де муъмин иши болуп токътады бу зат ону.

³² Ачувландырып токътадылар Аллагъны Мериба булакъ-ланы ягъасында, Мусагъа къыйын гёрме тюшдю олар саялы.

³³ Неге тюгюл де, къзапландырдылар ону ругъун олар, ол да гюнагъ этип къойду авзу булан.

³⁴ Къырмадылар олар Раббиз оъзлени къыр деп буйрукъ берген халкъланы.

³⁵ Амма ят халкълагъа къошулуп, олар этеген ишлени эте-ген болуп къалдылар.

³⁶ Оъзлер учун тор болгъан ялгъан аллагълагъа къуллукъ этип турдулар.

³⁷ Жинлеге къурбан этип турдулар оъзлени уланларын да, къызларын да.

³⁸ Айыпсыз къан, Гъанандагъы ялгъан аллагълагъа къур-бан этилеген оъзлени уланларыны да, къызларыны да къа-нын тёгюп турдулар — къан булан мурдарланып къалды топуракъ да.

³⁹ Мурдарлап турдулар оъзлени этеген ишлери булан, па-сатлыкъ юрютюп турдулар этеген ишлери булан да.

* 105:28 *Пегъордагъы Баал* — ялгъан аллагъ.

⁴⁰ Яллап йиберди Раббибизни къзапланыву Ону халкъына, жиргенеген болуп да къалды Ол халкъындан.

⁴¹ Ят халкъланы къолуна берип къойду оланы, оьзлени гёрюп ярамайгъанлар ес болуп къалдылар олагъа.

⁴² Оьзлени гъакимлигине де таби этип, душманлары къыйкъсытып турду оланы.

⁴³ Кёп керенлер азат этип турду Аллагъ оланы, олар буса оьзлени бойсынмайгъанлыгъы булан ачувландырып турдулар Ону, жинаятчы ишлери саялы мысгъылгъа тутулуп да турдулар олар.

⁴⁴ Амма оланы агъ урувун эшитгенде, оланы къайгъысына къарап турду Ол.

⁴⁵ Эсине алып турду олар булан этген разилешивюн, зор сюювюнден къызгъанып да турду оланы.

⁴⁶ Оьзлени есир этгенлени барысында да олагъа бакъгъан якъда къызгъанывну уятды.

⁴⁷ Къутгъар чы бизин, Раббибиз, Аллагъыбыз. Сени сыйлы атынгны макътап болсун учун, Сени зорлугъундан макътанып болсун учун, халкъланы арасындан къайтарып къой чу бизин Сен.

⁴⁸ Гъар даим де Раббибизге, Исрайылны Аллагъына макътавлар болуп турсун дагъы! Бары халкъ да: «Амин!» – деп айтып турсун дагъы.

Алгъамдулиллагъ!



Бешинчи Китап

(106-нчы – 150-нчи йырлар)

106 ¹Шюкюрлюк этигиз чи Раббизге, неге тюгюл де яхшыдыр Ол, неге тюгюл де гьар даим де бардыр зор сюювю Ону!

²Шолай айтып турсунлар дагъы Раббиз азат этгенлер, Ол озлени душманны кьолундан азат этгенлер,

³Озлени гюнтувущдан уруп гюнбатышгъа ерли, темиркъазыкьдан уруп кьыблагъа ерли тюрлю улкелерден жыйгъан.

⁴Дангылда адам юрюмеген ёллардан адашып юрюп турдулар олар, гьеч адам турагъан шагъарны да табып болмадылар.

⁵Ачлыкъны, сувсаплыкъны гётерип турдулар олар, умут узюп пашман да болдулар олар.

⁶Амма шолай къайгъылагъа тюшгенде, Раббизни атын тутуп чакъырыв этдилер олар, Ол да балагъларындан азат этип кьойду оланы.

⁷Озлер туражакъ шагъаргъа багып юрюсюн деп, тувра ёл булан алып юрюдю оланы да.

⁸Озюню зор сюювю саялы, инсанлар учун этген гъайран ишлери саялы макътавлар этип турсунлар дагъы Раббизге!

⁹Неге тюгюл де, Олдур янып турагъан жанны сувсаплыкъын басдыртгъан, ач къалып турагъан жанны тюрлю ниъматлардан тойдуртгъан да.

¹⁰Къайгъылагъа, темирлеге бугъавланып, къарангылыкъда, тун къарангылыкъда олтуруп турдулар олар.

¹¹Неге тюгюл де, къаршы чыгып турдулар Аллагъны буйрукъларына, гери уруп турдулар Аллагъу-Тааланы насигъатларын да.

¹²Загъмат булан юваш этди оланы юреклерин Ол; сюрюндюлер олар, амма гьеч кёмекеге табылагъан чы болмады.

¹³Амма шолай къайгъылагъа тюшгенде, Раббизни атын тутуп чакъырыв этдилер олар, Ол да балагъларындан кьутгъарып кьойду оланы.

¹⁴ Къарангылыкъдан, тун къарангылыкъдан чыгъарып йиберип, узыюп ташлады бугъавларын да оланы.

¹⁵ Озьюню зор сюювю саялы, инсанлар учун этген гъайран ишлери саялы макътавлар этип турсунлар дагъы Раббизге!

¹⁶ Неге тюгюл де, Олдуз темир къапуланы бузуп, темир чюйлевлени де сындырып ташлагъан.

¹⁷ Гъакъылсызлар озлени жинаятчы ёллары, тюзсюзлюклери саялы къыйналып турдулар.

¹⁸ Гъар-бир рызкъыдан жиргенеген болуп къалдылар олар, олюню къапу алдына ювукълашып да турдулар олар.

¹⁹ Амма шолай къайгъылагъа тюшгенде, Раббизни атын тутуп чакъырыв этдилер олар, Ол да балагъларындан къутгъарып къойду оланы.

²⁰ Озьюню буйругъу булан сав этип къойду оланы, къабурундан да азат этип къойду оланы.

²¹ Озьюню зор сюювю саялы, инсанлар учун этген гъайран ишлери саялы макътавлар этип турсунлар дагъы Раббизге!

²² Шюкюрлюк къурбанларын этип турсунлар дагъы Огъар, йырай туруп билдирип турсунлар дагъы Ону ишлери гъакъда да!

²³ Гемелер булан денгизге чыгъагъанлар, сув майданларында савдюгер юрютегенлер

²⁴ Гёрюп туралар Раббизни ишлерин, денгиз айланмаларындагъы Ону гъайранлыкъларын да.

²⁵ Ол айтып да битгенче, алатолпан гётерилип йиберип, толкъунланы гётерип йибере бийиклеге.

²⁶ Гемелери кёклеге ерли гётерилип, теренлеге ерли тюшюп къала. Жанлары да умутсуз гъалгъа тюшюп къала шо балагъда оланы.

²⁷ Эсиргенде йимик, дёгерек айланып, лавлап туралар олар, бары гъакъылы да ёкъ болуп къала оланы.

²⁸ Амма шолай къайгъылагъа тюшгенде, Раббизни атын тутуп чакъырыв этдилер олар, Ол да балагъларындан чыгъарып къойду оланы.

²⁹ Алатолпанны шыплыкъгъа айландырып къойду Ол, толкъунлар да тынып къалды.

³⁰ Толкъунлар тынгъангъа шат болду олар, озлер гъасирет болуп токътайгъан къолтукъгъа гелтирип де къойду оланы Раббизге.

³¹ Озьюню зор сюювю саялы, инсанлар учун этген гъайран ишлери саялы макътавлар этип турсунлар дагъы Раббизге!

³² Оьр этип сёйлеп турсунлар дагъы халкъ жыйылгъан ерлерде Ону, макътавлар да этип турсунлар дагъы кёп тамазалар жыйылгъан ерде Огъар!

³³⁻³⁴ Олдур объенлени дангылгъа, булакъланы къуругъа, объюнде яшайгъанланы къылыкъсызлыгъы саялы тюшюмлю топуракъланы да тузлакълагъа айландырып къойду.

³⁵ Терсине, дангылны кёлге, къуругъан топуракъны да сув булакълагъа айландырып къойду Ол.

³⁶ Ач къалгъанланы ерлешдирди шонда, яшамакъ учун шагъар къурду олар да.

³⁷ Ашлыкъ чачып, юзюмлюклер орнатып, мол тюшюм къайтардылар олар.

³⁸ Шабагъатлады Раббибиз оланы, уллу халкъ болуп токътады олар да. Туварларын да кемиме къоймады.

³⁹ Башгъанланыки буса аз болуп къалды санаву оланы, къыйыкъсытыв, балагъ, къайгъы булан хорланып къалды олар да.

⁴⁰ Жиргенч гёрювню тёгюп къоя Ол бийлеге, объюнде ёллар ёкъ дангылда айлана турма къоюп къоя оланы да.

⁴¹ Ярлыны буса къыйынлыкъларындан чыгъарып алып, къой сирив йимик артдырып къоя ону наслусун.

⁴² Бу затланы гёрюп, сююнуп къалалар муъминлер, къылыкъсызлар буса авзуларын япгъан кюйде туралар.

⁴³ Гъакъыллы адам эслер бу затланы, Раббибизни зор сюювюн де англар.

107 ¹ *Давутну макътав йыры.*

² Токъташгъандыр юрегим мени, Аллагъым. Йырларман, жаным булан атынгны тутуп йыр да айтарман мен.

³ Уяныгъыз чы, къыллы алат булан къомуз! Мен де тангны уятарман!

⁴ Макътав этип турарман, Аллагъым, халкъланы арасында Сагъа; атынг тутуп йыр да айтарман адамланы арасында мен.

⁵ Неге тюгюл де, кёклеге чыгъып гетердей зор сюювюнг Сени, булутлагъа чыгъып гетердей гъакъ гертилинг де Сени.

⁶ Кёклерден де бийиклеге гётерилип къал, Аллагъым, сав дюньяны устюнде де макътавлугъунг болсун дагъы Сени.

⁷ Сююмлюлеринг азат болуп къалсын учун, къутгъар чы онг къолунг булан, эшитме де эшит чи бизин.

⁸ Оьзюню Сыйлы еринде булай деп айтды Аллагъ: «Оьр чыгъарман, пайларман Шегъемни, Суккот къолну да оьлчермен*.

⁹ Гилатымдыр, Манассиямдыр, башымдагъы темир бёркюмдюр Ефрем Мени, гъакимлигимни таягъыдыр Ягъуда Мени**;

¹⁰ Жувунагъан сукарамдыр Моав Мени. Эдомгъа ташлап къоярман чарыкъларымны Мен. Устьюнлюк булан къычырарман Филистим топурагъында мен».

¹¹ Бизин буса ким гийирер экен беклешген шагъаргъа? Ким етишдирер экен бизин Эдомгъа ерли?

¹² Сенсен чи бизин гери ургъан, Аллагъым. Асгерлерибиз булан бирче чыкъма да чыкъмайсан, Аллагъым!

¹³ Душмангъа къаршы кёмеклеш чи Сен бизге, гъеч пайда ёкъдур инсанланы кёмегинден.

¹⁴ Аллагъ булан къазанарбыз устьюнлюкню биз. Йыгъып къояр Ол душманларыбызны бизин.

108 ¹ *Хорну ёлбашчысына. Давутну йыры.*

Мен макътав этип турагъан Аллагъым! Тынып турма чы.

² Неге тюгюл де, къылыкъсызланы, намартланы авзулары ачылып тура магъа, ялгъан тили булан сёйлейлер мени булан.

³ Оьзлени гёрюп ярамайгъан сёзлери булан дёрт де якъдан аралап къоялар мени, магъа къаршы савутланып да токътайлар бир себепсиз.

⁴ Мендеги сюювге жавап гысапда мени душман тутуп токътагъан олар, мен буса дуа этип тураман***.

⁵ Яхшылыгъыма яманлыкъ булан, сюювюме де оьжетлик булан къайтарыш этип туралар магъа.

⁶ Яманны салып къой душманымны устьюне, айыплайгъанны да тургъузуп къой ону онг янында.

⁷ Дувангъа чыкъгъанда, айыплы болуп къалсын дагъы, дуасы да бир гюнагъгъа айланып къалсын дагъы ону.

⁸ Оьмюрю къысгъа болуп къалсын дагъы ону, къуллугъун да башгъа гиши тутсун дагъы ону****.

* 107:8 Къара 59:8 баянлыкъгъа.

** 107:9 Къара 59:9 баянлыкъгъа.

*** 108:4 Къара Лукъаны инжили 23:34.

**** 108:8 Къара Элчилени ишлери 1:20.

⁹ Авлетлери етим, къатыны да тул болуп къалсын дагъы ону.

¹⁰ Оьзлени чёкген уьйлеринден ареклерде садагъа тилей туруп, къыдырып айлана, тиленчилик юрюте къалсынлар дагъы оланы яшлары.

¹¹ Бары затын чыгъарып алсын дагъы оьзюне борчгъа берген адам ону, къазангъанын талап къойсун дагъы ятлар да ону.

¹² Гьеч языкъсынагъан болмасын дагъы огъар, рагъму этеген де болмасын дагъы ондан къалгъан етимлеге де.

¹³ Оьлюмге тарылып къалсын дагъы наслусу ону; дагъы наслугъа чыгъып да битгенче, ёкъ болуп къалсын дагъы оланы аты.

¹⁴ Раббибизни алдында эсгерилип къалсын дагъы аталарыны жинаятчы ишлери, анасыны гюнагълары да гьеч унутулмай къалсын дагъы ону.

¹⁵ Гьеч таймасын дагъы Раббибизни алдындан оланы гюнагълары. Ата-анасы булан байлавлу эсделикни буса ёкъ этип къойсун дагъы Ол.

¹⁶ Неге тьююл де, рагъму этме де ойлашмайлы, оьлтюрмек мурат булан ярлы, пакъыр, юреги сынгъан адамны гызарлап юрюдю ол.

¹⁷ Налатны сююп къалгъан эди – шо гелме де гелир оьзюне; шабагъатлама сьюмеди – шо да ари таяр оьзюнден.

¹⁸ Абаны йимик гийип айлана къалсын дагъы налатны ол, ичине сув йимик, сьюеклерине де зайтун май йимик гирип къалсын шо налат ону.

¹⁹ Гиеген опурагъыдай, гъаман да белине байлайгъан белбавудай болуп къалсын дагъы шо налат огъар.

²⁰ Раббибиз де шолай этер къайтарышын душманларыма да, магъа яман сёйлейгенлеге де!

²¹ Мени буса якълап тур чу атынгны гьюрметинден, Раббим, Аллагъым. Оьзюндеги зор сююв булан къутгъарып къой чу мени.

²² Неге тьююл де, ярлыман, пакъырман мен, яра да тийген юрегиме мени.

²³ Ахшамгъы гёленткидей тайып бараман мен, ченгерткини йимик къувалап туралар мени.

²⁴ Тутагъан оразаларымдан тобукъларым бошاپ къалып тура, гьеч май да къалмагъан къаркъарамда мени.

²⁵ Олагъа къюкюге къалып тураман мен; мени гёрюп, башларын чайкъайлар олар.

²⁶ Кёмек эт чи магъа, Раббим, Аллагъым; зор сюювюнг булан кьутгъар чы мени.

²⁷ Сен кьутгъаргъанны, Раббим, шону Сен этгенни билип кьалсынлар дагъы олар.

²⁸ Налат берелер олар магъа, Сен бусанг шабагъатлап кьой чу мени. Баш гётерелер олар, амма илыкъгъа тюшюп кьалсынлар дагъы оьзлер. Кьулунг буса кьуванып кьалсын дагъы Сени.

²⁹ Къылыкъсызлыкъгъа чырмалып кьалсын дагъы душманларым мени, опурагъыдай болуп кьалсын дагъы оьзлени илыгъы олагъа.

³⁰ Авзум булан къычырып алгъыш этермен Раббиме мен де, кёплени арасында макътав этермен Огъар.

³¹ Неге тюгюл де, оьзюне дуван этегенлерден кьутгъармакъ учун, ярлыны ягъын тутуп турар Ол.

109 ¹ Давутну йыры*.

Булай деди Рабби Есиме: «Мен Сени душманларынгни аякъларынгни тюбюне салгъынча, Мени онг ягъымда олтуруп тур».

² Сиондан таба берер кьудратынгни таягъын Раббим: гьакимлик этип тур душманларынгни арасында.

³ Ябушувну гюнюнде гёнгюллю кюйде артынг булан юрюр сени халкъынг. Сыйлы тавларда тангны кьарнындан эртенги чыкъдай тувдунг сен.

⁴ «Мелхиседек йимик, сен де даимликге де дин кьуулукъчусан», – деп ант этди Раббибиз. Гьеч гёкюнмес дагъы шо антына да Ол**.

⁵ Онг янынгдадыр Раббибиз Сени. Пачаланы да дагъытып кьояр кьазаплангъан гюнюнде Ол.

⁶ Дуван этер халкълагъа, сюекден толтуруп кьояр дав авлакъланы, къырып кьояр гьакимлени де ер юзюнде.

⁷ Ёлда сувну агъымындан ичер Ол, устьюнлю кюйде гётерер башын да.

* 109:1 Къара Маттаны инжили 22:41-46; Элчилени ишлери 2:34-36; Ягъудилеге язылгъан кагъыз 5:5-10. Бу йыр инг башлап исрайыллы пачалар биринчилей тахына минип олтурагъанда кьоллана болма герек.

** 109:4 Къара Яратылыв 14:17-20.

110 ¹ *Алгъамдуллагъ!*

Жыйылгъан муъминлени арасында бютюн юрегим булан шюкюрлюк этип тураман Сагъа, Раббим.

² Зордур Раббизни ишлери, ойлашып турар шолардан сююнегенлени барысы да.

³ Макътавлукъ, гёзеллик — Ону ишидир, гъар даим де болуп турар муъмин ишлери де Ону.

⁴ Эсде къалардай этди Озьюню гъайранлыкъларын Ол; рагъмулудур, чомартдыр Раббиз.

⁵ Рызыкъсын бере Озьюнден къоркъагъанлагъа, гъар даим де эсде сакълап тура олар булан Озью бегетген разилешивюн де.

⁶ Озьюню халкъына башгъа халкъланы топуракъларын берип, ишлерини къудратын гёрсетип къойду Ол.

⁷ Гъакъ гертидир, адиллидир Ону ишлери; гертидир бары къанунлары да Ону.

⁸ Гъар даимге де токъташдырылгъандыр, гъакъ гертилик булан тюзлюкге къорчуленгендир шо буйрукълары.

⁹ Азатлыкъ гелтирди халкъына Ол, гъар даимге бுவарып къойду Озьюню разилешивюн де. Сыйлыдыр, къоркъунчлудур аты Ону!

¹⁰ Гъакъылны башыдыр Раббизден къоркъмакъ, тюз гъакъылы бардыр Ону буйрукъларын къютегенлени барысыны да. Гъар даим де макътавлар болсун дагъы Огъар.

111 ¹ *Алгъамдуллагъ!*

Насиплидир Раббизден де къоркъуп, кёп сююп Ону буйрукъларын къютеген инсан.

² Гючлю болуп къалар ер юзюнде ону наслулары, шабагъатланып къалар тюз юреклилер де.

³ Берекет булан байлыкъ бардыр ону уьюнде, муъминлиги де бардыр гъар даимге де ону.

⁴ Къарангыда да шавла берип къояр ярыкъ тюз юрекли инсанлагъа; рагъмулудур, муъминдир, языкъсынып да биледир Раббиз.

⁵ Насиплидир чомарт, кёп сююп борчгъа акъча береген, озьюню ишлерин адилли кюйде юрютеген инсан.

⁶ Гъеч сюрюнемес бир заманда да ол, бир заманда да унутулмас муъмин.

⁷ Яман хабарлардан къоркъмас ол; Раббизге аркъатайя туруп, къаттыдыр юреги де ону.

⁸Токъташып битгендир юреги ону. Гьеч затдан къоркъмас ол; душманларын тюп болгъанын да гёрюп ол.

⁹Чомарт кюйде савгъатлар берип турар пакъырлагъа ол; муъминлиги де бардыр гъар даимге де ону; гючлю де, макътавлу да болуп къалар ол.

¹⁰Къылыкъсыз буланы гёрюп, ачувланар, тишлерин къыжыратар, ёкъ болуп къалар. Дагъылып къалар къылыкъсызланы муратлары.

112 ¹*Алгъамдуллилагъ!*
Макътав этигиз чи, Раббибизни къуллары, макътав этигиз чи Раббибизни атына.

²Макътавлу болуп къалсын дагъы Раббибизни аты энниден сонг да, гъар даим де.

³Гюнтувушдан гюнбатышгъа ерли макътавлу болуп къалсын дагъы Раббибизни аты.

⁴Оьрде токътагъандыр бары да халкълардан Раббибиз, кёклерден де бийикдедир макътавлугъу да Ону.

⁵Бийикликлерде тахында олтургъан Раббибизге, бизин Аллагъыбызгъа тенг болуп,

⁶Кёклеге де, ер юзюне де тюшюп къарайгъан ким болур?

⁷⁻⁸Бийлер булан, Оьзюню халкъыны бийлери булан бирче олтуртмакъ учун, чангдан гётерип алар Ол ярлыны, наслыкъдан чыгъарып алар пакъырны да.

⁹Яш табып болмайгъан къатынны насипли ана этип къояр оьзюню уьюнде Ол.

Алгъамдуллилагъ!

113 ¹Исрайыл Мисриден, Якъубну наслулары да башгъа тилли халкъны арасындан чыкъгъанда,

²Раббибизни сыйлы халкъы болуп къалды Ягъуда, Исрайыл да – Ону еслиги.

³Гёрюп шону, къачды Къызыл денгиз, артгъа агъып йиберди Ёрдан оьзен де.

⁴Ойнакълап йиберди тавлар къойлардай, тёбелер де къозулардай.

⁵Не болуп къалды сагъа, Къызыл денгиз, сен къачар йимик, сагъа да, Ёрдан оьзен, сен артгъа агъып йиберер йимик?

⁶Не ойнакълайсыз сиз де, тавлар, къойлардай, сиз де, тёбелер, къозулардай?

⁷ Къартыллап къал, ер юзю, Раббибизни алдында, Якъубну Аллагъыны алдында,

⁸ Ярны кёлге, ташны да булакъгъа айландырып къоягъан Аллагъыны алдында.

⁹ Бизге тюгюл, Раббим, бизге тюгюл, амма Оьзюнгну зор сюювюнг, аминлигинг учун Оьзюнгну атынга макътавлукъну берип къой чу Сен.

¹⁰ Не саялы айтып юрюй экен ят халкълар: «Къайдадыр дагъы Аллагъы оланы?» – деп.

¹¹ Кёклердедир Аллагъыбыз бизин, суйгенин де этип турар Ол.

¹² Гюмюш булан алтындыр, инсанны къоллары булан этилген ишлердир ялгъан аллагълары оланы.

¹³ Авзулары бардыр шо аллагъланы, амма сёйлемейдир; гёзлери бардыр шоланы, амма гёрмейдир.

¹⁴ Къулакълары бардыр шо аллагъланы, амма эшитмейдир; танавлары бардыр шоланы, амма ийис билмейдир.

¹⁵ Къоллары бардыр шо аллагъланы, амма сезмейдир; аякълары бардыр шоланы, амма юрюмейдир, тамагъындан тавушлар да чыгъармайдыр шолар.

¹⁶ Шо аллагълагъа ошап къалсын дагъы шоланы этгенлер, шолагъа аркъатаяйгъанланы барысы да.

¹⁷ Исрайыл! Умут эт чи Раббибизге: Олдур бизге кёмек этеген де, бизин къалкъаныбыз да.

¹⁸ Гъарунну наслулары! Умут этип туругъуз чу Раббибизге: Олдур бизге кёмек этеген де, бизин къалкъаныбыз да.

¹⁹ Раббибизден къоркъагъанлар! Умут этигиз чи Раббибизге: Олдур бизге кёмек этеген де, бизин къалкъаныбыз да.

²⁰ Унутмас Раббибиз бизин, шабагъатлар бизин, шабагъатлар Исрайылны, шабагъатлар Гъарунну наслуларын да Ол.

²¹ Шабагъатлар Раббибиз Оьзюнден къоркъагъан инсанланы гиччисин де, уллусун да.

²² Ардырып къойсун дагъы Раббибиз сизин наслуларыгъызыны, сизин де, яшларыгъызыны наслуларын да.

²³ Шабагъатлап къойсун дагъы сизин кёклер булан ер юзюн яратгъан Раббибиз.

²⁴ Кёклер – Раббибизникидир кёклер, амма инсанлагъа бергендир ер юзюн Ол.

²⁵ Макътав этмес Раббибизге оьлгенлер де, къабургъа гире турагъанлар да.

²⁶Амма биз макътав этип турарбыз Раббибизге энниден сонг да, гъар даим де.
Алгъамдулиллагъ!

114 ¹Сюемен Раббибизни мен, неге тюгюл де эшитди тавушумну, ялбарывумну Ол.

²Тынглар Ол магъа, шо саялы да чакъырыв этип турарман оьмюрюмню гъар гюнюнде де мен Огъар.

³Облю бугъавлар къуршап алды мени, ахыратны азаплары да етди магъа; къаршылашдым дертлер булан къайгъыгъа мен.

⁴Раббибизни атын тутуп булай чакъырыв этдим шо заман: «Къутгъарып къой чу мени, Раббим!»

⁵Рагъмулудур, адиллидир Раббибиз бизин, языкъсынып биледир Аллагъыбыз бизин.

⁶Къоруп сакълар амалсызланы Раббибиз; гъалсыз эдим, къутгъарып къойду Ол да мени.

⁷Рагъатланып къал чы, жаным мени, неге тюгюл де яхшылыкъ этер Раббим сагъа.

⁸Азат этдинг оьлюмден жанымны мени, гёзлеримни де гёзьяшлардан, сюрюмне къоймадынг аякъларымны да мени.

⁹Юрюп туражакъман Раббибизни алдында савланы дюньясында.

115 ¹Озьюмню гъакъымда: «Гючлю кюйде дагъылып къалдым мен», – деп айтагъанда да осаллашмады иманым мени.

²«Ялгъанчылардыр бары да адамлар», – деп айтып къойдум ойлашмайлы мен.

³Нечик къайтарыш этер экенмен дагъы Раббибизге магъа этген бары да рагъмусу саялы Ону?

⁴Байрам этип белгилермен къутгъарылывумну мен, Раббибизни атын тутуп чакъырыв да этермен мен.

⁵Кютермен Раббибизге этген ваьдаларымны бары да халкъыны алдында Ону.

⁶Бек багъа деп гысаплайдыр Озьюню муьминлерини яшавун Раббибиз.

⁷Раббим! Къулунгмандыр Сени, къулунгмандыр Сени, къаравашынгны уланымандыр мен. Сенсендир бугъавлардан азат этген мени.

⁸ Сени учун этермен шюкюрлюк булан кърбанымны мен, Раббизни атын тутуп чакъырыв да этермен.

⁹ Кютермен Раббизге этген ваьдаларымны бары да халкыны алдында Ону,

¹⁰ Раббизни уюню абзарларында, сени къап ортангда, Ерусалим!

Алгъамдулиллагъ!

116 ¹ Макътав этигиз чи Раббизге, бары да халкълар, оьр этигиз чи Ону, бары да адамлар!

² Неге тююл де, гючлюдюр бизге бакъгъан якъдагъы зор сююю Ону, гъар даимгедир Раббизни аминлиги де.

Алгъамдулиллагъ!

117 ¹ Шюкюрлюк этигиз чи Раббизге, неге тююл де рагъмулудур Ол, гъар даимгедир зор сююю де Ону.

² «Гъар даимгедир зор сююю Ону!», — деп айтсын дагъы гъали энни Исрайыл.

³ «Гъар даимгедир зор сююю Ону!», — деп айтсын дагъы Гъарунну наслулары.

⁴ «Гъар даимгедир зор сююю Ону!», — деп айтсын дагъы гъали энни Раббизден къркъагъанлар.

⁵ Бек гючлю кыйынлы гъалдан чакъырыв этдим Раббизге мен, эшитди Ол да мени, эркин ерге чыгъарып да къойду Раббим мени.

⁶ Раббимдир якълайгъан мени, гъеч къркъмасман дагъы мен: не этип болур инсан магъа?

⁷ Раббимдир кѣмекчим мени: устьюнюлю кюйде кърарман душманларыма мен.

⁸ Раббизге умут этмек къолайдыр, инсангъа аркъатаягъандан эсе.

⁹ Раббизге умут этмек къолайдыр, гъакимлеге аркъатаягъандан эсе.

¹⁰ Ят халкълар кършап алгъан эдилер мени, амма Раббизни аты булан дагъытып къойдум мен оланы.

¹¹ Дѣгерек этип алгъан эдилер мени, кършап алгъан эдилер мени, амма Раббизни аты булан дагъытып къойдум мен оланы.

¹² Балжибинлердей кършап алгъан эдилер мени, амма гоганны отудай сѣнюп кълдылар; Раббизни аты булан дагъытып къойдум мен де оланы.

¹³ Йыггылсын деп мен, гючлю кюйде теберген эдилер мени, амма Раббим гелип кьалды кѣмекге магъа.

¹⁴ Раббим гючюмдюр мени, якълавумдур мени, кьутгъарылывум болуп токътады Ол магъа.

¹⁵ Муъминлени чатырларындан сююнчлюкню, устьюнлюкню булай тавушлары чалынып турар: «Зор гючлю ишлер чыгъып тура Раббибизни онг кьолундан!

¹⁶ Гѣтерилип тура Раббибизни онг кьолу, зор гючлю ишлер чыгъып тура Раббибизни онг кьолундан!»

¹⁷ Оълмесмен, яшап кьаларман, Раббимни ишлерин билдирип де турарман мен.

¹⁸ Къатты кюйде такъсырлап кьойду Раббим мени, амма оълюмге чи тарытмады мени.

¹⁹ Муъминликни къапуларын ачыгъыз чы магъа, гирейим чи шолагъа, макътав этейим чи Раббибизге!

²⁰ Мунадыр Раббибизни къапулары, муъминлер гирер шолардан таба.

²¹ Мени эшитгенинг саялы, мени кьутгъарылывум болуп токътагъанынг саялы шюкюрлюк этип турарман мен Сагъа.

²² Кюрчюню аслу ташы болуп токътады усталар ташлап кьойгъан таш*.

²³ Раббибиз этген шо ишни гѣрмеге де гъайран чы!

²⁴ Айрыча гюн этип кьойду шо гюнню Раббибиз: кьуванып къалайыкъ чы, шатланып къалайыкъ чы шо гюн!

²⁵ Раббим, кьутгъарып кьой чу бизин! Раббим, устьюнлюк берип кьой чу бизге!

²⁶ Шабагъатланып кьалсын дагъы Раббибизни атын тутуп гелеген! Шабагъат этебиз сизге Раббибизни уьонден биз.

²⁷ Аллагъ – Раббибиздир, нюрюн тѣгюп кьойду Ол бизге. Байлагъыз чы аркъан булан кьурбанлыкъны, элтигиз чи кьурбан этеген ерни мююзлерине багъып шону.

²⁸ Сенсендир Аллагъым мени: макътав этип турарман Сагъа. Сенсендир Аллагъым мени: оър этип турарман Сени.

²⁹ Шюкюрлюк этигиз чи Раббибизге, неге тьогюл де рагъмулудур Ол, гъар даимгедир зор сюювю де Ону.

* 117:22-23 Къара Маркны инжили 12:10-11; Элчилени ишилери 4:11; Петер язгъан биринчи кагъыз 2:7.

118 ¹Насиплидир тюз ёл булан юрюйгенлер, Раббизни Къануна гёре яшайгъанлар.

²Насиплидир Ону буйрукъларын сакълайгъанлар, бютюн юреги булан Ону излейгенлер.

³Терс иш этмес олар, юрюп турар Ону ёллары булан да.

⁴Сен буйрукъ этдинг къатты кюйде къанунларынгни кютсюн деп.

⁵Гъар заман тюз ёл булан юрюген, къанунларынга да бойсынган болайым дагъы мен.

⁶Гъеч илыкъмасман мен шо заман, буйрукъларынга да къарай туруп.

⁷Тюз юрек булан шюкюрлюк этермен, адилли къанунларынга тюшюнюп мен.

⁸Кютюп туражакъман къанунларынгни Сени; бир заманда да къоюп къойма дагъы мени!

⁹Нечик сакъласын жагъил адам таза кюйде оьзюню ёлун? – Сени Каламынга гёре яшамакълыкъ булан.

¹⁰Бютюн юрегим булан излеймен Сени, буйрукъларынгдан гъеч тайышма къойма чы мени.

¹¹Сагъа къаршы гюнагъ иш этип къоймайым деп, бек аяп сакълагъанман юрегимде Каламынгни Сени.

¹²Макътавлусандыр Сен, Раббим! Уьйретип тур чу къанунларынга мени.

¹³Авзум булан билдирип турдум авзунгдан чыкъган бары да къанунларынгни Сени.

¹⁴Гъар-бир байлыкъдан йимик сююнемен мен буйрукъларынгдан Сени.

¹⁵Ойлашаман къанунларынгни гъакъында Сени, тергев беремен ёлларынга да Сени.

¹⁶Къанып къаламан къанунларынгдан Сени; гъеч унутмайман Каламынгни да Сени.

¹⁷Рагъмунгну гёрсетип къой чу Оьзюнгню къулунга, яшاپ къаларман, таби боларман мен де Каламынга Сени.

¹⁸Ачып къой чу гёзлеримни мени, гёрюп къоярман мен де гъайранлыкъларын къанунунгну Сени.

¹⁹Ёлавчумандыр бу дюньяда мен; яшырып къойма чы менден буйрукъларынгни Сени.

²⁰Гъалсыз болуп тура жаным мени, гъар заман къанунларынгни гёрме сююп Сени.

²¹ Енгип кьойдунг Сен оьктемлени, налатлангъанланы, буйрукъларынгдан тайышагъанланы да.

²² Оланы мысгъыллавларындан, хорлавларындан азат этип кьой чу мени, неге тьююл де сакълап юрюймендир буйрукъларынгны Сени.

²³ Гьакимлер олтуруп, тилбирчилик этип айланалар магъа кьаршы, амма кьулунг буса ойлашадыр кьанунларынгны гьакъында Сени.

²⁴ Маслагъатдыр, сююнчдюр магъа буйрукъларынг Сени.

²⁵ Чангъа айланып кьалгъан жаным мени, жанландырып кьой чу ваьданга гьере мени.

²⁶ Билдирдим ёлларымны гьакъында мен, эшитдинг Сен де мени; уьйретип тур чу кьанунларынга мени.

²⁷ Кьанунларынгда гьрсетилген ёлланы англама кёмек эт чи магъа, ойлашып турарман мен де гьайранлыкъларынгны гьакъында Сени.

²⁸ Гьалсыз болуп бара кьайгъыдан жаным мени, беклеш-дирип кьой чу мени ваьданга гьере Оьзюнгю.

²⁹ Арек эт чи менден ялгъанны ёлун, рагъмунг булан уьйретип тур чу магъа Кьанунунгну Оьзюнгю.

³⁰ Тангладым мен гьакъ герти ёлну, юрегим булан кьабул этдим кьанунларынгны да Сени.

³¹ Ябушуп кьалгъанман буйрукъларынга Сени, Раббим, илыкъдырып кьойма чы мени.

³² Буйрукъларынгда гьрсетилген ёлларда агъып туражакъ яшавум мени, неге тьююл де генглешидиресендир юрегимни мени.

³³ Гьрсет чи, Раббим, кьанунларынгны ёлун, ахыргъа ерли тайышмай турарман мен де шолардан.

³⁴ Эс тапдырып кьой чу магъа, кютюп турарман, бютюн юрегим булан сакълап турарман мен де Кьанунунгну Сени.

³⁵ Салып кьой чу буйрукъларынгны ёлларына мени, неге тьююл де насипли болуп кьаларман шо заман мен.

³⁶ Сутурлукъгъа тьююл, буйрукъларынга байлап кьой чу юрегимни мени.

³⁷ Сени ёлларынгдан юрюп болсун деп, кьутгъарып кьой чу мени оьлюмден.

³⁸ Оьзюнгден кьоркьагъанлагъа этген ваьдангны мени, Сени кьулунг учун кютюп кьой чу.

³⁹ Оьзюнден мен бек кьоркьагъан хорланывдан гери уруп кьой чу мени, неге тьююл де яхшыдыр кьанунларынг Сени.

⁴⁰ Огъ, не гъасиретмен дагъы мен къанунларынгни кютме Сени! Оьзюнгдеги адиллик булан аманлыкъда сакълап тур чу мени.

⁴¹ Зор сюювюнг, Сен ваъда этген къутгъарылывунг етип къалсын дагъы магъа, Раббим.

⁴² Жавап къайтарарман мени хорлайгъангъа мен де, неге тюгюл де умут эмемен Каламынга Сени.

⁴³ Гъакъ герти сёзню сёйлеп болсун учун, гючюмден магърюм этип къойма чы мени, неге тюгюл де умут эмемен къанунларынга Сени.

⁴⁴ Кютюп турарман Къанунунгну Сени гъар заман да, гъар даим де.

⁴⁵ Эркин кюйде айланып турарман, неге тюгюл де кютюп юрюдюм къанунларынгни Сени.

⁴⁶ Айтып юрюрмен пачаланы алдында буйрукъларынгни гъакъында Сени, гъеч илыкъма да илыкъмасман.

⁴⁷ Къанып къаларман мен оьзлени сююп къалгъан буйрукъларынгдан Сени.

⁴⁸ Узатарман къолларымны мен оьзлени сююп къалгъан буйрукъларынга Сени, ойлашарман къанунларынгни гъакъында да Сени.

⁴⁹ Оьзюнде умут тувдургъан Оьзюнгню къулунга этген ваъдангны эсге алып къой чу Сен.

⁵⁰ Гъар гезик яшавгъа къайтарып тура мени шо ваъданг Сени, къайгъымда да маслагъат болуп токътай магъа.

⁵¹ Эдепсиз кюйде кюлеп турдулар оьктемлер уьстюмден мени, амма гъеч тайышмадым мен Къанунунгдан Сени.

⁵² Эсге алып турдум бырынгъыдагъы къанунларынгни Сени, Раббим; гёнгюм де ачылып турду мени.

⁵³ Эпсиз яман гъалгъа тюшюп гетемен Къанунунгну кютмейген къылыкъсызланы гёргенде мен.

⁵⁴ Сапар чыкыгъан ерлеримдеги якълашывым болуп чыкыды къанунларынг Сени.

⁵⁵ Гече де эсгерип турдум атынгны Сени, Раббим; сакълап турдум Къанунунгну да Сени.

⁵⁶ Уьйренчикликге айланып битген къанунларынгни кютмек магъа.

⁵⁷ «Ваъдаларынгни кютмек, Раббим, талигимдир мени», – деп айтдым мен.

⁵⁸ Гъакъ юрекден дуа этип турдум мен Сагъа: этген ваъданга гёре языкъсынып къал чы магъа Сен.

59 Ойлашып къарадым озъюмню ёлларымны гъакъында мен, буйрукъларынга багъып абат да алдым.

60 Алгъасап турдум, гъеч асталашмадым буйрукъларынгны кютмек учун Сени.

61 Къылыкъсызланы торлары ташланды магъа, амма гъеч унутмадым Къанунунгну Сени.

62 Гечортада уянып турдум шюкюрлюк этмек учун адилли къанунларынг саялы Сени.

63 Къурдашымандыр мен Сенден къоркъагъанланы да, Сени къанунларынгны кютегенлени де барысыны да.

64 Сени зор сюювюнгден толгъан, Раббим, ер юзю; уйретип къой чу мени Озъюмню къанунларынга.

65 Яхшылыкъ этип къойдунг Озъюмню къулунга, Раббим, этген ваъданга гёре Сен.

66 Сав гъакъылгъа да, билимге де уйретип къой чу мени, неге тюгюл де аркъатаяйман мен буйрукъларынга Сени.

67 Адашып турдум азап чекгенче алдын мен, гъали буса буйрукъларынгны кютюп юрюймен мен.

68 Рагъмулусандыр, яхшы ишлени этеген Сенсендир – Озъюмню къанунларынга уйретип къой чу мени.

69 Яман ялгъанлар айтып юрюр оьктемлер мени гъакъымда, мен бусам гъакъ юрекден кютюп турарман къанунларынгны Сени.

70 Рагъмусуз, сангырав болуп къалгъан юреклери оланы, мен бусам къанып къалып тураман Къанунунгдан Сени.

71 Къанунларынга уйренип болсун учун, не яхшыдыр дагъы магъа азап чекме тюшгени.

72 Минг алтындан да, гюмюшден де яхшыдыр Сени авзунгдан чыккъан Къанун магъа.

73 Сени къолларынгдыр мени яратгъан да, мени амалгъа гелтирген де; эс тапдырып къой чу магъа, уйренип къаларман мен де буйрукъларынгны Сени.

74 Каламынга аркъатаяйгъаным саялы, гёрюп йиберип мени, сююнюп къалар Сенден къоркъагъанлар.

75 Билемен, Раббим, къанунларынг тюз экенин де, адилли кюйде такъсырлагъанынгны да мени.

76 Къулунга этген ваъданга гёре, магъа маслагъат болуп къалсын дагъы зор сюювюнг Сени.

77 Языкъсынывунг етишип къалсын дагъы магъа, яшап къаларман мен де, неге тюгюл де къанып къалып тураман Къанунунгдан Сени.

⁷⁸ Илыгып кьалсынлар дагы октемлер, неге тююл де бир айыпсыз зулму этип туралар олар магъа; ойлашып тураман мен де кьанунларынгни гьакьында Сени.

⁷⁹ Магъа багып кьалсынлар дагы Сенден кьоркьагъанлар да, Сени буйрукьаларынгни билегенлер де.

⁸⁰ Мен биябур болуп кьалмасын учун, юрегим толу кюйде кьанунларынга берилип кьалсын дагы Сени.

⁸¹ Сенден гелеген кьутгъарылывну кьаравуллай туруп, гьалсыз болуп бара юрегим мени; аркьатайман сёзюнге Сени.

⁸² Сени ваьдангни кьаравуллай туруп, гьалсыз болуп бара гёзлерим мени. «Къачан гёнгюмню аларсан мени?» – деймен мен.

⁸³ Тютюню ичиндеги тулукьдай болуп кьалдым мен, амма Сени кьанунларынгни чы унутмадым мен.

⁸⁴ Дагы да нечакьы заман кьарап турма тарыкьман мен, кьулунг Сени? Къачан этерсен дуванынгни гьызарлап юрюйгенлеге мени?

⁸⁵ Сени Кьанунунга тергев бермедилер олар, кьую кьазып токьтадылар октемлер магъа.

⁸⁶ Инамлыдыр бары да буйрукьаларынг Сени; адилсиз кюйде гьызарлап туралар мени; кёмек этип кьой чу магъа.

⁸⁷ Аз кьалдылар дагытып кьойма ер юзюнде мени, амма арт чы бермедим кьанунларынга Сени.

⁸⁸ Оьзюндеги зор сююв булан аманлыкьда сакьлап кьой чу мени, кютюп турарман мен де авзунгдан чыкьгъан буйрукьаларынгни Сени.

⁸⁹ Даимгедир, Раббим, токьташдырылгъаны кёклерде Каламынг Сени.

⁹⁰ Наслудан наслугъа этип турар аминлигинг Сени. Сенсендир ер юзюн амалгъа гелтирген, токьтап тура шо да.

⁹¹ Гьали болгьунча токьтап тура кьанунларынг, неге тююл де Сагъадыр бары да затны кьуллукь этегени.

⁹² Къайгьыгъа батып оьлюп кьалар эдим мен, эгер де Кьанунунгдан кьанып турмагъан эдим буса мен.

⁹³ Бир де унутмасман дагы кьанунларынгни Сени, неге тююл де шолар буландыр Сен аманлыкьда сакьлап турагъанынг мени де.

⁹⁴ Сеникимендир мен – кьутгъарып кьой чу мени, неге тююл де кютюп юрюймен кьанунларынгни Сени.

⁹⁵ Яшынып кьаравуллап токьтагъанлар кьылыкьсызлар дагьытмакь учун мени, мен буса теренлешип бараман буйрукьаларынга Сени.

⁹⁶ Дазуларын гѳргенмен гъар-бир камилликни мен, амма гъисапсыз генгдир буйрукъларынг Сени.

⁹⁷ Не сюемен дагъы Къанунунгну Сени! Ойлашып тураман сав гюн шону гъакъында да.

⁹⁸ Душманларымдан да гъакъыллы этип къойдунг мени Озьюнгну буйрукъларынг булан Сен, неге тюгюл де мени буландыр шолар гъар заманда да.

⁹⁹ Устазларымдан да гъакъыллы болуп къалдым мен, неге тюгюл де ойлашып тураман буйрукъларынгни гъакъында Сени.

¹⁰⁰ Къартлардан да англаву болуп къалдым мен, неге тюгюл де кютюп тураман къанунларынгни Сени.

¹⁰¹ Каламынга гѳре юрюмек учун, гери уруп юрюймен гъар-бир яманлыкъны ѳлундан аякъларымны мени.

¹⁰² Гъеч тайышмайман къанунларынгдан Сени, неге тюгюл де Сенсендир уйретеген мени.

¹⁰³ Не татли тие дагъы тамагъыма сѳзлеринг Сени! Балдан да татывлудур авзума шолар.

¹⁰⁴ Сени къанунларынг англав берер магъа, шо саялы да гѳрюп ярамайман яманлыкъны гъар-бир ѳлун.

¹⁰⁵ Аякъларым учун чыракъдыр, ѳлумдагъы ярыкъдыр Каламынг Сени.

¹⁰⁶ Ант этип турдум Сени адилли къанунларынга гѳре юрюме мен, шолай этме де этермен мен.

¹⁰⁷ Бек улуу къайгъы басып тура мени, Раббим; этген ваъданга гѳре аман сакълап къой чу мени.

¹⁰⁸ Авзум булан этген алгъыш савгъатны къабул этип къой чу, Раббим; Озьюнгну къанунларынга да уйретип къой чу мени.

¹⁰⁹ Жаным гъаман увучумдадыр, амма Къанунунгну чу унутмайман Сени.

¹¹⁰ Торларын ташлап токътадылар къылыкъсызлар магъа, амма гъеч тайышмадым къанунларынгдан Сени.

¹¹¹ Гъар даимги варислик йимик къабул этип турдум буйрукъларынгни Сени, неге тюгюл де юрегимни шатлыгъыдыр шолар.

¹¹² Сени къанунларынгни гъамангъа, ахыргъа ерли кютювге багъышлап турдум юрегимни мен.

¹¹³ Гѳрюп ярамайман Сагъа толу кюйде амин тюгюллени, Сени Къанунунгну буса сюемен.

¹¹⁴ Аркъатаявумсандыр, къалкъанымсандыр Сен мени; умут этемен Каламынга Сени.

¹¹⁵Ари тайыгъыз чы менден, яманлар, кютюп юрюрмен мен де буйрукъларын Аллагъымны мени.

¹¹⁶Беклешдирип кьой чу этген ваъданга гёре мени, яшап къаларман мен де; биябур этип кьойма чы умутумда мени.

¹¹⁷Къолунг булан кёмек этип кьой чу, къутгъарылып къаларман мен де; тергев берип турарман гьаман Сени къанунларынга мен де.

¹¹⁸Гери уруп кьоясан Сени къанунларынгдан тайышагъанланы барысын да, неге тюгюл де негъакъдыр гьиллалары оланы.

¹¹⁹Кёмюрню кюлюдей сибирип ташлайсан бары да кылыкъсызланы ер юзюнден Сен, шо саялыдыр сююп къалгъаным да буйрукъларынгны Сени.

¹²⁰Титиреп гетер кьаркъарам мени Сенден кьоркъагъанлыкъдан, къанунларынгдан да кьоркъаман мен Сени.

¹²¹Адилли, тюз затны этип юрюдюм мен – мени гьызарлайгъанланы къолуна берип кьойма чы Сен мени.

¹²²Къулунгну янын тутуп кьой чу Сен, октемлер магъа зулмусун этмесин деп.

¹²³Гьалсыз болуп бара гёзлерим мени Сени къутгъарылывунгну да, герти ваъдангны да кьаравуллай туруп.

¹²⁴Иш гёрюп кьой чу Оьзюнгдеги зор сююв булан Сени къулунга, уйретип кьой чу мени де къанунларынга Сени.

¹²⁵Къулунгмандыр мен Сени; эс тапдырып кьой чу магъа, тюшюнюп къаларман мен де буйрукъларынга Сени.

¹²⁶Етишди Раббизге иш гёрме заман: бузуп-тозуп кьойгъан Къанунунгну Сени.

¹²⁷Алтындан, таза алтындан артыкъ сюемен мен буйрукъларынгны Сени.

¹²⁸Адилли гёремен бары да къанунларынгны; гёрюп ярамайман гьар кьайсы яман ёлну да мен.

¹²⁹Гьайрандыр буйрукъларынг Сени, шо саялы да кютюп юрюймен шоланы мен.

¹³⁰Англавсузланы ярыкъландырып, гьакъыллы этип кьояр, маъналары ачылгъанда сёзлеринг Сени.

¹³¹Кюстюнюп йиберемен авзумну ачып, неге тюгюл де гьасирет къалып тураман буйрукъларынга Сени.

¹³²Сени атынгны сюегенлеге этегенинг йимик, бир кьарап, языкъсынып къал чы магъа.

¹³³ Къатты басагъан этип къой чу абатларымны Оьзюнгню ваьданга гёре; елеме къойма чы гъеч бир къылыкъсызлыкъны да мени.

¹³⁴ Сени къанунларынгни кютмек учун, азат этип къой чу адамланы зулмусундан мени.

¹³⁵ Нюрлю юзюнг булан ярыкъландырып къой чу Оьзюнгню къулунгну, уйретип къой чу Сени къанунларынга мени де.

¹³⁶ Шарыллап агъар гёзьяшларым, неге тюгюл де сакъламай инсанлар Къанунунгну Сени.

¹³⁷ Адиллисендир, Раббим, Сен, адиллидир къанунларынг да Сени.

¹³⁸ Гертидир, гъакъ гертидир Оьзюнг васият этген буйрукъларынг Сени.

¹³⁹ Рагъатлыкъ бермес гюнчулюк магъа, неге тюгюл де унутуп къалгъан душманларым сёзлерингни Сени.

¹⁴⁰ Артыкъ тазадыр Каламынг Сени, сююп къалгъан къулунг да шону.

¹⁴¹ Гиччимен, эсгик гёрюнемен мен, амма унутмайман къанунларынгни Сени.

¹⁴² Гъар даимгедир адиллигинг Сени, гъакъ гертидир Къанунунг да Сени.

¹⁴³ Етишип къалгъан къайгъы булан азаплар магъа, къанып къалып тураман буйрукъларынгдан да Сени.

¹⁴⁴ Даимгедир адиллилиги буйрукъларынгни Сени: англав берип къой чу магъа, яшап къаларман мен де.

¹⁴⁵ Чакъырыв этермен бютюн юрегим булан Сагъа: жавап бер чи магъа, Раббим; кютюп турарман Сени къанунларынгни мен де.

¹⁴⁶ Чакъырыв этермен Сагъа, къутгъарып къой чу мени, кютюп турарман буйрукъларынгни мен де.

¹⁴⁷ Танг билингенче де туруп, кёмек тилермен мен; умут да этермен Каламынга Сени.

¹⁴⁸ Каламынгни гъакъында ойлашмакъ учун, эртенги къаравулланыкинден де алдын ачыла гёзлерим мени.

¹⁴⁹ Эшитип къой чу Оьзюнгдеги зор сююв булан тавушумну мени, Раббим; Оьзюнгню адиллигинге гёре аман сакълап къой чу мени де.

¹⁵⁰ Ачувлу къаст булан ювукълашып гелдилер гызарлап юрүйгенлер мени; арекдедир олар Къанунунгдан Сени.

151 Ювукъдасандыр Сен, Раббим; гьакъ гертидир бары да буйрукъларынг да Сени.

152 Тезден билегеним гьар даимге токъташдыргъанынгны буйрукъларынгны Сен.

153 Гёз кьарат чы кьайгъыма мени, кьутгъарып да кьой чу мени, неге тьогюл де унутмайман Къанунунгну Сени.

154 Баш кьош чу ишиме мени, азат этип де кьой чу мени; аман сакълап кьой чу этген ваъданга гёре мени.

155 Арекдедир кылылыксызлардан кьутгъарылыв, неге тьогюл де кютюп юрюмес Сени къанунларынгны олар.

156 Кёпдюр рагъмулугъунг Сени, Раббим; аман сакълап кьой чу Оьзюнгю адиллигинге гёре мени.

157 Кёпдюр гьызарлайгъанлар да, душманларым да мени, амма аректе чи чыкъмасман буйрукъларынгдан Сени.

158 Жиргенип йиберемен, гёрсем имансызланы, неге тьогюл де юрюмес олар Каламынга гёре Сени.

159 Бир кьарап кьой чу къанунларынгны нечик сюегениме мен; аман сакълап кьой чу Оьзюнгдеги зор сююв булан, Раббим, мени.

160 Гьакъ гертидир кюрчюсюнденокъ да Каламынг Сени, гьар даимгедир гьар-бир адилли къанунларынг да Сени.

161 Бир айыпсыз гьызарлап юрюр гьакимлер мени; амма кьоркъуп турар юрегим Каламынгдан Сени.

162 Зор уллу хазна тапгъандай сююнемен мен Каламынгдан Сени.

163 Гёрюп ярамайман ялгъанны, жиргенемен шондан; амма сюемен Къанунунгну Сени.

164 Гюнде етти керен макътавлар этемен адилли къанунларынг саялы Сени.

165 Зор уллудур парахатлыгъы Сени Къанунунгну сюегенлени, сюрюнмеклик де ёкъдур олагъа.

166 Умут этермен кьутгъарылывунга Сени, Раббим, кютермен буйрукъларынгны да Сени.

167 Кютюп юрюрмен буйрукъларынгны Сени, нече де бек сюермен мен де шоланы.

168 Юрюп тураман къанунларынга, буйрукъларынга гёре Сени, неге тьогюл де гёрюп турасан бары да ёлларымны мени.

169 Агъ урувум етишсин дагъы Сагъа, Раббим; англавлу этип де кьой чу этген ваъданга гёре мени.

¹⁷⁰ Эшитип кьой чу дуамны мени; азат этип де кьой чу этген ваьданга гёре мени.

¹⁷¹ Макътавлар чыгъып турар авзумдан мени, неге тююл де уйреретерсен Оьзюнгню кьанунларынга.

¹⁷² Тилим йырлап турар Каламынгны гьакъында Сени, неге тююл де муьминдир бары да буйрукъларынг Сени.

¹⁷³ Магъа кёмекге узатылсын дагъы кьолунг Сени, неге тююл де танглагъанман кьанунларынгни Сени.

¹⁷⁴ Гьасирет кьалып тураман Сенден гелеген кьутгъарылывгъа, Раббим; кьанып кьалып тураман Кьанунунгдан да Сени.

¹⁷⁵ Сагъа макътав этип турмакъ учун, яшап турайым дагъы мен; магъа кёмек болуп кьалсын дагъы кьанунларынг да Сени.

¹⁷⁶ Тас болгъан кьойдай адашып кьалгъанман мен; излеп табып кьой чу мени, кьулунгну Оьзюнгню, неге тююл де унутмагъанман буйрукъларынгни Сени.

119 ¹ *Оьрленивню йыры.*

Чакъырыв эддим Раббиме кьайгъыгъа тюшгенде мен, жавап берди Ол да магъа.

² Раббим! Азат этип кьой чу ялгъан сёйлейгенлени авзуларындан да, макюрчюню тилинден де мени.

³ Не берер сагъа, не кьошар сагъа макюрчю тил?

⁴ Асгерни итти окълары, янып турагъан жьыжымлар булан такъсырлар ол сени.

⁵ Адаршай магъа, Мешегьде турагъаныма, Кедар чатырларында яшайгъаныма да*.

⁶ Узакъ яшап турдум парахатлыкъны гёрюп ярамайгъанлар булан мен.

⁷ Парахатлыкъны сюемен мен: амма шону гьакъында сёз башласам, давгъа онгарылып турар олар.

120 ¹ *Оьрленивню йыры.*

Тикленип тураман мен тавлагъа да багъып, кьайдан геле экен деп кёмек магъа.

² Кёкню де, ерни де яратгъан Раббимден гелер кёмек магъа.

³ Гьеч сюрюнде кьоймас Ол аягъымны мени, кьалгъып кьалмас сени кьоруп сакълап турагъан да.

* 119:5 *Мешегь, Кедар* – мунда бу ерлер Исрайылдан кёп арекдеги топуракъланы белгилеп геле.

⁴Къалгъымас, юхламас Исрайылны къоруп сакълап турагъан.

⁵Раббибиздир къоруп сакълайгъан сени; Раббибиздир якълавунг сени, гъаман да янынгдадыр Ол сени.

⁶Гъеч заралы тиймес сагъа гюндюзлер гюнешни, гечелер де айны.

⁷Сакълап турар гъар-бир яманлыкъдан Раббибиз сени, сакълап турар жанынгны Раббибиз сени.

⁸Сакълап турар Раббибиз гъали энни де, гъар-бир ишингде де сени.

121 ¹*Оърленивню йыры. Давутну йыры.*

Сююнуп гетдим мен: «Раббибизни уюне бара-йыкъ», – дегенде магъа.

²Муна, гелип токътагъанбыз къапуларынгни алдына сени, Ерусалим!

³Ерусалим! Оъзюнде бары халкъ жыйылагъан шагъар гысапта къурулгъансандыр сен.

⁴Исрайылгъа берген буйрукъгъа гёре Раббибизге макътав этмек учун, шонда багъып чыгъып гетер халкъны къавумлары, Раббибизни халкъны къавумлары.

⁵Шондадыр дуванланы тахлары, Давутну уюню тахлары токътагъаны.

⁶Ерусалимге парахатлыкъ тилеп, булай деп два этигиз чи: «Леззет алып турсун дагъы сени сюегенлер!

⁷Парахатлыкъ болуп турсун дагъы баруларынгда сени, аманлыкъ болуп турсун дагъы къалаларынгда сени!»

⁸Къардашларым, къурдашларым учун: «Парахатлыкъ болсун сагъа!» – деймен мен.

⁹Яхшылыкъ ёрайман Аллагъыбыз болгъан Раббибизни уюню хатири учун мен сагъа.

122 ¹*Оърленивню йыры.*

Сагъадыр тигилип турагъаны гёзлеримни, гъей кёклерде Яшап турагъан!

²Къулну гёзлери есини къолуна, къаравашны гёзлери есини къатыныны къолуна тигилип турадыр. Оъзюндеги бизге бакъгъан якъдагъы рагъмуну къаравулай туруп, тап шо кюйде бизин гёзлерибиз де Раббибизге тигилип турадыр.

³Рагъму эт чи, Раббим, рагъму эт чи, неге тюгюл де кёп чыдап турдукъ сансымайгъанлыкъгъа бизин.

⁴Тазза тойгъанбыз хохабазланы хорлавларындан биз, октемлени сансымайгъанлыгъындан да.

123 ¹*Оьрленивню йыры. Давутну йыры.*

Эгер де Раббибиз болмагъан эди буса бизин булан, – деп айтсын дагъы Исрайыл, –

²Эгер де Раббибиз болмагъан эди буса бизин булан, душманлар бизге чапгъын этгенде,

³Савлайын ютуп къояжакъ эдилер бизин олар, бизге къазапланмакълыгъыны гючлюлюгюнден.

⁴Батдырып къояжакъ эди сувлар, агъып гетежек эди ташгъын да устюбюзден таба бизин.

⁵Обтюп гетежек эди вагъши толкъунлар устюбюзден таба бизин.

⁶Макътав болсун дагъы Раббибизге бизин душманланы тишлерине тюшме къоймагъан!

⁷Азат болуп къалдыкъ биз, тутагъанланы торундан азат болгъан къуш йимик; йыртылып къалды шо тор, къутулуп къалдыкъ биз де.

⁸Бизге кѳмек кѳкню де, ерни де яратгъан Раббибизни атындадыр.

124 ¹*Оьрленивню йыры.*

Сион тавдай тербенмейген кююнде, гъар даим де болуп турар Раббибизге аркъатаягъан.

²Тавлар Ерусалимни къуршап алгъаны йимик, къуршап алгъандыр Раббибиз де Оьзюню халкъын гъали энни де, гъар даимге де.

³Муъминлени топурагъындагъы къылыкъсызланы гъакимлиги даимге тюгюлдюр, ёгъесе муъминлер, олагъа ошап къалып, обзлер жинаятчылыкълар этип юрюр эди.

⁴Рагъмулу бол чу, Раббим, рагъмулулагъа да, юреги тюзлеге де.

⁵Къувалап къояр Раббибиз къынгыр ёллагъа тюшгенлени де, гюнагъ ишлер этегенлени де.

Парахатлыкъ болсун дагъы Исрайылгъа.

125 ¹*Оьрленивню йыры.*

Сионну халкъын сюргюнден къайтарагъанда Раббибиз, тюш гѳрегенде йимик эдик биз.

²Авзуларыбыз кюлей эди, тиллерибиз буса шат йырлар йырлай эди. «Зор уллу иш этип кьойду олар учун Раббибиз!» – деп сэйлей эдилер халкъланы арасында шо заман.

³Зор уллу иш этип кьойду бизин учун Раббибиз: кьуванып турдукъ биз де.

⁴Негев дангылындагъы кьуруп кьалгъан озенлер янгыдан акъма башлайгъанда йимик, макътавлукъну кьайтарып кьой чу, Раббибиз.

⁵Шатлыкъда кьайтарарлар ашлыгъын гёзьяш тёгюп чачгъанлар.

⁶Будай кютелерин де шатлыкъда алып кьайтар йылай туруп урлукъ алып чыкъгъанлар.

126 ¹*Оьрленивню йыры. Сулайманны йыры.*

Негъакъ загъмат тегер уй кьурагъанлар, эгер де Раббибиз Озью тургъузмай буса шону; негъакъ уяв турар сакълавчу, эгер де Раббибиз Озью сакъламай буса шагъарны.

²Негъакъ тез турасыз, геч ятасыз, кьан тер тёгюп кьазангъан ашыгъызны ашайсыз сиз; озлер юхлап тура буса да, гъайын этип турар Раббибиз Озьюню сююмлюерини.

³Муна яшлардыр Раббибизден гелеген наслу; Ондан гелеген савгъатдыр олар.

⁴Кьуватлы асгерни кьолундагъы окълар йимикдир жагъил чагъында тувгъан уланлар.

⁵Насиплидир садагъын шолардан толтургъан адам! Геч илыкъмас дагъы олар душманы булан очарда сэйлейгенде.

127 ¹*Оьрленивню йыры.*

Насиплидир Раббибизден кьоркьагъан гьар-бирев, Ону ёллары булан юрюйген!

²Озьюнгню кьолларынг булан тёкген загъмат ашатып турар сени; насиплисендир сен, талайлы болуп кьалгъыр дагъы сен!

³Уьюндеги кёп емиш береген юзюм борла йимикдир кьатынынг сени; зайтун бутакълар йимикдир тепсингни айланасын алып олтургъан яшларынг сени.

⁴Шабагъат болар Раббибизден кьоркьагъан инсангъа озьюне.

⁵Шабагъат этсин дагъы сагъа Сиондагъы Раббибиз, гёрюп турарсан сен де Ерусалимни кеп чегивюн объюрюнгню гьар гюнюнде.

⁶Гёрюп турарсан яшларын яшларынгни.

Парахатлыкъ болсун дагъы Исрайылгъа!

128 ¹ *Оьрленивню йьры.*

Кёп кыысып турдулар жагыл заманымда мени, – деп айтсын чы шо гьакъда Исрайыл, –

²Кёп кыысып турдулар жагыл заманымда мени, амма енгип чи болмадылар мени.

³Сабанны сюрдюлер сыртымда сабанчылар, узун харшларын салдылар оьзлени.

⁴Амма адиллидир Раббиз: уьзюп кьойду аркъанларын кылыкъсызланы Ол.

⁵Илыгып, артгъа ташланып къалсынлар дагъы Сионну гёрюп ярамайгъанланы барысы да.

⁶Юлкьунгъанча кьуруп къалагъан уьйню къалкысындагъы отдай болуп къалсынлар дагъы олар.

⁷Оракъчы кьолуна да алмайгъан, кюлте байлайгъан да жыймайгъан отдай болуп къалсынлар дагъы олар.

⁸Оьгюп барагъанлар да: «Раббиз шабагъат этсин дагъы сизге! Шабагъат этебиз Раббизни аты булан сизге!» – деп айтмас дагъы.

129 ¹ *Оьрленивню йьры.*

Теренлерден чакъырыв этермен Сагъа, Раббим.

²Раббим! Эшит чи тавушумну мени. Кьулакъ ас чы ялбарывума да мени.

³Эгер де, Раббим, гюнагъ ишлени санап турсанг Сен, ким токътап болар экен дагъы, Раббим?

⁴Амма Сенден кьоркъмакъ учун, Сендедир гечмеклик.

⁵Умут этермен Раббиме, умут этер жаным мени; аркъатаярман Каламына Ону.

⁶Сакълавчулар эртенни, сакълавчулар эртенни къаравуллайгъанындан артыкъ къаравуллайдыр Раббимни жаным мени.

⁷Аркъатаясын дагъы Раббизге Исрайыл, неге тьююл де Раббиздедир зор сююв, Ондан геледир кьутгъарылыв да.

⁸Олдур Исрайылны бары да гюнагъ ишлеринден кьутгъаражакъ да*.

* 129:8 Къара Маттаны инжили 1:21.

130 ¹ *Оьрленивню йыры. Давутну йыры.*

Раббим! Гьеч оьктем болмады юрегим мени, оьрден кьарамады гёзлерим мени. Баш да сукьмадым мен де улуу, гючюм етишмейген затлагьа.

²Амма анасыны эмчегинден айырылып алынган баланы йимик ювашдырып, рагьатландырып турдум жанымны мен; анасыны эмчегинден айырылып алынган бала йимикдир жаным мени.

³Аркьатаяп турсун дагьы Исрайыл Раббибизге гьали энни де, гьар даим де.

131 ¹ *Оьрленивню йыры.*

Эсге алып кьой чу, Раббим, Давутну, ону бары да кьыйынлыкьларын да:

²Ону Раббибизге этген антын, Якьубну кьудратлы Аллагьына этген булай ваьдасын:

³«Гирмесмен уьюме, ятмасман ятивумда;

⁴Гёз де юммасман, кирпич де кьакьмасман,

⁵Ер тапмай туруп Раббиме, уьй тапмай туруп Якьубну кьудратлы Аллагьына».

⁶Муна, эшитип турдукь сьйлы сандыкьны гьакьында Ефратада, тапдыкь шону Иаримни авлакьларында.

⁷Барайкь чы Ону уьюне багьып, сужда кьылайкь чы Огьар аякьларына кьапланып Ону.

⁸Токьтап тур чу, Раббим, кьалып кьал чы ерингде Оьзюнгню, Сен де, Сени зорлугьунгну белгиси болган сьйлы сандыгьынг да.

⁹Муьминликни гийгендей болуп кьалар дин кьууллукьчуларынг Сени, сююнюп кьалар халкьынг да Сени.

¹⁰Кьулунг болган Давутну хатири учун арт берип кьойма чы Оьзюнг танглаган пачанга.

¹¹Гьакь кюйде ант этди Давутгьа Раббибиз, гьеч тайышмас дагьы Ол шо антындан да: «Сени наслунгдан алып олтуртарман тахынгда сени.

¹²Эгер де уланларынг Мен оьзлеге уьйретежек буйрукьларымны да, разилешивюмню де кютюп турса, шо заман шоланы уланлары да олтуруп турар гьар даим де тахынгда сени».

¹³Неге тьююл де, танглап алды Раббибиз Сионну, сьюдю Оьзюню уью этмеге шону.

¹⁴ «Къалып къалагъан еримдир гъар даимге де шо Мени, ерлешип къаларман Мен шонда, неге тюгюл де ушатып къойдум Мен шону.

¹⁵ Аявсуздан рызкъы булан таъмин этип къоярман Сионну халкъын, экмек булан тойдуртуп къоярман пакъырлары да.

¹⁶ Къутгъарылывну гийгендей этип къоярман дин къуллукъчулары шону, сююнуп-къуванып къалар халкъым да Мени.

¹⁷ Беклешдирип къоярман шонда гъакимлигин Давутну, гъеч сёнме де къоймасман чырагъын танглагъан пачамны Мени.

¹⁸ Илыкъдырып къоярман душманлары Ону, шавла берип турар башындагъы тажы да Ону».

132 ¹ *Оьрленивню йыры. Давутну йыры.*

Не яхшыдыр, не тизивдюр дагъы татывлукъда яшап турмакъ къардашлагъа!

² Гъарунну башына тегюлюп, сакъалына, ону сакъалына агъылып турагъан, ону опуракъларыны къырыйларына агъылып турагъан сыйлы зайтун май йимикдир шо.

³ Сион тавларына тюшеген Гъермондагъы* чыкъ йимикдир. Неге тюгюл де, шондадыр гъар даим де бар болгъан Раббиз насипликни – гъар даимги яшавну ваъда этгени.

133 ¹ *Оьрленивню йыры.*

Раббизге макътав этигиз чи гъали энни, гече Раббизни уюнде де токътап Огъар къуллукъ этип турагъан Ону бары да къуллары.

² Гетеригиз чи къолларыгъызны сыйлы ерге багъып, макътав этигиз чи Раббизге де.

³ Кекню де, ерни де яратгъан Раббиз шабагъатласын дагъы сени Сиондан таба.

134 ¹ *Алгъамдуллилагъ!*

Макътав этигиз чи Раббизни атына, макътав этигиз чи, Раббизни къуллары,

² Раббизни уюнде, бизин Аллагъны уюню абзарында токътагъанлар.

* 132:3 Гъермон – Исрайылны темиркъазыкъ дазусундагъы тав.

³Макътав этигиз чи Раббизге, неге туюл де рагьмулудур Раббиз; йырагъыз чы атын тутуп Ону, неге туюл де бек тизив затдыр шо.

⁴Неге туюл де, танглагъандыр Раббиз Якъубну Озьуне, Исрайылны да Озьуне мюлк этип.

⁵Англадым мен Раббизни зор экенин, Раббизни бары да аллагълардан оър экенин де.

⁶Озью суйгенни этедир Раббиз кеклерде де, ер юзюнде де, денгизлерде де, бары да терен сувлар да.

⁷Амалгъа гелтиредир булутланы ер юзюню бир кырындан таба, яратадыр яшмынланы янгу явагъанда, чыгъарып кыюдыр елни Озьюню сакълайгъан ерлеринден.

⁸Кырып кыюду Ол Мисрини инсандан тутуп гъайвангъа ерли башлап тувгъанларын.

⁹Муъжизатлар булан гъайранлыкълар йиберип турду сагъа, Мисри, Мисрини пачасына да, бары да кыуларына да ону.

¹⁰Кырып кыюду кеп халкъланы, дагъытып кыюду гючлю пачаланы да:

¹¹Аморну пачасын Сигъонну, Башанны пачасы Огъну, Гъананны бары да пачаларын да.

¹²Варисликге, Исрайылгъа, Озьюню халкына варисликге берип кыюду оланы топурагъын.

¹³Раббим! Гъар даимгедир атынг Сени. Раббим! Наслудан наслагъадыр Сени гъакынгдагъы эсделик де.

¹⁴Неге туюл де, Раббиздир Оъз халкын якълап туражакъ, Оъз кыуларына языкъсынажакъ да.

¹⁵Гюмюш булан алтындыр, инсанны кыоллары булан этилген ишлердир ялгъан аллагълары оланы.

¹⁶Авзулары бардыр шо аллагъланы, амма сейлемейдир; гезлери бардыр шоланы, амма гёрмейдир.

¹⁷Кыулакълары бардыр шо аллагъланы, амма эшитмейдир; тыныш да ёкъдур авзуларында шоланы.

¹⁸Шо аллаглагъа ошап кълсын дагъы шоланы этгенлер, шолагъа аркъатаяйгъан гъар ким де.

¹⁹Макътав этип тур чу Раббизге, Исрайылны халкы! Макътав этип туругъуз чу Раббизге, Гъарунну наслулары!

²⁰Макътав этип туругъуз чу Раббизге, Левийни наслулары! Макътав этип туругъуз чу Раббизден кыоркъагъанлар!

²¹ Макътавлар болсун дагъы Сиондан таба Ерусалимде турагъан Раббизге.

Алгъамдулиллагъ!

135 ¹ Макътав этип туругъуз чу Раббизге, неге тюгюл де рагъмулудур Ол, гъар даимгедир зор сюювю де Ону.

² Макътав этип туругъуз чу аллагъланы да Аллагъына — гъар даимгедир зор сюювю Ону;

³ Макътав этип туругъуз чу раббилени де Раббисине — гъар даимгедир зор сюювю Ону;

⁴ Уллу гъайранлыкъланы янгыз Озью этип турагъан Раббизге — гъар даимгедир зор сюювю Ону;

⁵ Гъакъыллы кюйде кёклени яратгъан Раббизге — гъар даимгедир зор сюювю Ону;

⁶ Сувланы устюнде топуракъны токъташдырып кюйгъан Раббизге — гъар даимгедир зор сюювю Ону;

⁷ Кёкде ярыкъ берип турагъан уллу затланы яратгъан Раббизге — гъар даимгедир зор сюювю Ону;

⁸ Гюндюзлеге гъакимлик этмек учун гюнешни яратгъан Раббизге — гъар даимгедир зор сюювю Ону;

⁹ Гечелеге гъакимлик этмек учун ай булан юлдузланы яратгъан Раббизге — гъар даимгедир зор сюювю Ону;

¹⁰ Мисрини башлап тувгъан уланларын кырып кюйгъан Раббизге — гъар даимгедир зор сюювю Ону;

¹¹ Мисриде Исрайылны есирликден чыгъарып кюйгъан Раббизге — гъар даимгедир зор сюювю Ону;

¹² Къудратлы, узатылгъан къолу булан чыгъарып кюйгъан Раббизге — гъар даимгедир зор сюювю Ону;

¹³ Къызыл денгизни эки бёлюп кюйгъан Раббизге — гъар даимгедир зор сюювю Ону;

¹⁴ Шондан таба Исрайылны чыгъарып кюйгъан Раббизге — гъар даимгедир зор сюювю Ону;

¹⁵ Мисрини пачасын асгери де булан бирче Къызыл денгизге тегюп кюйгъан Раббизге — гъар даимгедир зор сюювю Ону;

¹⁶ Оьз халкъын дангылдан таба чыгъарып кюйгъан Раббизге — гъар даимгедир зор сюювю Ону;

¹⁷ Уллу пачаланы кырып кюйгъан Раббизге — гъар даимгедир зор сюювю Ону;

¹⁸ Гючлю пачаланы оьлтюрюп кюйгъан Раббизге — гъар даимгедир зор сюювю Ону;

¹⁹ Аморну пачасы Сигьонну оьлтюрюп кьойгъан Раббибизге – гъар даимгедир зор сюювю Ону;

²⁰ Башанны пачасы Огъну оьлтюрюп кьойгъан Раббибизге – гъар даимгедир зор сюювю Ону;

²¹ Оланы топуракъларын да варисликге берип кьойгъан Раббибизге – гъар даимгедир зор сюювю Ону;

²² Оьзюню кьулу болгъан Исрайылгъа варисликге берип кьойгъан Раббибизге – гъар даимгедир зор сюювю Ону;

²³ Хорлангъан заманыбызда бизин унутмай тургъан Раббибизге – гъар даимгедир зор сюювю Ону;

²⁴ Душманларбыздан азат этип кьойгъан Раббибизге – гъар даимгедир зор сюювю Ону;

²⁵ Гъар-бир къаркъараны рызкъы булан таъмин этип турагъан Раббибизге – гъар даимгедир зор сюювю Ону;

²⁶ Макътав этип туругъуз чу кёклени Аллагъына – гъар даимгедир зор сюювю Ону.

136 ¹ Бабилни оьзенлерини ягъаларында олтуруп йылап тура эдик, Сионну эсге алагъан заманларыбызда биз.

² Шондагъы тал тереклеге илип кьойдукъ согъув алатларыбызны биз.

³ «Сионну йырларындан йырлагъыз бизге», – деп де айта туруп, йырлар талап эте эдилер шонда бизин есир этгенлер, шатлыкъны талап эте эдилер бизге зулму этип турагъанлар да.

⁴ Нечик йырлайкъ дагъы биз Раббибизни йырын ят ерлерде?

⁵ Эгер де сени унутуп кьойсам, Ерусалим, къуруп къалсын дагъы онг къолум да.

⁶ Тилим тамагъыма ябушуп къалсын дагъы, эгер де эсимде сакълап турмасам сени, Ерусалим, зор сююнчюм болуп къалмасанг мени.

⁷ Эдомну халкъы тюп болгъан Ерусалимге: «Дагъытып кьююгъуз чу, дагъытып кьююгъуз чу кюрчюсюн де кьоймай шону!» – деп айтагъан гюнню эсине салып кьой чу, Раббим, олагъа.

⁸ Бабилни къызы*, дагъылып къалажакъсан сен! Насиплидир сен бизге этген затынга гёре къайтарышын этген сагъа!

⁹ Насиплидир нарысталарынгны да алып йиберип сени, ташгъа уруп оланы чагын чыгъарып кьояжакълар.

* 136:8 *Бабилни къызы* – Бабилни белгиси.

137 ¹ *Давутну йыры.*

Макътав этип тураман Сагъа гъакъ юрекден, йыр-лап тураман малайиклени алдында Сагъа.

² Сужда этип тураман сыйлы ибадатханангны алдында Сени, макътав этип тураман атынга Сендеги зор сююв учун, Сендеги аминлик учун; неге тюююл де бары затдан да оър этип къойдунг Каламынгны да, атынгны да Оъзюнгню.

³ Атынгны да тутуп мен чакъырыв этген гюн эшитип къойдунг Сен мени, гюч де бердинг магъа.

⁴ Макътав этип турар Сагъа, Раббим, ер юзюндеги бары да пачалар авзунгдан чыгъагъан сёзлерингни эшитгенде Сени.

⁵ Макътап йырлап да турар ёлларын Раббибизни, неге тюююл де зор уллудур макътавлугъу Раббибизни.

⁶ Оъзю нечакъы оърлерде буса да, юваш хасиятлыланы гъайын этедир, оъктемлени де арекденокъ да таныйдыр Раббибиз.

⁷ Къоркъунчлукъланы арасында нечакъы да айланып турсам да, оьлме къоймай къоруп сакълап турасандыр мени. Нечакъы гючлю буса да душманларымны къазапланыву, къолунгну узатасандыр, къутгъарып къоядыр онг къолунг мени.

⁸ Кютюп къоядыр магъа ваъда этген затын Раббибиз! Гъар даимгедир зор сюювонг Сени, Раббим. Оъз къолларынг булан яратгъан затларынгны къоюп къойма дагъы Сен.

138 ¹ *Хорну ёлбашчысына. Давутну йыры.*

Раббим! Ахтарып къарагъансандыр Сен мени, таныма да таныйсандыр мени.

² Олтургъанымны да, тургъанымны да билип турасандыр Сен. Арекденокъ да билип турасандыр ойларымны мени.

³ Юрюй бусам да, ял ала бусам да, Сенсендир айланамны къуршап алгъан, бары да ёлларым да белгилидир Сагъа.

⁴ Авзумдан сёз чыгъып битгенче де, Сагъа белгили болуп къаладыр шо, Раббим.

⁵ Сенсендир артымдан да, алдымдан да сакълап турагъан мени, Сенсендир устьюме къолунгну салагъан да.

⁶ Тамашадыр мени учун шолай билиминг Сени, мени англавумдан оърдедир шо, гъеч тюшюнюп болмасман дагъы мен шогъар.

⁷ Къайда гетип боларман Сени Ругъунгдан, къайда къачып боларман Сен бар ерден де?

⁸ Кёклеге чыгып гетсем де, шондасандыр Сен, ахыратгъа гирип гетсем де, шонда да барсандыр Сен.

⁹ Тангны къанатлары булан гюнчыгышгъа багып учуп гетсем де, денгизни артында гюн батагъан ерлерде яшажакъ болсам да,

¹⁰ Шонда да мени алып юрюп турар къолунг Сени, мени тутуп сакълап турар онг къолунг Сени.

¹¹ «Къарангылыкъ яшырып къойсун мени, айланамдагы ярыкъ да гечеге айланып къалсын», — деп айтарманмы дагы мен?

¹² Къарангылыкъ да яшырып болмас дагы Сенден, гюндюз йимик ярыкъдыр гече де, ярыкъ йимикдир къарангылыкъ да.

¹³ Неге тююл де, Сенсендир ичимдеги бары затны яратгъан да, анамны къарнында мени болдургъан да.

¹⁴ Макътав этип тураман Сагъа, неге тююл де шолай тамаша яратылгъанман мен. Ишлеринг де гъайрандыр Сени. Мен де бек яхшы англайман шону.

¹⁵ Гъеч яшырылмагъан эди сюеклерим де Сенден, яшыртгъын мен яратылагъан заманда, анамны къарнында амалгъа гелегенде*.

¹⁶ Тувуп битгенче де гёрюп турдунг Сен мени. Магъа токъташдырылгъан гюнлени биринчиси башлангъанча да, китабынга язылып бар эди шоланы барысы да.

¹⁷ Огъ, не англашылмайдыр дагы магъа хыялларынг Сени, Аллагъым, огъ, не кёпдюр дагы санаву да шоланы!

¹⁸ Санап турарманмы дагы шоланы, амма къайыр бюртюклерден де кёпдюр шолар. Уянагъанда да Сени булан боларман мен.

¹⁹ Огъ, эгер де Сен, Аллагъым, къырып къойгъан болгъан бусанг къылыкъсызланы! Ари тайыгъыз чы менден, къан ичивчюлер!

²⁰ Сагъа къаршы къылыкъсыз кюйде сёйлеп айланадыр олар; Сагъа къаршы ялгъан сёйлеп айланадыр душманларынг Сени.

²¹ Мен тююл, ким гёрюп ярамасын дагы Сени гёрюп ярамайгъанланы, Раббим, ким жиргенсин дагы Сагъа къаршы чыгъагъанлардан?

* 138:15 *Анамны къарнында* — тувра таржума этгенде, «топуракъны ичи» демек бола — ананы къарны демек болма герек.

²²Оъжетли кюйде гёрюп ярамайман мен оланы, душманлардыр олар магъа.

²³Ахтарып къара чы, Аллагъым, билип къой чу юрегимдегин мени; сынап къара чы, билип къой чу хыялларымны да мени.

²⁴Къарап къой чу: терс ёлгъа тюшюп сама кълалмагъанмы экенмен мен, даимги ёлгъа салып къой чу мени де.

139 ¹*Хорну ёлбашчысына. Давутну йыры.*
²Яман адамдан азат этип къой чу, Раббим, мени; зулмучудан да сакъла чы мени.

³Яман хыяллар булан айланадыр юрегинден олар, ябушма белсенип турадыр гъар гюн олар.

⁴Йыланники йимикдир тиллери оланы, къара йыланни агъусу бардыр авзуларында да оланы.

⁵Сакълап къой чу, Раббим, кылыкъсызны кълондан мени, якълап къой чу мени ер этме къарайгъан зулмучулардан да.

⁶Магъа деп октемлер тузакълар, илмеклер яшырып токътагъанлар, ёл бойда торларын ташлап, кълпгунларын салып токътагъанлар.

⁷Раббиме: «Аллагъымсандыр Сен мени; эшитип къой чу, Раббим, ялбарыв тавушларымны мени», — деп айтдым мен.

⁸Раббибиз Аллагъ, кълутгъарылывумну кълудраты мени! Сенсендир ябушувну гюнюнде якълап кълыйгъан мени.

⁹Кылыкъсызны мурадын яшавгъа чыкъма кълыйма дагъы, Раббим; хохайланып йибермесин деп, онгай берме дагъы ойлашгъан затларына оланы.

¹⁰Оъзлени башына гелсин дагъы айланамдагъыланы авзундагъы яманлыкълары.

¹¹Кызып турагъан жыжымлар явуп кълалсын дагъы башларына оланы; яллайгъан отгъа, дагъы туруп болмасдай терен кълакъалагъа ташланып кълалсын дагъы олар.

¹²Дюнъяда оъзюне ер тапмасын дагъы яман тили булангъы адам! Оълумге гелтирип кълыйсун дагъы зулмучуну яманлыгъы оъзюн.

¹³Пакъларланы янын тутажагъын, ярлылагъа да адиллигин гёрсетежегин билемен Раббим.

¹⁴Гертиден де, макълтав этип турар муълминлер Сени атынга, Сени алдынга яшап турар тюз юрекдилер де.

140 ¹ *Давутну йыры.*

Раббим! Атынгны тутуп чакъырыв этемен Сагъа; кѣмек этме алгъаса чы магъа багъып. Атынгны тутуп чакъырыв этегенде Сагъа, къулакъ асып къой чу ялбарыв тавушума мени.

²Этген дуам арив ийисли тютюндей болуп къалсын дагъы алдында Сени, ахшамгъы кърбанлыкъдай болуп къалсын дагъы Сагъа багъып гѣтерген кълларым да.

³Къаравул салып къой чу, Раббим, авзума мени, кирит уруп къой чу авзума мени.

⁴Гюнагъ ишлер этегенлер булан мен де терс иш этип къой-масын учун, яманлыкъгъа багъып авма къойма дагъы юрегимни мени. Ортакъчы да этип къойма дагъы оланы кеп чегивлерине де мени.

⁵Муъмин такъсырлап къойсун дагъы мени: рагъмудур шо. Айыплап къойсун дагъы ол мени: зайтун майдыр башым учун шо, гъеч кършылыкъ этмесмен дагъы мен де шогъар. Амма яманлагъа кършы бакъдырылгъандыр ялбарывларым мени.

⁶Ярлардан дѣгереп гетер ёлбашчылары оланы; сѣзлерим герти болгъанны англап къалар шо заман олар.

⁷Топуракъны ярагъандай уватып турар бизин, ахыратны авзуна тѣгюлюп гетер сюеклерибиз де бизин.

⁸Сагъадыр, Раббибиз Аллагъ, къарап турагъаным мени. Сагъадыр аркъатаяйгъаным мени, якълавсуз къллюп кълма дагъы Сен де мени!

⁹Магъа деп салынгъан тузакълардан да, яманланы къапгунларындан да сакълап къл дагъы мени.

¹⁰Оъзлер салгъан торлагъа тъллюп къалсынлар дагъы къллыкълсызлар, чыгъып гетермен мен буса.

141 ¹ *Давутну уъретивю. Ону анакълдагъы заманындагъы дуасы.*

Оъз тавушум булан чакъырыв этдим мен Раббибизге, оъз тавушум булан дуа этдим Раббибизге мен.

²Тѣгюп кълдудм Ону алдында ялбарывларымны мени; чечип кълдудм Огъар дертимни де мени.

³Мен ругъдан тлшегенде, ёлумну билип турдунг Сен. Магъа деп яшыртгъын кълде торларын ташлап тургъандыр юройген ёлларыма олар.

⁴ Онггъа бурулуп къарасам, менде гъеч биревню аварасы ёкъну гёрюп къояман мен: ёкъдур гирип яшынма ер магъа, гъеч биревню гъайы ёкъдур мени жанымдан.

⁵ Раббим, булай деп чакъырыв этдим мен Сагъа: «Сенсендир аркъатаявум мени, Сенсендир бу дюньяда сюеген бары затым мени!»

⁶ Къулакъ асып къой чу агъ урувума мени, неге тюгюл де бек гъалсыз болуп тураман мен; мени гъызарлап юрюйгенлерден азат этип къой чу мени, неге тюгюл де гючлюдюр олар менден.

⁷ Мен атынга макътав этип болсун учун, зиндандан чыгъарып къой чу мени. Сен магъа яхшы гёзден къарагъанда, муъминлер жыйылып къалар айланамда мени.

142 ¹ Давутну йыры.

Раббим! Эшитип къой чу дуамны мени, Сендеги аминлик булан къулакъ асып къой чу ялбарывума мени; Сендеги гъакъ гертилик булан тынглап къой чу магъа.

² Дувангъа чыгъарып къойма дагъы Оьзюнгню къулунгну да, неге тюгюл де савланы арасындан бирев де муъмин тюгюлдюр Сени алдынгда.

³ Гъызарлап юрюйдюр душманым мени; таптап ер булан бир этме гъазирдир ол мени; кёп тезден оьлгенлени йимик къарангылыкъгъа сугъуп къоядыр мени.

⁴ Гючсюз болуп къалды ругъум мени, абдырап къалды юрегим де мени.

⁵ Эсге аламан бырынгъы заманланы, ойлашып къарайман бары да Сени ишлерингни гъакъында, ой этип къарайман Сени къолларынг этген ишлени гъакъында.

⁶ Сагъа багъып узатаман къолларымны мени; къуругъан топуракъдай гъасиретдир жаным Сагъа.

⁷ Тез жавап берип къой чу, Раббим мени; гъалсыз бола тура ругъум мени. Мен къабургъа салынагъанлагъа ошап къалмасын учун, яшырып къойма чы менден Оьзюнгню бетингни.

⁸ Танг булан зор сюювюнгню эшитмекни берип къой чу Сен, неге тюгюл де Сагъадыр аркъатаягъаным мен. Магъа юрюме тюшеген ёлну гёрсетип къой чу Сен, неге тюгюл де Сагъа депдир жанымны оьрге гётерегеним мен.

⁹ Душманларымдан къутгъарып къой чу, Раббим, мени; янгыз Сени янынгадыр якълав ахтарып гелегеним мени.

¹⁰ Сен суйгенни этме уйретип кьой чу мени, неге тюгюл де Сенсендир Аллагьым мени. Сени рагьмулу Ругьунг тюз ёлдан юрютюп турсун дагьы мени.

¹¹ Сени атынгны хатири учун сав этип кьой чу, Раббим, мени. Сендеги адилликни хатири учун балагьдан кьутултуп кьой чу мени.

¹² Сендеги зор сюов булан да кьырып кьой чу душманларымны мени, дагьытып кьой чу магьа зулму этегенлени де, неге тюгюл де кьулунгмандыр мен Сени.

143 ¹ *Давутну йыры.*

Макътавлар болсун дагьы Раббиме, мени Ярыма. Олду мени ябушувларда устыон гелтирген де, давгьа гьазир этип токътатып тургьан да.

² Магьа зор сюов гёрсетеген Аллагьдыр Ол, беклигимдир мени, якълавумду мени, Азат этивчюмдюр мени, кьалкьанымдыр мени, аркъатаявумду мени. Олду халкьланы магьа таби этип кьоягьан да.

³ Раббим! Сен озьюн эс этер йимик, ким болуп кьалгьан мисгин адам? Сен озьуне тергев берер йимик, ким болуп кьалгьан мисгин адам?

⁴ Елни энгил уфьорювюне ошап кьалгьандыр инсан, объюрю де ону тая турагьан гёлентки йимикдир.

⁵ Раббим! Бёлуп йибери кёклерингни де, тюшюп кьал чы Сен; бир тийип кьой чу тавлагьа, шо заман тютюн чыгьып гетер шолардан да.

⁶ Яшмын яшнатып, чачып кьой чу Озьюнгню душманларынгни; окъларынгни атып, дагьытып кьой чу оланы.

⁷ Бийкликден таба кьолунгну узатып йибери, азат этип, кьутгъарып кьой чу мени уллу балагьлардан, ят адамланы кьолларындан да.

⁸ Тюз затны сёйлемейдир авзулары оланы, ялгьандыр гьар анты да оланы.

⁹ Аллагьым, янгы йырны йырлап турарман Сагьа, он кьыллы согъув алат булан йырлап турарман мен.

¹⁰ Неге тюгюл де, Сенсендир пачалагьа устыонлюк береген, кьулунг Давутну оylum гелтиреген кьылычдан азат этеген де.

¹¹ Озълени авзулары тюз затны сёйлемейген, гьар анты да ялгьан ят адамланы кьолларындан азат этип, кьутгъарып кьой чу мени.

¹² Жагыл уланларыбыз бек осыюп гетген тереклер йимик, кызларыбыз да кьалалардагы накъышлангъан багъаналар йимик болуп кьалсын дагы.

¹³ Беженлерибиз толуп, ашлыкдан мол болуп кьалсын дагы. Кьойларыбыз минглер, он минглер булан кьозлап турсун дагы отлавлукъларыбызда бизин.

¹⁴ Оьгюзлерибиз семиз болуп кьалсын дагы бизин. Барулар чьгюп гетмесин дагы, есирликге тюшегенлер де болмасын дагы, йылавлар болмасын дагы орамларыбызда бизин.

¹⁵ Насиплидир шу затлары бар халкъ. Насиплидир оьзлени Раббиси Аллагъ болгъан халкъ.

144 ¹ *Давутну макътав йыры.*

Мени Аллагъым, мени Пачам, макътавлар этип турарман Сагъа, гьар даим де алгъыш этип турарман атынга да Сени.

² Гьар гюн алгъыш этип турарман Сагъа, гьар даим де макътавлар этип турарман атынга Сени.

³ Зор уллудур, гьар-бир макътавлар тийишлидир Раббибизге, тюшонме де кьыйындыр зорлугъуна Ону.

⁴ Наслудан наслугъа макътавлар этилип турар ишлеринге Сени, наслудан наслугъа билдирилип де турар кьудратлы ишлерингни гьакъында Сени.

⁵ Мен буса Сени зорлугъунгну оьр макътавлары гьакъында да, Сени тамаша ишлерингни гьакъында да ойлашып турарман.

⁶ Сени кьоркьунчлу ишлерингни зорлугъу гьакъында айтылып турар, мен де Сени зорлугъунгну гьакъында билдирип турарман.

⁷ Эге алып сьйлеп турар зор яхшылыгъынгны Сени, макътап йырлап турар адиллигингни де Сени.

⁸ Чомартдыр, рагъмулудур, нече де чыдамлыдыр, зор сюювден толгъандыр Раббибиз бизин.

⁹ Бары халкъга гьрсетип турадыр Раббибиз бизин, Оьзю яратгъан бары затда гьрюнюп де турадыр рагъмусу Ону.

¹⁰ Оьзюнгню ишлеринг алгъыш этип турар Сагъа, Раббим; Оьзюнгню халкъынг да макътав этип турар Сагъа.

¹¹ Бары халкъ Сени кьудратлы ишлерингни, Сени гьакимлигингни макътавлугъу, зорлугъу гьакъында билер.

¹² Шоллукъда Сени гъакимлигингни макътавлугъу гъакъында да, Сени къудратлы ишлерингни гъакъында да сёйлеп турар халкъынг Сени.

¹³ Гъар даимлик гъакимликдир Сени гъакимлигинг, наслудан наслугъадыр Пача болуп туражагъынг да Сени.

¹⁴ Йыгъылагъанлагъа кёмек этер Раббиз, тюп болгъанланы да аякъгъа тургъузуп къояр Ол.

¹⁵ Бары жанлы затны гёзлери Сагъа багъып умут булан тигилип турадыр, заманында берип къоясандыр Сен де рызкъысын оланы.

¹⁶ Гъар-бир жанлы затны суйгенин чомарт къолунг булан таъмин этип къоясандыр.

¹⁷ Бары затда адилдир Раббиз, бары ишлеринде рагъмулудур Ол.

¹⁸ Ювукъдур Раббиз Оьзюню атын тутуп чакъырыв этегенлени барысына да, гъакъ юрекден чакъырыв этегенлени барысына да.

¹⁹ Оьзюнден къоркъагъанланы сюеген затын яшавгъа чыгъарар Ол, агъ урувун эшитер оланы, къутгъарма да къутгъарар оланы.

²⁰ Къоруп сакълап турар Раббиз Оьзюню сюегенлени барысын да, бары къылыкъсызланы буса къырып битдирип къояр.

²¹ Макътавлар этип турар авзум Раббиме, гъар даимге макътавлар этип турсун дагъы бары яратылгъан зат да Ону сыйлы атына.

145 ¹ Алгъамдуллагъ!

Макътав эт чи, жаным мени, Раббиме.

² Оьзюм сав чакъы макътавлар этип турарман Раббиме; бютюню оьмюрюм макътап йырлап турарман Аллагъымны мен.

³ Аркъатаямагъыз гъакимлеге де, бир инсангъа да, неге тюгюл де гъеч къутгъарылыв болмас олардан.

⁴ Жаны чыкъгъандокъ, топуракъгъа къайтар ол, тап шо гюнюкъ болуп къалар бары хыяллары да ону.

⁵ Насиплидир оьзюне Якъубну Аллагъы кёмек этеген, Раббизге, оьзюню Аллагъына умут этеген инсан.

⁶ Раббиздир кёкню де, ерни де, денгизни де, шоланы ичиндеги бары затны да яратгъан, гъар даим де аминлигин сакълап турагъан да.

⁷ Олдур зулмулангъанлагъа адиллик этеген, ач къалгъанлагъа рызкъысын береген де; Раббиздир есирлени азат этеген.

⁸ Раббибиздир сокъурланы гёреген этип къоягъан, Раббибиздир тюп болгъанланы аякъгъа тургъузуп къоягъан, Раббибиздир муъминлени сюеген де.

⁹ Раббибиздир гелгинчилени сакълап, етимлер булан тул къатынлагъа кёмек этип, къылыкъсызланы буса ёлларын къынгыр этип къоягъан.

¹⁰ Гъей Сион! Гъар даим де гъакимлик этип турар Раббибиз, сени Аллагъынг.

Алгъамдулиллагъ!

146 ¹ *Алгъамдулиллагъ!*

Не тизивдюр дагъы бизин Аллагъыбызгъа макътав йырлар айтып турмакъ. Леззетлидир, тийишли де дюрдюрю бизге Ону макътап йырлап турмагъа.

² Раббибиздир Ерусалимни янгъдан къурагъан, Исрайылдан къувалангъанланы жыягъан да.

³ Олдур юреги сынганланы сав этеген, оланы яраларына эм этеген де.

⁴ Олдур юлдузланы санавун токъташдыргъан, шоланы гъарисине атлар тагъагъан да.

⁵ Зор уллудур Раббибиз бизин, кёпдюр Ону къудраты да, оьлчевсюздюр Ону гъакъылы да.

⁶ Раббибиз языкъланы оьр этип къоягъан, къылыкъсызланы буса ер этип къоягъан.

⁷ Шюкюрлюк булан макътап йырлап туругъуз чу Раббибизни; къомуз согъа туруп йырлап туругъуз чу Аллагъыбызгъа.

⁸ Олдур кёкню булутлар булан ябып къоягъан, топуракъгъа янгур явдурагъан, тавларда от оьсдюрюп къоягъан да.

⁹ Олдур жан-жанываргъа рызкъысын, гъатта къычыргъанда къаргъа балалагъа емин де береген.

¹⁰ Атны югюрюкдюгюн тюгюл сюегени, инсанны аякъларыны чалтлыгъын да тюгюл ушатагъаны Ол.

¹¹ Оьзюнден къоркъагъанланы, Оьзюню зор сюювюне умут этегенлени ушатар Раббибиз.

147 ¹ Макътап тур чу, Ерусалим, Раббибизни. Алгъыш этип тур чу, Сион, Аллагъынга оьзюнгю.

² Неге тюгюл де, Олдур къапуларынгны тогъасларын бек этеген, халкъынга шабагъат этеген де сени ичингде.

³Олдур сени ичингде парахатлыкь болдурагъан, сагъа тивиз будай ашатып турагъан да.

⁴Олдур Оьзюню сёзюн ер юзюне тюшюреген; тез яйылып къалар буйругъу да Ону.

⁵Олдур мамукъдай ап-акъ къарны явдуруп къоягъан, кюлдей къырав салдырып къоягъан да.

⁶Таш йимик буз явдуруп къояр Ол. Ким чыдап болар экен дагъы Ону сувукълугъуна?

⁷Бир сёз айтып къояр Ол – ирип къалар шолар бары да; елни уьфюртюп къояр – агъылып йиберер сувлар да.

⁸Олдур Оьзюню Каламын Якъубгъа билдирген, буйрукълары булан къанунларын Исрайылгъа етишдирген де.

⁹Буланы бирин де этмегендир Ол башгъа халкълагъа; Ону къанунларын да билмейдир олар.

Алгъамдулиллагъ!

148 ¹Алгъамдулиллагъ!

Кёклерден таба макътавлар этип туругъуз чу Раббибизге, бийикликлерден таба макътавлар этип туругъуз чу Огъар.

²Макътавлар этип туругъуз чу, Ону бары да малайиклери, макътавлар этип туругъуз чу, Ону кёклердеги бары да асгерлери.

³Макътавлар этип туругъуз чу, гюнеш булан ай, макътавлар этип туругъуз чу, йыртыллайгъан бары да юлдузлар.

⁴Макътавлар этип туругъуз чу, кёклени де кёклери, кёклерден де бийикдеги сувлар да*.

⁵Макътавлар этип турсун дагъы Раббибизни атына шолар, неге тюгюл де Оьзюню буйругъу булан яратып къойгъандыр Ол шоланы.

⁶Гъар даимге салып къойду Ол шоланы; къанунлар да берди Ол, гъеч бирев де бузмас дагъы шоланы.

⁷Макътавлар этип туругъуз чу Раббибизге ер юзюнден таба, сувдагъы аждагъалар булан денгизлени-дерияланы теренликлери де,

⁸Ялын булан буз да, къар булан алаша булут да, Ону буйругъун кютеген къатты ел де,

⁹Тавлар булан тёбелер де, емиш береген тереклер булан бары да къарагъайлар да,

* 148:4 Къара Яратылыв 1:7.

¹⁰ Къыр жанлар булан гъар-бир гъайван-мал да, суюкелеген жанлар булан къанатлы къушлар да,

¹¹ Ер юзюндеги пачалар булан бары да халкълар да, бийлер булан ер юзюндеги гъакимлер де,

¹² Уланлар булан къызлар да, къартлар булан яшлар да –

¹³ Макътавлар этип турсун дагъы Раббизни атына олар бары да, неге туюл де янгыз Ону аты оьрдюр бары да атлардан; Ону зорлугъу да ер юзюню, кёклени дазуларындан да чыгып гетедир.

¹⁴ Олтур Оьзюню халкъына гюч де, гъакимлик де берген, Оьзюню амин къулларыны, демек Исрайылны Оьзюне ювукъ болгъан халкъыны макътавлугъун оьр этген.

Алгъамдулиллагъ!

149 ¹ *Алгъамдулиллагъ!*

Йырагъыз чы Раббизге янгы йырны. Оьзюню халкъы жыйылгъан ерде макътап йырагъыз чы Раббизни.

² Къуванып къалсын дагъы Исрайыл Оьзюню Яратгъанындан; сююнюп къалсын дагъы Сионну халкъы да оьзюню Пачасындан.

³ Бийий туруп макътавлар этип турсун дагъы Ону атына; теп къагъып, къомуз согъуп йырап турусун дагъы Огъар.

⁴ Неге туюл де, ушатып къояр Раббиз Оьзюню халкъын, къутгъарып, нюрлендирип къояр мисгинлени де Ол.

⁵ Сююнюп къалсын, макътавлу да болуп къалсын дагъы Ону халкъы; ятывларында буса да къуванып къалсын дагъы олар.

⁶ Аллагъыбызгъа макътав сёзлер чыгып турсун дагъы оланы авзуларындан; эки де яны гесеген къылыч да болсун дагъы оланы къолунда.

⁷ Шо заман халкълардан оьч алар, адамланы такъсырлар,

⁸ Пачаланы шынжырлар булан байлар, оланы вазирлерине темир бугъавлар салар,

⁹ Аллагъны язувун кютер – булардыр Ону халкъгъа ти-йишли болгъан сыйы.

Алгъамдулиллагъ!

150 ¹ *Алгъамдулиллагъ!*

Оьзюню Сыйлы ибадатханасында макътавлар этип туругъуз чу Аллагъыбызгъа; Оьзюню къудраты гёрюнген кёкде макътавлар этип туругъуз чу Огъар.

²Обзюндеги кудрат булан этген ишлер учун макътавлар этип туругъуз чу Аллагъыбызгъа; бары затдан оър чыгъагъан зорлугъу учун макътавлар этип туругъуз чу Огъар.

³Зурнайны тавушу булан макътавлар этип туругъуз чу Огъар; кеп кылылы согъув алатланы согъуп макътавлар этип туругъуз чу Огъар.

⁴Теп кягъып, бийий туруп макътавлар этип туругъуз чу Огъар; кьомуз чертип, зурнай согъуп макътавлар этип туругъуз чу Огъар.

⁵Бек тавуш чыгъарагъан накъыралагъа кягъа туруп макътавлар этип туругъуз чу Огъар; янгыртып кюягъан накъыралагъа кягъа туруп макътавлар этип туругъуз чу Огъар.

⁶Бары да тыныш алагъан зат макътавлар этип турсун дагъы Раббизге!

Алгъамдулиллагъ!

Сёзлюк

Амин – ягьуди сёз, «гертиден де, шолай»; «шолай болсун дагьы» деп таржума этиле.

Ахырат – оьлюлер болагъан ер. Бырынгъы ягьудилени ёравларына гёре, оьлген сонг ахыратгъа бары да адамлар тюше (Забур 88:49). Эсги Разилешивде муъминлер учун дагьы башгъа кьысमत гёз алгъа тутулмай.

Бабил – бизин девюрден алдынгъы VII-нчи асруну ахырларындан тутуп уллу пачалыкъны тахшагъары. Шо пачалыкъгъа Месопотамия, Шам ва Паластин гире болгъан. Ягьуди пачаланы оьзлени харлысызлыгъын сакъламакъ учунгъу гъаракатлары Ягьуди пачалыгъын дагьылыгъа, Ерусалимни бузулугъа ва ягьудилени кьувалавгъа гелтире. Эсги Разилешивню кёбюсю китапларында Бабилден оьч алыв гъакьында айтыла (Забур 136). Библияны мердешинде Бабил дюнья оьлчевюндеги яманлыкъны белгиси болуп токъгай.

Билим – «гъикматлыкъ», «гъакъыл» ва «муъминлик» деген сёзлени маънадашы, демек бу нечик буса да бир затлар булан байлавлу билим тюююл, Аллагъгъа тюшюнюв.

Гюмюш – Эсги Разилешивде «гюмюш» «акъча» деген маънаны англата.

Гюнагълылар – Аллагъны буйрукъларын кютмеген ва шолай да бир тюрюлю себеплерден адатлар булан байлавлу тазалыкъны сакъламагъан адамлар.

Гъарун – Мусаны агъасы. Дин кьуллаукъчуланы борчларын юрютмеге ва исрайыл халкъы учун Аллагъгъа кьурбан этмеге янгъыз Гъарунну ва ону наслусундагъыланы ихтияры болгъан.

Гъерубимлер (ягьудиче керубим, теклик санавда керу́в) – Раббизге кьуллаукъ этеген яратывлар. Заburда (17:11) Раббизни гъакъында булай айтыла: «гъерубимге де минип йиберип, учуп гетди; елни къанатларыны устьюндеги кюйде гетип къалды». «Гъерубимлени устьюнде олтургъан» – Раббизге тагъылгъан атланы бирисидир (Забур 79:2; 98:1). Бырынгъы исрайыллылар

гъербимлени аслу гьалда къанатлы яратывланы келпетинде гѣрген болма герек.

Давут – Ягъуданы тухумундан чыкъгъан Исрайылны инг белгили пачасы. Ягъуди пайхаммарлар дюньягъа гъакъ кюйде гъакимлик этежек Месигъ Давутну наслусундан болажакъ деп алданокъ билдире болгъанлар.

Денгиз – Эсги Разилешивде кѣбюсю гьалда инг башлап болгъан денгизлени теренликлерин-низамсызлыкъны англата. Аллагъ шону енгип ва аякълары булан басып токътагъан (къара, масала, Аюб 9:8).

Ефрем – Юсупну экинчи уланы, исрайыллыланы шо атлы къавумуна баш салгъан адам. Темиркъязыкъ пачалыгъында аслу ерни тутуп гелген Ефремни къавумуну топурагъына да шолай айтыла болгъан. Шо саялы Эсги Разилешивде кѣбюсю гезиклерде Ефрем деп бютюн Исрайыл пачалыгъына айтыла.

Ёл – Сыйлы Язывларда гъар инсангъа къылыкъ якъдан берилген сайлавгъа шолай айтыла: Аллагъны буйрукъларына гѣре юрюмек ва тюз ёл булан юрюмек неде Аллагъгъа къаршы башгѣтермек, демек «ёлдан къайтмакъ, адашмакъ».

Ёрдан – Гьермон тавдан баш алып, Облю денгизге тѣгюлеген Паластинни аслу озени. Йылны кѣбюсю вакътисинде Ёрдан генг болмай (30 метрден генг тюгюл) ва терен болмай, амма ону агъымы чалт, айланмалы.

Зайтун май – кѣбюсю адатланы юрютегенде къолланагъан май. Шону дин къуллукъчулар, пачалар, пайхаммарлар къуллугъун кютме башлайгъанда, олагъа сюрте болгъан. Май булангъы къошулчанны ибадатхананы сыйлы ерине сюртмек учун къоллай болгъан.

Ибадатхана – Ерусалимде ерлешген болгъан ва бютюн дюньядагъы ягъудилени дин марказы болгъан. Ягъудилер озлени къурбанларын янгыз шонда эте болгъанлар. Ибадатхана башлап янгы девюрден алда 10-нчу асруда Сулайман пачаны заманында къурулгъан. Янгы девюрден алда 6-нчы асруда бабиллилер ону дагъытгъан. Сонг ибадатхана янгы девюрден алда 5-нчи асруда ягъудилер есир болуп тургъан Бабил-

ден кьайтгъандан сонг янгыртылгъан. Янгы девюрню 1-нчи асрусунда Гьирод пача ону башгъача этип кьургъан. 70-нчи йылда Ерусалимдеги башгётеривню тозагъан заманда рум асгерлер ибадатхананы дагъытгъанлар ва шо замандан берли ибадатхана дагъы янгыртылмагъан.

Ибрагъим – Аллагъу-Таала оьзю булан разилешив бегетген пайхаммар. Исрайылны халкы ондан баш ала. Ибрагъим Аллагъгъа тынглавлу ва амин болгъан, Огъар толу кюйде инангъан.

Исгъакъ – Ибрагъимни ва Сараны уланы, исрайыл халкыны ата-бабаларындан, Якъубну атасы.

Исрайыл – Якъубну экинчи аты, Аллагъны халкына да шотлай айтыла болгъан. Бизин девюрден алдынгы X-нчу асруну ахырларындан тутуп Къыбла пачалагъы (тахшагъары – Ерусалим) булан янаша болгъан Темиркъязыкъ пачалыгъына, (тахшагъары – Самария) шотлай деп айтыла болгъан.

Кедар – Темиркъязыкъ Арапстанда гёчюп яшайгъан арап къавум. Сыйлы Язывларда Кедар – Исмайылны уланларындан бириси (Яратылыв 25:13).

Кёклердеги асгер – бу сёзлер Эсги Разилешивде «кёклердеги пача» болгъан Раббизни кырындагъыланы англатма бола. Амма Сыйлы Язывланы кёбюсю китапларында «кёклердеги асгер» – юлдузлар (неде гюнеш, ай ва юлдузлар). Кёбюсю ягъудилени «кёклердеги асгерге» сужда кылыву гъакъда сёз юрюле. Сыйлы Язывлардагъы китаплар шотлай сужда кылывну ят аллагълагъы къуллукъ этив булан янаша сала туруп, къатты кюйде айыпгъа тута.

Къурбанлыкъ – Эсги Разилешивню дин адатларын кютювде къурбан этив аслу ерни тутуп геле. Аллагъны ва инсанны арасындагъы байлавлукъ къурбан этивден ва буйрукъланы кютювден таба даим болдурула.

Къурбанлыкъны салагъан ер – гъайванланы къурбан этмек учун, ташдан, балчыкъдан яда темирден этилген гётеринки ер. Къурбанлыкъ шонда салынып, Аллагъ учун яллатыла болгъан. Къурбан этмеге янгыз дин къуллукъчуланы ихтияры болгъан.

Мелгьиседек – Салим деген ерни пачасы, дин кзуллукучу. Ибрагым пайхаммар давда оьзюне тюшген затлардан он пайындан бир пайын огъар берген. Шондан сонг Мелгьиседек Ибрагымге Аллагьны рагьмусун тилеп дуа этген.

Моав – Оьлю денгизни гюнтувуш янында ерлешген уьлке.

Муса – пайхаммар, Исрайылны инг белгили дин ва сиясат ёлбашчысы. О оьзюню халкьын Мисридеги есирликден чыгъаргъан. Муса Аллагь оьзюне берген Къанунну халкьгъа етишдирген.

Муьминлик – Аллагьны буйрукъларын кютювню, Мусаны Къанунун камил кюйде кютювню англата.

Офир – кёп йыракълардагъы уьлке. Шондан алтын, агъачланы сыйлы тайпаларын, багъалы ташлар ва аз ёлугъагъан жанланы гелтире болгъан. Сыйлы Язывлагъа гиреген китаплардан Офирни мекенли ерлешген ери англашылып битмей.

Рагъав – денгиз аждагъа, Ливьятан булан бирче Раббибиз оьзюнден уьст чыкьгъан низамсызлыкьны бир белгиси (Аюб 26:12; Забур 88:11). Забурда (86:4) Рагъав – Мисрини аллегориялы аты.

Ругь – ягьуди тилдеги «руагь» деген кёп маъналы сёз «ругь», «ел», «уьфюрюв», «тыныш» деген маъналары англатма бола.

Синай – Синай ярыматавундагъы тав. Чыгъыш китабында эсгерилеген кюйде, Раббибиз исрайыл халкьы булан разилешивню шо тавда бегетген.

Сион кьызы – Эсги Разилешивде кёп ёлугъагъан «Сигьонну кьызы» деген англав Ерусалим демекдир.

Танглангъан – башына зайтун май сюртюлеген адатдан таба бир кзуллукугъа багъышланагъан инсан. Башына зайтун майны шолай сюртюлмеклигине пайхаммарлар, пачалар ва дин кзуллукучулар лайыкьлы бола болгъанлар.

Уьй – Эсги Разилешивде бу сёз оьзюню аслу маънасындан къайры да («турагъан ер», «яшавлукь этеген ер»), булай маъналары да англатма бола: 1) тухум, уьягьлю, халкь; 2) наслулар, тухумда бир-бирин алышдырып гелегенлер.

Эдом (Сейир) – Оьлю денгизни кыбла-гюнтувуш ягъындагы, Моавну кыбласындагы уьлке. Давут пачаны заманларындан берли Эдом ерусалим пачаланы гъакимлигини тюбюнде болгъан, амма ягъудили Ёрам пачаны заманында (бизин девюрден алдагы 848-842-нчи йй.) башгётерип, харлысызлыкъгъа етишген.

Эдомлулар – Эдомда яшайгъанлар, олар Исавну наслусундан деп гысаплана болгъанлар.

Эсги Разилешив – Аллагъ Синай тавда Мусадан таба Исрайылны халкъы булан бегетген разилешивге шолай айтыла болгъан.

Юзюмлюк – Сыйлы Язывларда кёп керенлер аманлыкъны ва уьст геливню ва шолай да оьзю Аллагъны халкъыны белгиси болуп геле.

Юрек – бырынгъы ягъудилер гъакъылны ерлешеген ери деп гысаплай болгъанлар, шо саялы Эсги Разилешивде «юрек» «гъакъыл» деген маънаны англата. Дагъы да Сыйлы Язывларда юрек инсанны ич, сырлы битимин, ону ругъ, инг башлап Аллагъгъа бакъгъан якъдагы яшавуну марказын англата. Бир-бирде «намус» деген маънада къоллана.

Якъуб – Исакъны уланы; огъар дагъы да Исрайыл деп де айтыла.